

# বিজ্ঞান অন্নেশক

BIGYAN ANNESWAK

ISSN 2582-5674

বর্ষ - ১৯

সংখ্যা-৪

কুলাই - আগস্ট ২০২২

RNI : WBBEN/2003/11192

মূল্য : ২০ টাকা



গোপালচন্দ্ৰ  
ভট্টাচার্য

## সূচি

**২ একজন সহজিয়া বিজ্ঞানী**



জলদার  
মজুমদার

**৫ মাকড়সার বিচির শিকারকৌশল**



পেপালচক্র  
কাটার

**৬ এক অতিরাচরিত বিজ্ঞানী**



সৃষ্টির জৈবী

**৮ প্রকৃতিবিজ্ঞানী গোপালচন্দ্রকে  
স্মরণ**



সিদ্ধার্থ মোয়ারদার

**৯ সম্প্রদানক  
গোপালচন্দ্র ভট্টাচার্য**



অপরাজিত বসু

**১০ প্রকৃতিবিজ্ঞানী গোপালচন্দ্র  
ভট্টাচার্যের  
অন্তর্নিহিত  
মানসিকোক্ত  
দীপক মুমার লি**



**১২ বৃক্ষ সম্ভাটের  
গরিবত ভূবন**



বৈশিক বয়

**১৩  
গুলকপি**



**১০  
অ্যালিগেটর গার  
লোকসন্তু জান**



**১৪**

**হন্ম পতানেও  
ছিলেন ছন্দে**



কলম সৎ

**১৬ সংবাদ : বিশ্঵পরিবেশ দিবস  
২৯**



সংবাদ



রাহিমোগান্ডি

**১৮ গ্রেইন ফ্রীজ**



বিষ্ণু পাল

**২০**

**নিকোলা টেসলা**



অসিত ঘোষ

**২৩ কিউবার  
আস্থা ব্যবস্থা**




আস্থা

**২৪ কবিতা**

সুরত কুল  
নিমাল্যা দাশগুপ্ত  
বিজেন আচার্য  
জগন্মুক মাজুমদার  
চম্পশেখর দেৱ  
অমুন ঘোষ



**২৬ মিউটেশনের জন্য  
অধিকার চম্পকী**



২৭



পুরাণো বই রাতে বাঢ়ে  
অসম্বা দে

**২৮ ছেলের জন্য শিশুবলি**

ভবনীপ্রসাদ সাহ



**৩২ সৃষ্টি ও ধৰণসের নেপথ্য**

পত্রব বৰুৱা চৰ্ত্তা



**৪৪ প্রাচুর্য**



যারা ইরিয়ে থাকে

রাজা রাত্তি



# বিজ্ঞান অধ্যেত্বক

সম্পাদক  
তাপস মজুমদার

সম্পাদকমণ্ডলী

জয়দেব দে, বিজয় সরকার, শিবপ্রসাদ সরদার,  
জগন্ময় মজুমদার, অমিতাভ চক্রবর্তী, অনিল্দ দে,  
রতন দেবনাথ, পাণ্ডি মানি, অনুপ হালদার,  
সুবিনয় পাল, প্রবীর বসু, সৌরভ মুখাজী

: website :

[www.bigyananneswakpra.in](http://www.bigyananneswakpra.in)

: e-mail :

[bigyanannesak1993@gmail.com.](mailto:bigyanannesak1993@gmail.com)

: Whatsapp No. :

9874778216 / 9143264159/7980121478



প্রচন্ড বিন্যাস অঙ্গসভা  
তাপস মজুমদার  
অঙ্কন  
বিজন কুন্ড



9 772582 567004

বিজ্ঞান অধ্যেত্বকের পক্ষে জয়দেব দে, ৫৮৫ অজয় ব্যানার্জী রোড (বিনোদনগর) পোঁক কাঁচরাপাড়া, পিন-৭৪৩১৪৫, জেলা-উত্তর ২৪ পরগণা,  
পশ্চিমবঙ্গ কর্তৃক প্রকাশিত এবং স্ক্রিন আর্ট, ২০ নেতাজী সুভাষ পথ, পোঁক কাঁচরাপাড়া, জেলা-উত্তর ২৪ পরগণা থেকে মুদ্রিত।


অঙ্কন বিল্যাস : রেজ ডট কম, ৪৪/১এ বেনিয়াটোলা লেন, কলকাতা-৭০০০০৯

যোগাযোগ : ৯৮৭৪৭৭৮২১৬/৯৮৭৪৩০০৯২/৯২৩১৫৪৫১৯১/৯৮৩০২৩০৫৮৮২

## সুভাষিতম্

‘যে সম্মান হৃদয়ের শত রক্তবিন্দুর বিনিময়ে ক্রীত, ওহে  
মহাশয়, কোনও অনুগ্রহের আশায় তাকে দারোয়ানের  
নিকট বিক্রয় করিও না।’

—রামমোহন রায়



আমাদের কথা

## দরজাটা খুলে রাখো

ভালোবাসা কারে কয়? ভালোবাসার রকমফের আছে? বোধহয় আছে। বেশিরভাগ  
মানুষ নিজেকে নিয়েই ভাবেন। নিজেকেই ভালোবাসেন। নিজের সুখ-স্বাচ্ছন্দ্য-সুবিধার  
দিকে তার অতন্ত্র নজর। এদের মধ্যে মুষ্টিমেয় কিছু মানুষ নিজের প্রতি ভালোবাসায়  
অনেকটাই নির্মম। তার স্বার্থে, তার লাভের দখলদারিয়ের জন্য সবকিছু ধ্বংস করতে  
তারা উদ্যত। তার জীবনদায়ী প্রকৃতিকে সে শোষণ করবে। যে বাস্ততন্ত্রের জন্য তার  
জীবন, তার চলাফেরা, সেই বাস্ততন্ত্রের মূল সে উৎপাটন করবে। সে অরণ্য নির্মূল  
করবে। জলাশয় বুজিয়ে দেবে। অনবরত গ্রীন হাউস গ্যাস নির্গত করবে। এত সব  
করেও কোনো কিছুতেই তার কিছু আসবে যাবে না। কারণ সে যে নিজেকে ভীষণ  
ভালোবাসে। এটা একরকম ভালোবাস। অন্যরকম ভালোবাস কি নেই? আছে। কিন্তু  
তাদের বোধহয় দূরবীনে দেখতে হবে। তাদের ক্ষীণ কঠিন তারা বলতে পারেন অমোঘ  
সত্যটা। তারা বলেন আমাদের অস্তিত্বে শুধু নয়, সমগ্র জীবকূলের অস্তিত্ব টিকে  
আছে পরম্পরের ক্রীড়ায় বাস্ততন্ত্রের অমোঘ নিয়মে। একাকী কোনো জীব পৃথিবীতে  
থাকতে পারবে না। যদি সে জীব শ্রেষ্ঠ বুদ্ধির অধিকারীও হয়, তাহলেও সে মুছে  
যাবে। পরবর্তী প্রজন্মের জন্য কিছুই সে রাখতে পারবে না। তাই এই বিশাল ব্ৰহ্মাণ্ডের  
মধ্যে একমাত্র প্রাণময় পৃথিবীকে টিকিয়ে রাখতে তাকে ভালোবাসতে হবে। তার  
জীবকূলকে ভালোবাসতে হবে। ভালোবাসতে হবে ক্ষুদ্রকায় শৈবালকে। জড়িয়ে  
ধরতে হবে বিশালাকার বৃক্ষকে। বৃক্ষের আশ্রয়ে বসবাসকারী পাখিদের, সরীসৃপদের।  
ভালোবাসা ছড়িয়ে দিতে হবে ক্ষুদ্র বৃহৎ সকল জীবদের। যেমন পরিবেশ কর্মী এক  
বন্ধু তার দেহে বসা পিঁপড়কে সময়ে পরিবেশে ফিরিয়ে দেন, তেমনভাবে  
ভালোবাসতে হবে। কিন্তু তাদের ভালোবাসতে হলে তাদেরকে জানতেও হবে। আমরা  
আমাদের পারিপার্শ্বিক জীবদের কতটুকু চিনি? কতটুকু জানি? এক্ষেত্রে গোপালচন্দ্ৰ  
ভট্টাচার্য আমাদের আদর্শ। তিনি জীবনের সবটুকু ভালোবাসায় অজানা কীটপতঙ্গ,  
হরেক রকম মাছ, কতরকমের পাখিদের পর্যবেক্ষণ করলেন এবং আমাদের জানালেন।  
তিনি প্রকৃতির দরজাটা খুলে রেখেছিলেন। আমাদের প্রলুব্ধ করেছিলেন তার মধ্যে  
দিয়ে চলাচল করতে। এই দুঃসময়ে যখন ‘ধ্বংসের মুখোমুখি আমরা’ তখন তার  
জন্মের ১২৫ বছর পেরিয়ে গোপালচন্দ্ৰের প্রকৃতিপ্রেম আরও বেশি প্রাসঙ্গিক।  
প্রয়োজন হয়ে পড়েছে দরজাটা খুলে রাখা।


—তাপস মজুমদার

## একজন সহজিয়া বিজ্ঞানী : গোপালচন্দ্র ভট্টাচার্য


রবার্ট ব্রসের গল্পটা আমরা সবাই জানি। সেই যে মাকড়সার জাল বুনবার গল্প। বুনতে বুনতে বারবার পড়ে যাওয়া আর ওঠার গল্প। মাকড়সার অধ্যবসায় বারবার যুদ্ধে হেরে যাওয়া স্কটল্যান্ডের রাজা রবার্ট ব্রসের বুকে উস্কে দিয়েছিল নতুন এক প্রেরণার শিখা। এই গল্প এখন ক্লিশে হয়ে গেছে। কিন্তু মাকড়সা যে অন্য এক, অন্যরকম রবার্ট ব্রসেরও প্রেরণার উৎস, কে জানত। কেন না তাঁকেও তো অজস্র প্রতিকূলতার মুখোমুখি হতে হয়েছে সমস্ত জীবনভর। তাঁর বিজ্ঞানী হয়ে ওঠার যাত্রাপথে কত না লাঞ্ছনা, উপেক্ষা সহ্য করতে হয়েছে। তিনি আর কেউ নন, এই বাংলারই আপনজন, প্রকৃতির নিতান্ত স্বজন—গোপালচন্দ্র ভট্টাচার্য।

তিনিই প্রথম বললেন মাকড়সার অনেক ধরন—স্থলচর, জলচর এবং উভচর, এমনকি ডুবুরি মাকড়সাও আছে। সবচেয়ে বড় কথা সব মাকড়সা আবার জালও বোনে না। যদি বোনে, তারও ধরন আলাদা, কেউ খাঁড়া ভাবে, কেউ বোনে শয়ান ভাবে। কারো জাল আবার তিন কোণা, কারো চার, কারো বা বহুকোণিক। না এখানেই শেষ নয়, কোনো জাল তাঁবুর মতন, কারো বা পাতলা কাগজের মতো সমতল।

মাকড়সা তো আমরা সবাই দেখি। কিন্তু ক'জন জানি মাকড়সা ভীষণ অসামাজিক, একা থাকতেই ভালোবাসে। যদিও কিছু ব্যতিক্রম আছে। কেউ আবার দারুণ মিমিক্রি জানে। পিংপড়ের দলে ভিড়ে




পিংপড়ের ছদ্মবেশে চুরি করে আনে পিংপড়ের ডিম। আনন্দে নাচও করে। ডিম নিয়ে পারস্পরিক যুদ্ধ তো করেই। কিছু মাকড়সা আবার কাঁকড়ার মতো সামনে নয়, পেছনে নয়, পাশের দিকে হাঁটে। কি অসম্ভব নিপুণ পর্যবেক্ষক ছিলেন গোপালচন্দ্র ভাবলে অবাক হতে হয়। এসবই আমরা জেনেছি তার গবেষণালোক বই ‘বাংলার



ছবি : আরনাঙ্গো পাটুলো চি

মাকড়সা’ (১৯৪৮) থেকে। বাংলাদেশের ফরিদপুরে জন্ম (১.৮.১৮৯৫)। স্বশিক্ষিত বলতে যা বোঝায় একদম নিজের চেষ্টায় অজানাকে জানার কোতুহল ও আগ্রহে, অনেক ‘বাধার বিন্ধ্যাচল’ পেরিয়ে তিনি হয়ে উঠেছিলেন একজন প্রকৃত প্রকৃতি বিজ্ঞানী। যার সঙ্গে তুলনা চলে কেবল ডারউইন, কিংবা জঁ অঁয়ারি ফ্যাবার অথবা ওজিন মারের। কথাটা আমার নয়, বলেছেন আরেক প্রকৃতি বিজ্ঞানী রতনলাল বৃন্দাচারী।

জীবদ্দশায় কি না শিখেছেন তিনি। জুতো সেলাই থেকে চশ্চীপাঠ। সরকারি আর্ট কলেজ থেকে ছবি আঁকা, ফটো তোলা, বৈদ্যুতিক যন্ত্রপাতি সারাই-এর কাজ, লেদ মেশিনের ব্যবহার—ইত্যাদি শেখার পরেও চোখ-কান অবিরত খোলা রেখেছেন প্রকৃতির সত্যিকার প্রকৃতি জানার জন্য। ঘুরে ফিরেছেন বাংলার মাঠ-ঘাট, নদী-নালা, বৌপবাড়। কেবল মাকড়সার জীবন দেখা নয়, দেখেছেন পিংপড়ে, মৌমাছি, কুমরে পোকা, প্রজাপতি, নেউলে



গোকা, পঙ্গপাল, কাচগোকার বিচির জীবনাচরণ—স্বভাবের স্বকীয়তা। বলাবাহ্য যখন তিনি এসব কর্মকাণ্ডে নিজেকে মগ্ন রেখেছেন তখন বাকি পৃথিবীতে এসবের কোনো গবেষণা হয়নি বলা চলে। সুতরাং এ ব্যাপারে তিনি ছিলেন এদেশে পথিকৃৎ। কিন্তু পরাধীন দেশের একজন একাকী মানুষের এই গবেষণা মূল্য পায় না। তার লেখাগুলির যোগ্য অনুবাদ না হওয়াও একটি কারণ হতে পারে। সেই অর্থে তিনি তেমন কিছুই পাননি। যদিও জীবনের প্রাপ্তে এসে ১৯৭৫-এ তাঁর লেখা ‘বাংলার কীটপতঙ্গ’ রবীন্দ্র পুরস্কার পেয়েছিল। কিন্তু পাওয়া না পাওয়া সমান। তখন তাঁর বয়স ৮১ বছর। আর মাত্র কয়েকটি বছর তিনি বেঁচেছিলেন। কিন্তু পুরস্কার আর সত্যিকার স্বীকৃতি বোধ করি এক নয়। যদিও তিনি জীবনের প্রধান সময়কাল কাটিয়েছেন কলকাতার ‘বসু বিজ্ঞান মন্দির’-এ—একজন ল্যাব অ্যাসিস্ট্যান্টের ভূমিকায়, তাঁর



তখন (১৯২০) বসু বিজ্ঞান মন্দির

অধিকাংশ গবেষণার কাজও এখানেই, তবু তিনি ছিলেন উপেক্ষিত, ব্রাত্য। অথচ আশ্চর্য এই বসু বিজ্ঞান মন্দিরের ‘Transaction’-এ ১৯৪৩-এ তাঁর একটি পিংপড়ে সংক্রান্ত গবেষণাপত্র প্রকাশিত হয়েছিল। আরো আশ্চর্য ও দুঃখের এই যে তাঁর মৃত্যুর পরে প্রকাশিত ‘The Ants’—যা কিনা ‘পিংপড়ে বিশারদের বাইবেল’ হিসেবে চিহ্নিত (হোয়েলডব্লিউ ও উইলসন)—সেখানে হাজার তিনেক গবেষণাপত্রের উপরে থাকলেও সেখানেও গোপালচন্দ্র ভট্টাচার্যের নাম ছিল না।



মাকড়সার মাছি শিকার

ছবি : টমি টে

কারণ আর কিছু না, বিজ্ঞান মন্দিরের এই ‘ট্রান্সাকশান’ ‘সাধারণত অপরিচিত আজকের বিশ্বে’। হয়তো এটাই সর্বৈর সত্যি নয়, বিজ্ঞানী রতনলাল ব্রহ্মচারী সন্দেহ প্রকাশ করেছেন, ‘তবে কি একটা ‘কালার বার’ (Colour bar) এখানেও কাজ করছে? হয়তো অবচেতন মনে?’ কথার মানুষ ছিলেন না তিনি, শ্রমিক মৌমাছির মতো ছিলেন কাজের মানুষ। উপরন্তু প্রচার বিমুখ।

আপাত দৃষ্টিতে তার কাজ, অনেকে হয়তো ভাবে, এ তো কাজ নয়, অকাজ। বনেবাদাড়ে একজন মানুষ যেন ক্ষ্যাপার মতো নিরস্তর খুঁজে ফিরছেন পরশপাথর। না তার পাথর তো অন্য কিছু, জ্যান্ত মাকড়সা ছাড়াও অন্যান্য কীটপতঙ্গ। শুধু তো সংঘের জন্য খুঁজে ফেরা নয়। তিনি জানতে চান তাদের স্বভাব-চরিত্র, শিকার ধরবার কুট কৌশল, প্রজনন পদ্ধতি। সুতরাং উপর উপর দেখা নয়, একদম হাতেকলমে, রীতিমতো নিজের মতন করে, শিশুর মতন পালন করে যাকে বলে পর্যবেক্ষণ—এবং এর জন্য যে কঠোর পরিশ্রম সব তিনি সহ্য করেছেন। তাঁর একটি রচনা থেকে প্রমাণ মেলে, ‘এক সময়ে পরীক্ষাগারে কয়েকটা জাল বোনা মাকড়সা পুরোটাম। চার ফুট চৌকো কাঠের ফ্রেমে তারা জাল বুনে শিকারের প্রতীক্ষায় বসে থাকত। রোজ দু’-একটা করে জ্যান্ত ফড়িং তাদের জালে ফেলে দিতাম... জালে আটকে গিয়ে ফড়িংটা পালাবার জন্যে ভয়ানক ঝাপটা-ঝাপটি শুরু করে দিল... ইতিমধ্যে মাঝারি গোছের একটি টিকটিকি দেয়ালের গা বেয়ে ছুটে এসেই ফড়িংটাকে লক্ষ্য করে লাফিয়ে পড়ল। ...জালের বাঁধন ছাড়াবার জন্যে টিকটিকিটা অনেকক্ষণ অবধি ধস্তাধস্তি করে অবশেষে চুপ করে রইল। কিছুক্ষণ বাদেই দেখলাম মাকড়সাটা এক-পা দু’-পা করে অতি সন্ত্রপণে টিকটিকিটার দিকে এগিয়ে আসছে... এগিয়ে এসে হঠাতে টিকটিকিটার উপর বাঁপিয়ে পড়ল এবং শরীরের পেছন দিক থেকে ফিতের মতো চওড়া সুতোর ফালি বের করে পিছনের দু’ পায়ের সাহায্যে টিকটিকিটাকে ঘুরিয়ে ঘুরিয়ে ব্যাঙ্গেজের মতো করে জড়াতে লাগল। অল্পক্ষণের মধ্যেই ব্যাঙ্গেজ করা শেষ হয়ে গেল এবং সেটাকে জালে ঝুলিয়ে রেখে জালের মধ্যখানে নিয়ে কয়েকবার।



কর্মব্যস্ত শ্রমিক পিংপড়েরা

অপূর্ব ভঙ্গিতে ন্যূন্য করে চুপ করে বসে রইল। প্রায় ঘটা দেড়েক  
বাদে এসে ব্যান্ডেজের পুঁটিলিটার মধ্যে দাঁত ফুটিয়ে শিকারের রস-রক্ত  
চুয়ে খেতে শুরু করে দিল।

অথবা অন্যত্র লিখেছেন ‘পিংপড়ে মাকড়সাটাকে সেদিনের মতো  
টিউবে করে ল্যাবরেটরিতে রেখে দিলাম। পরের দিন গিয়ে দেখি  
একটা অঙ্গুত কাণ্ড ঘটেছে। টিউবের মধ্যে আগের দিনের সেই  
মাকড়সাটি নেই। রয়েছে সম্পূর্ণ নতুন রকমের অঙ্গুতদর্শন একটা  
প্রাণী। ...কোথা থেকে কেমন করে এটা টিউবের মধ্যে আসল আর  
আগের মাকড়সাটাই বা কোথায়, কিছুই স্থির করা সম্ভব হল না...  
মাকড়সাটা যেখানে ধরা পড়েছিল সেখানটায় জোর অনুসন্ধান চালাতে  
লাগলাম। ...অনেক দিনের চেষ্টায় গুটিকয়েক লাল মাকড়সা ধরে এনে  
বড় কাচের ঘরে স্বাভাবিক পরিবেষ্টনীর মধ্যে পুষতে আরঙ্গ করলাম।  
প্রায় বছর তিনেক পোষবার ফলে এদের জীবনযাত্রা প্রণালীর অনেক  
রহস্যই জানা সম্ভব হয়েছে।

ভাবা যায়! প্রায় টানা তিন বছর পুষবার পর তিনি জানতে  
পেরেছিলেন পিংপড়ের জীবন প্রণালী। একে কি বলব, রবিঠাকুরের  
ভাষায় ‘সাধক ওগো, প্রেমিক ওগো’—না কি শ্রেফ ঘরোয়া ভাষায়  
বলব, বিজ্ঞানী? আসলে গোপালচন্দ্র ভট্টাচার্য ইজ ইক্যুয়াল টু ঐ  
তিনজন-ই।

কিন্তু শুন্ধং কাষ্ঠং বইবন্দি থিয়োরি শৃঙ্খলিত বিজ্ঞানী তিনি নন,  
ছিলেন না তথাকথিত অ্যাকাডেমিক। কীটপতঙ্গ সংগ্রহ করে তার গণ  
ও প্রজাতি চিহ্নিত করে, ক্যারোলাস লিনিয়াস মেনে নামকরণেই  
সীমাবদ্ধ ছিল না তাঁর কাজ। তিনি এদের গোপন আস্তানায় নিজে  
গিয়ে—সেটা হতে পারে কোনো জঙ্গল বা গর্ত, বন্দ মজাপুরু, কোনো  
গোয়াল ঘর, দরমার ঘরের চালের বাখারি কিংবা কোনো বাগানের  
অকিঞ্চিত্কর বেড়ার ফাঁক। তার পকেটে, তার সঙ্গে সব সময়ই থাকত  
পোকা ধরবার জাল, টেস্ট টিউব এবং ফরমালিন। পরের মুখে ঝাল  
খেয়ে নয়, নিজের চোখে দেখে, পরীক্ষা করে অবশ্যে তা তিনি  
লিখে রাখতেন তাঁর নিজস্ব নেটুবুকে।

এরকম অজস্র পর্যবেক্ষণের আলো ছাড়িয়ে রয়েছে তার গবেষণামূলক  
রচনায়। এইসব দেখার সঙ্গে কিছু দৃষ্টান্তের উল্লেখে তিনি যেন পান  
কিছু সত্যের সন্ধানও। অন্য এক জীবনের বোধ। গল্প বলবার ভঙ্গিতে  
তিনি লিখেছেন সিপাহী বিদ্রোহের সময়ের কিছু ইংরেজ পলাতক  
সিপাহীদের ভয়ে কোনো এক গোলাঘরে আশ্রয় নিয়েছিল। সিপাহীরা  
যখন সেখানে পৌঁছায়, নজরে পড়ে বিস্তৃত হয়ে আছে একখানি  
টাটকা মাকড়সার জাল। মাকড়সার অক্ষত জাল দেখে ওদের নির্যাং  
মনে হয়েছিল ভিতরে কেউ নেই। আসলে ছেঁড়া জালও অতি দ্রুত  
মাকড়সা সারাই করে নিতে পারে। সুতরাং সিপাহীরা ফিরে যায় ব্যর্থ  
মনোরথ, বেঁচে যায় কয়েকটি বিপন্ন প্রাণ। হজরত মহম্মদের প্রাণ  
রক্ষার ক্ষেত্রেও একবার মদিনার এক পাহাড়ি গুহায় বিস্তৃত মাকড়সা  
জালের ভূমিকা রয়েছে। এরকম কথিত আছে। জাল মাত্র নির্ভেজাল

ফাঁদ নয়, জালও কখনো প্রাণদায়ী হয়! জীবন এক বিচির সত্যবদ্ধ  
জাল। আমরা আর কতটুকু জানি।

জানি না বলেই যুগে যুগে দেশে দেশে গোপালচন্দ্র ভট্টাচার্যের  
মতো সহজিয়া বিজ্ঞানীর জন্ম হয়। সহজিয়া কবি হতে পারলে, বিজ্ঞানী  
কেন হবে না? তথাকথিত বিশ্ববিদ্যালয়ের বাঘা বাঘা ডিপ্রি তার ছিল  
না, একদম স্বরচিত, স্বশিক্ষিত প্রকৃতিবিজ্ঞানী ছিলেন তিনি। তাঁর আগে  
এই বাংলায় তাঁর কোনো দিশারী পূর্বসুরী ছিলেন না যাকে তিনি  
অনুসরণ করতে পারতেন। এখানেই তাঁর স্বকীয়তা, মৌলিকতা,  
অসাধারণস্তুতি, ভিন্নধর্মী চিন্তনের আশ্চর্য ক্ষমতা।



একটি কবিগানের অনুষ্ঠান

তিনি তো কেবল বিজ্ঞানী ছিলেন না। দীর্ঘকাল ‘জ্ঞান ও বিজ্ঞান’  
পত্রিকার দায়িত্বান সম্পাদক ছিলেন। তার সামাজিক কর্মকাণ্ডও কম  
না। ‘উচ্চ জাতের গোঁড়ামির বিরক্তে তিনি তার প্রথম ঘোবনে প্রচুর  
ব্যঙ্গ করিতা, ছড়া, কবিগান, নাটক ইত্যাদি রচনা করেন। তাঁর  
সমাজ-সংস্কারমূলক কাজগুলি উচ্চবর্ণের হিন্দুরা মেনে নিতে পারেননি।’  
'অবশ্য এজন্য তাকে নানাভাবে নাজেহাল হতে হয়।' তিনি তারপর  
‘নতুন ধরনের একটি জারিগানের দল’ গড়ে তোলেন। তাঁর অনুজ  
পক্ষজবিহারী ভট্টাচার্য স্মৃতিচারণে লিখেছেন ‘গোপালচন্দ্র ছিলেন  
সেকালের দক্ষ শিল্পী ও কবিয়ালদের গুরু। কবিয়াল হিসেবে তিনি  
ভাওয়াল সন্ধ্যাসীর মামলার গান রচনা করেছিলেন—

শোনো ভাই সকলে

আশ্চর্য কলিকালে

ঘটিল ভাওয়ালে

অপূর্ব ঘটন...’ ইত্যাদি ইত্যাদি।

আসলে ব্যতিক্রমী, বহুমুখী প্রতিভার অধিকারী ছিলেন গোপালচন্দ্র।  
তাঁর মনের সংগ্রাম বহুগামী হবে এই তো স্বাভাবিক। গবেষণার  
বিষয়ে বিন্দু পেরিয়ে ছাড়িয়ে পড়বে বৃত্তের বাইরে। ওই তো ওখানে  
একজন মহিলা-মাকড়সা দিব্যি কচড়মচড় করে চিবিয়ে খাচ্ছে তার  
সদ্যসন্দেহান্তর প্রিয় পুরুষটিকে। ওই তো মাটিতে গর্ত খুঁড়ে আপন  
মনে ডিম পেড়ে চলেছে একটি কুমরে পোকা... বাবুই বাসায় নিভচে  
জলছে জোনাকির লুসিফেরজ, লুসিফেরিন আলো...

লেখক প্রাক্তন জীববিদ্যার শিক্ষক, কবি ও প্রাবন্ধিক।

• M. 9432523890

## মাকড়সার বিচিৰণ শিকারকৌশল

আমাদের দেশে বিভিন্ন জাতীয় অসংখ্য রকমারি মাকড়সা দেখতে পাওয়া যায়। এদের মধ্যে কতকগুলি জাল পেতে শিকার ধৰে, কতকগুলি হিংস্র জন্মজানোয়ারদের মতো দুৱ থেকে শিকারের ঘাড়ে লাফিয়ে পড়ে; কেউ কেউ আশেপাশের অবস্থার সঙ্গে বেমালুম আত্মগোপন করে নিজীৰ পদাৰ্থের মতো চুপ করে বসে থাকে—কীটপতঙ্গেৰা ভুল করে নিকটে আসামাৰ পলায়ন কৰাৰ পথ পায় না। কেউ কেউ আবাৰ জলেৰ উপৰ ঘোৱাফেৱা করে ছোট ছোট মাছ ধৰেই জীবিকাৰ্নিৰ্বাহ করে।

তাছাড়া এমন কতকগুলি মাকড়সা দেখা যায়, যাৰা পিংপড়েৰ মতো দল বেঁধে শিকার আয়ত্ত করে এবং সকলে মিলে ভাগভাগি করে খায়। যে-সকল মাকড়সা জাল পেতে শিকার ধৰে


তাৰা সন্ধ্যাৰ একটু আগেই জাল তৈৰি করে তাৰ মধ্যস্থলে—কেউ কেউ আবাৰ জলেৰ বাইৱে কোনো নিৱিলি স্থানে চুপ করে বসে থাকে। জলেৰ সুতোৰ গায়ে বিন্দু বিন্দু আঠালো পদাৰ্থ মালাৰ মতো সজ্জিত দেখা যায়। কোনো কীটপতঙ্গ উড়ে এসে জালে পড়ামাত্ৰই আঠায় আটকে যায়। জলেৰ বন্ধন হতে মুক্ত হওয়াৰ জন্য শিকার প্ৰাণপণ চেষ্টা কৰতে শুৱ করে। এই সময় মাকড়সাটা ছুটে গিয়ে ফিতেৰ মতো চওড়া সুতোৰ ফালি বেৰ কৰে তাকে সম্পূৰ্ণৱৰপে জড়িয়ে ফেলে এবং পুঁটিৰ মতো কৰে জলেৰ মধ্যস্থলে ঝুলিয়ে রাখে। তাৰপৰ অবসৰমতো শিকারেৰ রস-ৱৰ্ত চুৰে থায়।

ল্যাবৱেটৱিতে প্ৰতিপালন কৰাৰ সময় আমাদেৰ দেশেৰ সাদা-কালোৱ বিচিৰিত বড় বড় তাঁতিবউ মাকড়সাগুলি টিকটিকি, গিৰগিটি এবং ছোট ছোট গেছোব্যাং প্ৰভৃতি বিভিন্ন জাতীয় প্ৰাণীকে জালে আটকিয়ে শিকার কৰতে দেখেছি। আমাদেৰ দেশেৰ সুৰ্যমণি লক্ষার মতো আকৃতিবিশিষ্ট কালো অথবা হলুদ ও রাপোলি রঙে বিচিৰিত বড় বড় মাকড়সাগুলি সময় সময় ছোট ছোট পাখিও শিকার কৰে থাকে।

আমাদেৰ দেশেৰ এক রকমেৰ ছোট ছোট কালোৱ রঙেৰ মাকড়সা অন্তৰ্ভুত উপায়ে শিকার ধৰে থাকে। প্ৰকৃত প্ৰস্তাৱে এৱা কোনো রকমেৰ জাল তৈৰি কৰে না। ইটেৰ পঁজৱ বা ভাঙ্গ দেওয়ালেৰ ফাটলেৰ মুখে এলোমেলোভাৱে খানিকটা সুতো জড়িয়ে রাখে মা৤। ওই সুতোগুলিৰ সঙ্গে সৰু একগাছি সুতোৰ ঘোগ রেখে মাকড়সাটা ফাটলেৰ মধ্যে আত্মগোপন কৰে থাকে। নিশ্চিন্ত মনে চলাফেৱা কৰাৰ সময় কীটপতঙ্গেৰা সুতোৰ সংস্পৰ্শে আসামাৰ আঠকা পড়ে যায়। টেৱ পাওয়া মাত্ৰই মাকড়সাটা গুপ্তস্থান থেকে ছুটে এসে শিকারটাৰ উপৰ ঠিক থুতুৰ মতো কতকগুলি জড়ানো সুতো নিক্ষেপ কৰে তাকে সম্পূৰ্ণৱৰপে ঢেকে ফেলে। শিকারেৰ তখন আৱ মুক্ত হওয়াৰ কোনোই আশা থাকে না। কিছুক্ষণ অপেক্ষা কৰাৰ পৰ মাকড়সা সুতোৰ

পুঁটিলিতে আবদ্ধ জ্যান্ত শিকারটাকে ফাটলেৰ মধ্যে নিয়ে যায় এবং তাৰ রস-ৱৰ্ত চুৰে থায়।

বাংলাদেশেৰ মাছ শিকার মাকড়সাদেৰ মাছ শিকারকৌশলও চমৎকাৰ। দমদমেৰ কাছে



একটা জলাশয়ে দেখেছিলাম অনেক তেচোখো মাছ পুকুৱেৰ শালুক ও ঘাসপাতাৰ আড়ালে বা তাদেৰ কাছাকাছিই ঘূৱে বেড়ায়। পাতাৰ ধাৰে নিশ্চলভাৱে বসে থাকা কোনো একটা মাকড়সার নিকটবৰ্তী হওয়া মাৰ্বল অব্যৰ্থ লক্ষ্যে সে কোনো একটা মাছেৰ ঘাড়ে ঝাপিয়ে পড়ে এবং সাঁড়াশিৰ মতো বিষদাত বিদু কৰে তাকে পাতাৰ উপৰ টেনে তোলে। তাৰপৰ অনেকক্ষণ ধৰে ধীৱে ধীৱে

তাকে উদৱস্থ কৰে। এই জাতীয় স্বৰ্গীয়-মাকড়সাৰা ডিমেৰ থলি সঙ্গে নিয়েই জলেৰ উপৰ ঘোৱাফেৱা কৰে এবং ডিম ফোটাৰ পৰ বাচাণগুলিও মায়েৰ পিঠেৰ উপৰ বসে থাকে। কোনো কাৰণে ভয় পেলে স্বৰ্গীয়-মাকড়সাটা বাচাণগুলিকে নিয়েই ১৫-২০ মিনিট পৰ্যন্ত জলেৰ নীচে ডুবে থাকতে পাৰে।


বেশিৱভাগ বাড়িৰ ঘৰেৰ দেওয়ালে বা মেঝেতে প্ৰায় সিকি ইঞ্চি লম্বা সাদা-কালো ডেৱাকাটা একৰকম মাকড়সা দেখতে পাওয়া যায়। এদেৰ শিকার ধৰার পদ্ধতি ঠিক শিকার বিড়ালেৰ মতো। প্ৰথানত এই মাকড়সারা মাছি শিকার কৰে বেঁচে থাকে। কোথাও একটা মাছিকে বসে থাকতে দেখলেই মাকড়সা দুৱ থেকে একৰকম লাফাতে লাফাতেই তাৰ নিকটে উপস্থিত হয়। অনেকটা কাছে আসাৰ পৰ গতিবেগ কমিয়ে দেয় এবং পা টিপে অতি সন্তোষে অংসৱ হতে থাকে। তিন-চাৰ ইঞ্চি ব্যবধানে থাকতেই মাছিটাৰ ঘাড়েৰ উপৰ লাফিয়ে পড়ে। যদি দেখে মাছিটা তাৰ দিকেই মুখ কৰে আছে, তবে পাশেৰ দিকে ঘূৱে তাৰ পিছনে উপস্থিত হয় এবং সেখান থেকেই তাকে আক্ৰমণ কৰে। এদেৰ বাচাণগুলি কিন্তু রাহাজানি কৰেই খাদ্য সংগ্ৰহ কৰে। এৱা পিংপড়েৰ লম্বা লাইনেৰ ধাৰে চুপ কৰে বসে থাকে। সুবিধা বোৰা মাৰ্বল অকস্মাৎ লাফিয়ে পড়ে পিংপড়েৰ মুখ থেকে খাবাৰ ছিনিয়ে নিয়ে চম্পট দেয়। আমাদেৰ দেশেৰ কাঁকড়া মাকড়সার শিকারকৌশলও কম বৈচিৰ্যপূৰ্ণ নয়। এৱাও লতাপাতা ও ফুলেৰ সঙ্গে দেহেৰ রং মিলিয়ে ঠিক গঙ্গাফড়িঙ্গেৰ মতোই প্ৰতাৱণাৰ আশ্রয়ে শিকার ধৰে থাকে। তাছাড়া পিংপড়ে মাকড়সাদেৰ শিকারপ্ৰণালীও অতীব কৌতুহলোদ্দীপক। এৱা পিংপড়েৰ ছদ্মবেশে পিংপড়েৰ দলে মিশে তাৰেকেই শিকার কৰে থাকে। মোটেৰ উপৰ একমা৤্ৰ কীটপতঙ্গেৰ মধ্যে অনুসন্ধান কৰলেও এমন আৱাও অনেক কৌশলেৰ পৰিচয় পাওয়া যাবে, যা মনুষ্য উদ্ভাবিত কৌশল অপেক্ষা কোনো অংশেই হীন নয়।

## সুমি বা চৌধুরী এক অচিরাচরিত বিজ্ঞানী

গোপালচন্দ্র ভট্টাচার্য সর্ব অর্থেই ব্যতিক্রমী সম্পূর্ণ দেশজ এক বিজ্ঞানী, তাঁর প্রাথমিক পরিচয়—ইন্টারমিডিয়েট পর্যন্ত পড়াশোনা করার পর আর্থিক কারণে পড়া ছাড়তে বাধ্য হওয়া এক দরিদ্র গ্রাম্য মানুষ। অথবা বিজ্ঞান গবেষণা, বিজ্ঞান শিক্ষাদানে তাঁর অবদান অনন্ত করণীয়। কোনো পাশ্চাত্যের জ্ঞানভাণ্ডার থেকে নয়, এই বাংলার (অবিভক্ত ও বিভক্ত) গাছপালা, কীটপতঙ্গ, পশুপাখিদের দৈনন্দিন জীবনযাত্রায় অনলস পর্যবেক্ষণ, বিশ্লেষণ গবেষণাটি ছিল তাঁর আজীবন জীবনচর্চা। বাংলার প্রত্যন্ত গ্রামের অখ্যাত গোপালচন্দ্র একক উদ্যম, অধ্যবসায় নিয়ে নিরীক্ষণ করেছেন কীটপতঙ্গের আচার আচরণ, জলাভূমি ও পাঁচির মার ভিটায় দেখা ভৌতিক আলো, এদের কারণ অনুসন্ধান করেছেন, পরীক্ষার ফলাফল লিপিবদ্ধ করেছেন। একই সঙ্গে গ্রামের ‘অন্ত্যজ’-দের লেখাপড়া শেখানো, গ্রামবাংলার জারিগান, কথকতার মাধ্যমে গ্রামের মানুষকে বিজ্ঞানমনস্ক করতে চেষ্টা করেছেন।

গোপালচন্দ্রের জন্ম ১৮৯৫ খ্রিস্টাব্দের ১ আগস্ট পূর্ববঙ্গের ফরিদপুর জেলার লোনসিং গ্রামের এক দরিদ্র ব্রাহ্মণ পরিবারে। তিনি প্রথম সন্তান, পরে আরো তিনটি ভাই। তাঁর সাড়ে পাঁচ বছরে বাবা অস্বিকাচরণ প্রয়াত হলে মা শশীমুখী চারটি শিশুসন্তান নিয়ে বিপর্যস্ত সহায় সম্মতীন সংসারের হাল ধরেন। দশ-এগারো বছর বয়স থেকেই গোপালচন্দ্রকে পড়াশোনার পাশাপাশি পারিবারিক বৃত্তি পৌরোহিত্য যাজনিক কাজ করে সংসারের অর্থ সংস্থান করতে হয়েছে। অত্যন্ত মেধাবী গোপালচন্দ্র ১৯১৩ সালে ফরিদপুর জেলায় প্রথম স্থান আধিকার করে প্রথম বিভাগে ম্যাট্রিকুলেশন পাশ করেন। কৃতিত্বের জন্য স্কুলের শিক্ষক, প্রতিবেশী ও গুণগ্রাহীরা একটি সংবর্ধনা সভার আয়োজন করে এই সভায় সংগৃহীত অর্থ গোপালচন্দ্রকে উচ্চশিক্ষার জন্য দান করেন। তিনি গ্রাম ছেড়ে ইন্টারমিডিয়েট ক্লাসে ভর্তি হলেন ময়মনসিংহ জেলার আনন্দমোহন কলেজে। কিন্তু পারিবারিক ও আর্থিক কারণে দ্বিতীয় বছরেই পড়াশোনা ছেড়ে তাঁকে ফিরে আসতে হয় লোনসিং-এ এবং লোনসিং স্কুলেই শিক্ষকতার চাকরি পান। ছাত্রজীবন থেকেই জিজ্ঞাসু অনুসন্ধিৎসু মনের তাগিদে শুরু হয়েছিল তাঁর নিজস্ব প্রকৃতিপাঠ।

স্কুলে শিক্ষকতা করার সময় ছাত্রদের নিয়ে কৃত্রিম উপায়ে ফুলের পরাগ সংযোগ করে সংকর উদ্ভিদ তৈরির নানা পরীক্ষা করেন। এর পাশাপাশি শতদল নামে একটি হাতে লেখা মাসিক পত্রিকা প্রকাশ, হিন্দু সমাজের তথাকথিত ‘অন্ত্যজ’-দের শিক্ষা প্রসারের জন্য ‘কমলকুটির’ নামক সংস্থা তৈরি এবং সেই সঙ্গে তৎকালীন সামাজিক ব্যবস্থা ও লোকচরিত নিয়ে একটি জারি গানের দল তৈরি করেন। বিজ্ঞান সাধনার মতই স্বতঃস্ফূর্ত তাঁর সাহিত্যভাবনা, সংগীতবোধ। কোনোক্ষেত্রেই কোনো ‘কৃত্রিম পণ্য’ পসরা সাজাননি। কলেজে




পড়তে পড়তেই ‘পাঁচির মার ভিটা’ (পচা গাছপালায় ভরতি একটি পোড়ো বাঢ়ি) ও অন্যান্য কয়েক জায়গার ‘ভৌতিক’ আলো দেখে কারণ খুঁজতে গিয়ে তিনি জৈববৃক্ষের প্রতি আকৃষ্ট হন এবং নিজে দিনের পর দিন বোপজঙ্গলে অনুসন্ধান করে ‘আলো’ দেওয়া গাছপালা, মাটি সংগ্রহ করে আনেন। এই নিয়েই প্রবাসী পত্রিকায় তাঁর প্রথম বৈজ্ঞানিক রচনা প্রকাশিত হয়। (পচা গাছপালার আশ্চর্য আলো বিকিরণ করার ক্ষমতা—গোপালচন্দ্র ভট্টাচার্য, প্রবাসী পৌষ সংখ্যা ১৩২৬ বঙ্গাব্দ)

এই প্রবন্ধতেও দেখা যায় কোন গাছপালা কী অবস্থায় আলো দিচ্ছে তার বিশদ বর্ণনা দিয়ে তিনি বলছেন ‘এ ব্যাপারে প্রকৃত রাসায়নিক তথ্যটা প্রবাসী-র মারফত সবিস্তারে কেউ জানাতে পারলে আমাদের কৌতুহল চিরিতার্থ হত। কারো পরীক্ষার দরকার হলে ওরকম দু-এক খণ্ড আলো দেওয়া পচা পাতা বা আরো কিছু পাঠ্যতে পারি। যা তিনি পারেননি তার অকপট স্বীকারোভিতি এবং অপর কোনো আগ্রহীকে অসূয়াহীন সাহায্যের আশ্বাস—এমনই ছিল গোপালচন্দ্রের বিজ্ঞান-মনস্কতা।

১৯১৯ খ্রিস্টাব্দে তিনি কলকাতার কশীপুরে বেঙ্গল চেম্বার্স অফ কমার্সের টেলিফোন অপারেটরের চাকরি পান। এই সময়েই তাঁর প্রবাসী-র প্রবন্ধ জগদীশচন্দ্র বসুকে আকৃষ্ট করে এবং বিপ্লবী পুলিনবিহারী দাশের মাধ্যমে গোপালচন্দ্রের সঙ্গে পরিচিত হয়ে তাঁকে বসু বিজ্ঞান মন্দিরে যোগ দিতে বলেন। ১৯২১-এ স্বভাব-বিজ্ঞানী গোপালচন্দ্র



প্রবাসী



জগদীশচন্দ্র বসু

পৌঁছে গেলেন বিজ্ঞান মন্দিরে। এখানে প্রথম জগদীশচন্দ্রের সহকারী এবং পরে গবেষক পদে বৃত্ত হন। সেই সময় কর্মীসংখ্যা খুব কম থাকায় এবং গবেষণাগারের সব ধরনের কাজের শিক্ষাগ্রহণে জগদীশচন্দ্রের আগ্রহে গোপালচন্দ্র নিজস্ব গবেষণার পাশাপাশি আর্ট স্কুলে শিক্ষা নিয়ে

যত্ত্বপাতির ছবি আঁকা, ফোটোগ্রাফি, গবেষণার পাণ্ডুলিপি টাইপ করা সব কিছুই শিখে নিয়েছেন। সঙ্গে ছিল বিজ্ঞান প্রবন্ধ রচনার কাজ। ১৯২১ থেকে ১৯৭১—এই দীর্ঘ সময় তিনি গাছপালা, কীটপতঙ্গ, জৈবদ্যুতি এবং শেষের দিকে ব্যাঙাচি থেকে ব্যাণ্ডে রূপান্তরে পেনিসিলিনের ভূমিকা নিয়ে গবেষণা করেছেন। ১৯৩০-এ বাংলার মাছখেকে মাকড়সা সম্বন্ধে তাঁর বিশদ পর্যবেক্ষণ বসু বিজ্ঞান মন্দিরের ট্রানজ্যাকশনে বেরোয়। ১৯৩৪-৩৫-এ পিংপড়ে অনুকারী মাকড়সা, টিকটিকি শিকারী মাকড়সা সম্পর্কে চারটি গবেষণাপত্র বোম্বের ন্যাচারল হিস্টি সোসাইটি, আমেরিকান সায়েন্টিফিক মাইল এবং কলকাতার সায়েন্স অ্যান্ড কালচার-এ প্রকাশিত হয়। জগদীশচন্দ্র আশা করেছিলেন এই গবেষণা নিবন্ধগুলি তাঁকে বিদেশেও পরিচিত দেবে এবং বিদেশে এই ধরনের কাজ যাঁরা করেছেন তাঁদের সঙ্গে মতামত বিনিয় করতে পারবেন কিন্তু ১৯৩৩-এ হিটলারের অভ্যুত্থান এবং দ্বিতীয় বিশ্বযুদ্ধের ফলে এই আশা আপূর্ণ থেকে যায়। ১৯৩৬-১৯৪৩-এর মধ্যে গোপালচন্দ্রের ১৪টি উচ্চমানের গবেষণাপত্র প্রকাশিত হয়েছে। ১৯৫২-১৯৭১ এই সময়কালে ‘ব্যাঙাচি থেকে ব্যাঙ’ রূপান্তরে পেনিসিলিনের ভূমিকা নিয়ে গবেষণা করেছেন। ‘ব্যাঙাচি’ থেকে ব্যাঙ হওয়ার ঘটনা সবাই জানেন। আয়োডিন ঘটিত থাইরক্সিন হর্মোনের প্রভাবে এই পরিবর্তন সাধিত হয়। কিন্তু গোপালবাবু লক্ষ করলেন যে, পেনিসিলিনের প্রভাবে এই রূপান্তর থেমে যায়। ব্যাঙাচিগুলো বড়ে ব্যাঙাচি থেকে যায়—আর ব্যাঙ হয় না। সেই সময় বিখ্যাত বিজ্ঞানী জুলিয়ান হাক্সলে কলকাতায় এসেছিলেন। তাঁকে গবেষণার ফলাফল দেখানো হয়। তিনি বলেন ব্যাপারটা খুবই রহস্যজনক। একটা রিপোর্ট নেচার পত্রিকায় দেওয়া উচিত (সেটা কিন্তু আর কখনোই করা হয়নি)।

এই উদ্ভিতি বাইরের জগতে গোপালচন্দ্রের যথেষ্ট স্বীকৃতি না পাওয়ার আক্ষেপ থেকে উল্লেখ করা হচ্ছে না—উল্লেখ এই কারণেই যে এই ‘রহস্য’ সমাধান নেচার পত্রিকায় প্রকাশিত হলেও গোপালচন্দ্র নিজেই গবেষণা করে রহস্য উদ্ঘাটন করেছেন। তিনি দেখালেন ব্যাঙাচির শরীরে বাসা বাঁধা কতকগুলি ভিটামিন বি-১২ সংশ্লেষণকারী ব্যাকটেরিয়া পেনিসিলিনের প্রভাবে মারা যায় এবং ভিটামিনটির অভাবেই ব্যাঙাচি থেকে ব্যাণ্ডে রূপান্তর ব্যাহত হয়। এই রূপান্তর না হওয়া ব্যাঙাচিদের ভিটামিন বি-১২ প্রয়োগ করে দেখা গেল যে আবার ব্যাঙাচি—ব্যাণ্ডে রূপান্তর ঘটে। এইভাবে পিংপড়ে, মাকড়সা ও অন্যান্য কীটপতঙ্গদের ক্ষেত্রে পরীক্ষা পর্যবেক্ষণের ফলে কোনো অমীমাংসিত তথ্য খুঁজে পেলে অনলস দৈর্ঘ্য ও অধ্যাবসায় নিয়ে সমাধান খুঁজেছেন আবার না পারলে অকপটে স্বীকার করেছেন। বিজ্ঞানগবেষক গোপালচন্দ্রের পাশাপাশি হয়ত-বা আরো উজ্জ্বলভাবে তাঁর যে পরিচয়টি উঠে আসে সেটি বিজ্ঞান সাহিত্যিক ও সম্পাদক গোপালচন্দ্র ভট্টাচার্য।

সাধারণ মানুষের মধ্যে মাত্রভাষায় বিজ্ঞানচর্চার কাজে সব থেকে

আগ্রহী হয়ে উঠেন প্রবাদ প্রতিম বিজ্ঞানী সত্যেন্দ্রনাথ বসু। বিজ্ঞান প্রচার ও প্রসারের জন্য ১৯৪৮-এর ২৫ জানুয়ারি বঙ্গীয় বিজ্ঞান পরিষদ প্রতিষ্ঠা করেন এবং ওই দিন থেকেই শুরু হয় জ্ঞান ও বিজ্ঞান পত্রিকার প্রকাশ। এই সময়েই সত্যেন্দ্রনাথ পত্রিকা সম্পাদনার জন্য গোপালচন্দ্রকে আহ্বান জানান। এর অনেক আগে থেকেই প্রবাসী, প্রকৃতি, বঙ্গবাসী, বঙ্গশ্রী প্রভৃতি পত্রিকায় নিয়মিতভাবে গোপালচন্দ্রের বিজ্ঞান প্রবন্ধ প্রকাশিত হচ্ছিল। প্রায় তিনি দশক জ্ঞান ও বিজ্ঞানের সম্পাদক রূপে কাজ করে তিনি বিজ্ঞান সাহিত্যে এক নতুন দিক খুলে দিয়েছেন অন্যের লেখা প্রবন্ধের সম্পাদনায়, এ ছাড়া স্থানামে এবং বেনামে তাঁর অজ্ঞ প্রবন্ধ লেখাই শুধু নয় তাঁরই হাতে গড়ে উঠেছে নতুন এক বিজ্ঞান লেখকগোষ্ঠী যাঁদের অনেকেই আজ লেখক হিসাবে অত্যন্ত কৃতী। সর্বসাধারণের জন্য বা ছেটদের জন্য বিজ্ঞানের লেখা কেমন করে লিখতে হবে তা শিখিয়েছেন। ভাষার অহেতুক জটিলতা বাহুল্য বর্জন করে স্বচ্ছ, সহজ অর্থে সরসভাবে বৈজ্ঞানিক তথ্য পরিবেশন করে দেখিয়েছেন বিজ্ঞান প্রবন্ধ কেমন হবে। তাঁর কয়েকশো রচনা একই সঙ্গে সার্থক বিজ্ঞান এবং সার্থক সাহিত্য। জ্ঞান ও বিজ্ঞান পত্রিকায় একটি ছেটদের বিভাগ খুলে ছেটদের উপযোগী রচনা এবং বহু সহজবোধ্য বৈজ্ঞানিক মডেল তৈরি শিখিয়েছেন (যেগুলি ‘করে দেখো’ নামে তিনখণ্ডে বই হয়ে বেরিয়েছে)।

যাঁর গভীর পর্যবেক্ষণ, পরীক্ষা এবং সেগুলির লিপিবদ্ধ বর্ণনায় পুষ্ট হয়েছে আমাদের বিজ্ঞান, বিজ্ঞান সাহিত্য সেই মানুষটি পুরস্কার, সম্মান পেয়েছেন সন্তরোধ্ব বয়সে। ১৯৬৮-তে আনন্দ পুরস্কার, ১৯৭৪-এ বসু বিজ্ঞান মন্দিরে নাগরিক সংবর্ধনা, ওই বছরই শুরু হওয়া



বঙ্গীয় বিজ্ঞান পরিষদের সত্যেন্দ্রনাথ বসু স্মৃতিফলক, ১৯৭৫-এ বাংলার কীটপতঙ্গ বাইটির রচয়িতা হিসাবে রবীন্দ্র পুরস্কার, ১৯৭৯-তে বসু বিজ্ঞান মন্দিরের হীরক জয়ন্তী উপলক্ষে জুবিলি পদক এবং ১৯৮১-তে কলকাতা বিশ্ববিদ্যালয়ে সাম্মানিক ডি.এসসি. ডিগ্রি। তিনিই সন্তুষ্ট প্রথম অস্ত্রাত ভারতীয় যিনি সাম্মানিক ডি.এসসি. ডিগ্রি পান।

১৯৮১-র ৮ এপ্রিল গোপালচন্দ্র ভট্টাচার্য প্রয়াত হন।

লেখক প্রাক্তন অধ্যক্ষ, ভিট্টোরিয়া ইনসিটিউশন কলেজ, কলকাতা, সভাপতি, বঙ্গীয় বিজ্ঞান পরিষদ ও বিজ্ঞান প্রাবন্ধিক


email: sumitraasok@gmail.com • M. 8910443482

## সি দ্বাৰ্থ জো যা র দা র প্ৰকৃতিবিজ্ঞানী গোপালচন্দ্ৰকে স্মৃতি

মাৰো মাৰো যোগেন মাস্টাৱ ছেলেদেৱ ডেকে এনে  
ম্যাজিকেৰ খেলা দেখাতেন। একটা মজাৱ জিনিস  
দেখাবেন বলে তিনি ক্লাসৱতমে মাস্টাৱ, ছাত্ৰ সবাইকে  
ডেকে নিয়ে এলেন। পকেট থেকে গাঢ় খয়েৱি  
ৱঙেৱ কতগুলি বিচি বেৱ করে মাস্টাৱদেৱ হাতে  
দিয়ে বলগেন—দেখুন তো জিনিস্টা কি এবং এতে  
কোনও ছিদ্ৰ বা টুটা-ফাটা আছে? দেখতে কতকটা  
কাঁইবিচিৰ মতো মনে হলেও আসলে তা নয়, কোন  
একটা অজানা ফলেৱ বিচি—মসৃণ ও গোলাকাৱ,  
কোথাও কোন টুটা-ফাটা নেই। বিচিগুলি টেবিলেৱ  
উপৱেৱ রাখাৰ কয়েক মিনিট পৱেই একটা বিচি হঠাৎ  
প্ৰায় চাৰ ইঞ্চি উঁচুতে লাফিয়ে উঠল। তাৱপৰ  
এদিক-ওদিক প্ৰায় সবগুলি বিচিহী থেকে থেকে  
লাফাতে শুৰু কৱল। অবাক কাণু! কিভাৱে এটা সন্তুষ্ট হতে পাৱে?  
কেউই বুবাতে না পাৱায়, অবশ্যে মাস্টাৱমশাই ছুৱি দিয়ে একটা  
বিচি চিৱে ফেলতেই দেখা গেল, তাৱ ভেতৱে রয়েছে একটা পোকা  
(লাৰ্ভা)। টেবিলেৱ উপৱেৱ পড়েই পোকাটা ধনুকেৱ মতো শ্ৰীৱটাকে  
বাঁকিয়ে দুপ্ৰান্ত একত্ৰিত কৱে অডুত ভঙ্গীতে তড়াক কৱে লাফিয়ে  
উঠল। এই ঘটনা থেকেই কীটপতঙ্গ, পোকামাকড় সম্বন্ধে একটা  
কৌতুহল জনেছিল কিশোৱ গোপালচন্দ্ৰেৱ।


বস্তুতঃ সেই থেকেই পিংপড়ে, মাকড়সা, প্ৰজাপতি প্ৰভৃতি কীটপতঙ্গেৱ  
স্বভাৱ, জীৱনযাত্ৰা প্ৰণালী, বস্তি ইত্যাদি বিষয়ে জানবাৱ ব্যাপারে  
বিজ্ঞানী গোপালচন্দ্ৰ ভট্টাচাৰ্যেৱ কৌতুহল ছিল অপৱিসীম। আৱ হয়ত  
তাই তাঁৰ মৌলিক গবেষণা ছিল প্ৰধানতঃ মাকড়সা, পিংপড়ে,  
প্ৰজাপতি, শুঁয়োপোকা, মাছ ও ব্যাঙাচি নিয়ে। পথেঘাটে যেখানে তিনি  
যেতেন, সব জায়গায় তাঁৰ তীক্ষ্ণ কৌতুহলী দৃষ্টি পড়ত। পোকামাকড়েৱা  
কোথায় কী কৱছে, কী খাচ্ছে প্ৰভৃতি খুঁটিয়ে দেখতেন।

পন্ডিতসাৱ ও লোনসিংহ স্কুলে শিক্ষকতা (১৯১৫-১৯) কৱাৱ সময়  
তিনি ছাত্ৰদেৱ নিয়ে গাছপালা সংক্ৰান্ত পৱীক্ষা-নৱীক্ষায় মেতে থাকতেন।  
কৃত্ৰিম উপায়ে ফুলেৱ পৱাগসঙ্গম ঘটিয়ে সংক্ৰ উদ্বিদ তৈৱিৱ চেষ্টা,  
কলমেৱ সাহায্যে একই গাছে দুই-তিনি রকমেৱ ফুল উৎপাদন কৱা ছিল  
পৱীক্ষাৱ বিষয়। এৱকম একটা সময়ে এক বৰ্ষাৱ সন্ধিয়া স্কুল বোর্ডিং-এৱ  
আড়ডায় ভূতেৱ গল্প নিয়ে তকৰেৱ প্ৰসঙ্গে ‘পাঁচিৰ মা’-ৱ ভিটোয় গিয়ে  
সংগ্ৰহ কৱে এনেছিলেন তথাকথিত ভৌতিক আলোৱ উপকৱণ সূত্ৰ।  
১৩২৬-এৱ পৌষ মাসেৱ ‘প্ৰবাসী’ পত্ৰিকায় (ডিসেম্বৰ ১৯১৯) এই  
বিষয়েৱ উপৱে প্ৰকাশ কৱেন ‘পচা গাছপালাৱ আশৰ্য’ আলো বিকিৱণ  
কৱাৱ ক্ষমতা নামে একটি প্ৰবন্ধ। এই লেখাটিৰ ওপৱে চোখ পড়ে  
আচাৰ্য জগদীশ চন্দ্ৰ বসুৱ। তিনি গোপালচন্দ্ৰেৱ অনুসন্ধিৎসায় আকৃষ্ট  
হয়ে বসু বিজ্ঞান মন্দিৱ-এৱ কৰ্মকাণ্ডে তাঁকে যুক্ত হওয়াৱ আহ্বান  
জানান। কাশীপুৱেৱ বেঙ্গল চেন্দাৱ অফ কমাৰ্সেৱ টেলিফোন অপাৱেটাৱ  
গোপালচন্দ্ৰ সেই আহ্বানে সাড়া না দিয়ে পাৱেননি।



প্ৰথমদিকে গাছপালাৱ ওপৱ গবেষণাৱ কাজ শুৱ  
কৱলেও ধীৱে ধীৱে কীটপতঙ্গেৱ ওপৱ গবেষণায়  
তাঁৰ আগ্ৰহ বাড়তে থাকে। বসু বিজ্ঞান মন্দিৱেৱ  
গবেষণাগারে স্বাভাৱিক পৱিবেশ তৈৱি কৱে তাৱ  
মধ্যে তিনি মাকড়সা, পিংপড়ে, প্ৰজাপতি প্ৰভৃতি  
প্ৰতিপালন কৱে এদেৱ ওপৱ পৱীক্ষা-নৱীক্ষা  
চালাতেন। আমাদেৱ দেশে মাকড়সা যে মাছ, ব্যাঙাচি,  
চামচিকা, টিকিটিকি, আৱশোলা, কাঁকড়াবিছা এমনকি  
ছোট সাপ ধৰে থায়, তা গোপালচন্দ্ৰই প্ৰথম লক্ষ্য  
কৱেন। তাঁৰ প্ৰথম বৈজ্ঞানিক প্ৰবন্ধ জলেৱ মাকড়সা  
নিয়ে (১৯৩১)। তিনি গেছো-মাকড়সাৱ ওপৱ সুনীঘ  
পৰ্যবেক্ষণ কৱে দেশি ও বিদেশি পত্ৰিকায় প্ৰবন্ধ  
প্ৰকাশ কৱেন।

প্ৰজাপতিৰ জীৱনেতিহাস সম্বন্ধে তিনি চমৎকাৱ বৰ্ণনা দিয়েছেন।  
কৃৎসিত শুঁয়োপোকাৱ সুন্দৰ প্ৰজাপতিতে পৱিগত হওয়া হৱমোন দ্বাৱা  
কীৱলপে প্ৰভাৱাবৰ্ত বা নিয়ন্ত্ৰিত হয়, তা আজ জানা গেলেও ৮০ বছৰ  
আগে তা অজানাই ছিল। গোপালচন্দ্ৰেৱ গবেষণা ও প্ৰকাশিত প্ৰবন্ধ  
এ বিষয়ে নতুন দিশা দেখিয়েছিল।



ব্যাঙাচিৰ ব্যাণ্ডে রূপান্তৰ

গোপালচন্দ্ৰেৱ তিনটি গবেষণা-কাজ আন্তৰ্জাতিক স্তৱেৱ প্ৰথম  
সাৱিৱ। একটি হল—নালসো পিংপড়েৱ জীৱনচক্ৰ সংক্ৰান্ত; দ্বিতীয়টি  
পোকাৱ অপত্যন্তেহ বিষয়ক এবং অন্যতম গুৱহত্পূৰ্ণ আৱ একটি  
ব্যাঙাচি থেকে ব্যাণ্ডেৱ রূপান্তৰে পেনিসিলিনেৱ ভূমিকাৱ ওপৱ।

গোপালচন্দ্ৰ তাঁৰ কৰ্মজীৱনে আটশো (মতান্তৱে বারোশো) বিজ্ঞান-প্ৰবন্ধ  
ৱচনা কৱেন। আবাৱ কেউ কেউ বলেন, তাঁৰ মোট  
প্ৰবন্ধেৱ সংখ্যা ১৩০৫। সংখ্যা যাই হোক প্ৰয়োজন সমস্ত প্ৰবন্ধেৱ  
তথ্যপঞ্জিৰণ কৱা ও একটি প্ৰবন্ধ সংকলনেৱ উদ্যোগ নেওয়া।

নেখক অধ্যাপক, পশ্চিমবঙ্গ প্ৰাণী ও মৎস্য বিজ্ঞান বিশ্ববিদ্যালয় ও বিজ্ঞান প্ৰাৰম্ভিক।

email: joardar69@gmail.com • M. 9231533335

## সম্পাদক গোপালচন্দ্র ভট্টাচার্য

প্রকৃতিবিজ্ঞানী গোপালচন্দ্র ভট্টাচার্য সম্পাদকের ভূমিকায় জীবনের অনেকটা সময় কাটিয়েছেন। ১৯৫০ সালে তিনি বঙ্গীয় বিজ্ঞান পরিষদের মুখ্যপত্র ‘জ্ঞান ও বিজ্ঞান’ পত্রিকার সম্পাদক হন। ১৯৭৭ সালে তিনি সম্পাদক পদ ত্যাগ করেন। তারপরে তিনি পত্রিকার প্রধান উপদেষ্টা ছিলেন। কীটপতঙ্গের জীবনচরণের গবেষক ও বিজ্ঞান-লেখক রূপে গোপালচন্দ্র ‘জ্ঞান ও বিজ্ঞান’-এর প্রকাশনার আগে থেকেই বাঙালির কাছে পরিচিত ছিলেন।

যে সময় বঙ্গীয় বিজ্ঞান পরিষদ প্রতিষ্ঠিত হয় (১৯৪৮) এবং ‘জ্ঞান ও বিজ্ঞান’ প্রকাশনা আরম্ভ হয় তখন দেশ দীর্ঘ পরাধীনতা কাটিয়ে সবে স্বাধীন হয়েছে। শত অসুবিধার মধ্যে দেশকে এগিয়ে নিয়ে যাওয়ার একটি বাসনা দেশবাসীর মধ্যে ছিল। ইতিবাচক এই আবহাওয়া পরিষদ এবং তার পত্রিকাকে এগিয়ে নিয়ে যেতে সাহায্য করেছিল। দেশের অগ্রগতির জন্য বিজ্ঞানচর্চা আবশ্যিক—এটা সকলেই বুঝতেন। তাই পরিষদ ও ‘জ্ঞান ও বিজ্ঞান’ সম্পর্কে জনমানসে একটা আগ্রহ ছিল।

‘জ্ঞান ও বিজ্ঞান’ যখন প্রকাশিত হয় তখন অন্য কোনো বিজ্ঞান-পত্রিকা ছিল না। ‘প্রকৃতি’ আগেই বন্ধ হয়ে গিয়েছিল। দেশ বিজ্ঞান-পত্রিকার জন্য প্রস্তুত নয়—এমন খেদেক্ষি ‘প্রকৃতি’-র সম্পাদক সত্যচরণ লাহা করেছিলেন। সত্যই ব্রিশ-চলিশের দশকে এমন অবস্থা ছিল। তারপর স্বাধীনতা আসে। স্বাধীনতার পরবর্তী আশাবাদী পরিবেশ অবস্থাটা বদলে দেয়।

পত্রিকা নিয়মিত বের করার জন্য উপযুক্ত লেখকমণ্ডলী তৈরি হতে সময় লেগেছিল। প্রচলিত পত্রিকাগুলিতে মাঝেমধ্যে দু-একজন বিজ্ঞান লিখতেন বটে, যেমন ছোটদের কাগজগুলিতেও বিজ্ঞানের বিষয় নিয়ে ছোট লেখা বের হত। পঞ্চাশ-ষাটের দশকে স্কুলে বিজ্ঞান গুরুত্ব দিয়ে পড়ানো হত না। এটা হতে হতে সন্তুর দশকের মাঝামাঝি হয়ে যায়। সম্পূর্ণ শ্রেণি থেকে ভৌতিকিজ্ঞান, জীবনবিজ্ঞান পড়ানো আরম্ভ হয় বারো ক্লাশের উচ্চমাধ্যমিকের প্রচলন হলে। বাংলাভাষায় বিজ্ঞান পড়া ও লেখার পরিবেশ তখন থেকে তৈরি হয়। তার আগে অর্থাৎ গোপালচন্দ্রের সম্পাদনার মূল পর্যায়ে প্রকাশযোগ্য রচনা পাওয়ার ক্ষেত্রে বেশ অসুবিধা ছিল।

অর্থাৎ প্রথম দিকে সম্পাদক গোপালচন্দ্রকে অনেক পরিশ্রম করতে হয়েছিল। তখন লিখতেন প্রধানত বিশ্ববিদ্যালয়ের বিজ্ঞানের অধ্যাপকেরা। তাতেও কুলোত না। তখন তিনি ‘ছোটদের পাতা’ নামে

### জ্ঞান ও বিজ্ঞান

বঙ্গীয় বিজ্ঞান পরিষদ পরিচালিত সচিত্র মাসিকপত্ৰ

সম্পাদক—ঐশ্বর্যগোপালচন্দ্র ভট্টাচার্য

প্রথম মাসিক মুস্তিপত্ৰ  
১৯৬৮

একবিংশতি বর্ষঃ জানুয়ারী—জুন

বঙ্গীয় বিজ্ঞান পরিষদ  
২৯৪২/১, আচাৰ্য প্ৰকৃতি ভৱন  
(কেন্দ্ৰীয় বিজ্ঞান এবং  
কৃষি বিদ্যাৰ মন্ত্ৰণা)

একটা বিভাগ খুলে বিজ্ঞান সংবাদ ও সহজ পরীক্ষা (করে দেখ) প্রকাশ শুরু করলেন। গ. চ. ভ. নাম দিয়ে নিজেই ‘করে দেখ’ লেখাগুলি লিখতেন। বিদেশি পত্রিকা, বিদেশি দূতাবাস থেকে পত্রিকা আনিয়ে চিন্তাকৰ্ষক ছবিগুলি ‘জ্ঞান ও বিজ্ঞান’-এ ছাপতেন।

গোপালচন্দ্র সম্পাদনার দায়িত্ব প্রহণ করার আগে (ব্রিশ ও চলিশের দশকে) ‘প্ৰবাসী’ পত্রিকায় অনেক প্রবন্ধ লিখেছিলেন। তাছাড়া ‘প্ৰকৃতি’, ‘বঙ্গস্ত্রী’, ‘দেশ’, ‘যুগান্তৰ’, ‘সন্দেশ’, ‘শিশুসাথী’ প্ৰভৃতি পত্রিকায় লিখেছিলেন। এগুলি চালাতেন মূলত সাহিত্যকরা। সাহিত্যিকদের সঙ্গে মেলামেশার কারণে তাঁর মধ্যে একটা লেখকসভা গড়ে ওঠে। তাঁর লেখা ছিল সহজ, সুখপাঠ্য, মনোরম ও আকবণীয়। এই গুণগুলি তাঁকে সম্পাদনার কাজে সাহায্য করেছিল। তিনি লেখা চিনতেন। কাকে দিয়ে কী লেখাতে হবে তা বুঝাতেন। বাংলা ভাষার নিয়ম, বিধি জানতেন। লেখকদের সঙ্গে সরাসরি যোগাযোগ করতেন, প্রয়োজনে ডেকে পাঠাতেন। যে পল্লীগ্রাম, থামের মানুষ, কীটপতঙ্গ ও পরিবেশ বাঙালিরা চেনে ও বোঝে তা ছিল তাঁর লেখার উপজীব্য ও গবেষণার বিষয়বস্তু। ফলে বাংলা ভাষাভাষীদের সঙ্গে তাঁর ছিল আত্মিক যোগাযোগ। সম্পাদক পদে বসেও তিনি লেখকসভা ছাড়েননি।

যদিও ‘জ্ঞান ও বিজ্ঞান’-এ কীটপতঙ্গ সংক্রান্ত মূল লেখাগুলি বের হয়নি (বেশি বেরিয়েছিল ‘প্ৰবাসী’-তে), ‘জ্ঞান ও বিজ্ঞান’-এ বেরিয়েছিল সমসাময়িক বিজ্ঞান বিষয়ে সংবাদ ও তথ্য, সেগুলিতেও বিজ্ঞান-সাহিত্যিকের মুন্ডিয়ানার ছাপ পড়েছিল। বিজ্ঞান সাংবাদিকতার কাজ গোপালচন্দ্র ‘জ্ঞান ও বিজ্ঞান’-এর পাতায় প্রথম শুরু করেছিলেন। এখন তো এটা বিজ্ঞান সাহিত্যের মূল ধারা। তিনি লিখতে শুরু করেন বিশিষ্ট বিজ্ঞানীদের সংক্ষিপ্ত জীবনী। এই লেখাগুলির মধ্যে বিজ্ঞানের ইতিহাসচৰ্চার উপাদান ছিল। লক্ষ করে দেখা গেছে, গোপালচন্দ্র স্বানামে ‘জ্ঞান ও বিজ্ঞান’ বেশি লিখেছেন ১৯৫৫ পর্যন্ত। এরপর লেখক তৈরির কাজে বেশি ব্যস্ত থেকেছেন। তখন তাঁর বয়স ৬০ অতিক্রান্ত। সম্পাদনার কাজ ৫৫ বছর বয়সে শুরু করেও তিনি অবিশ্বাস্য দ্রুতগতিতে সাফল্য অর্জন করেন এবং ‘জ্ঞান ও বিজ্ঞান’-কে পাঠকসমাজে প্রতিষ্ঠিত করেন। বর্তমান যুগের সকল প্রবীণ বাঙালি বিজ্ঞানী তাঁদের বাল্যে ‘জ্ঞান ও বিজ্ঞান’ পাঠের সুখকর সৃতি উল্লেখ করেন।

লেখক জ্ঞান ও বিজ্ঞান পত্রিকার সম্পাদক এবং বিজ্ঞান প্রাবন্ধিক।

email: abasu5623@gmail.com • M. 9433467092

## প্রকৃতিবিজ্ঞানী গোপালচন্দ্র ভট্টাচার্যের অন্তর্নিহিত মানসলোক

গোপালচন্দ্র ভট্টাচার্য পল্লবাংলার ‘আশ্চর্য’ রত্নবিশেষ, যিনি চারপাশের প্রকৃতি জগৎ থেকে আনকোরা অজস্র উপাদানের খোঁজ পান। অনুসন্ধানের আপন জগৎ গড়ে নেন। বর্তমান বাংলাদেশের ফরিদপুর জেলার লোনসিং প্রামের ছেলে (জন্ম ০১.০৮.১৮৯৫, মৃতু ০৮.০৪.১৯৮১) গোপালচন্দ্র অভিযান করেছিলেন গভীর রাতের জোনাকিজুলা অন্ধকারে ‘পাঁচির মার বাড়ির ভিটের আগুনের’ রহস্য উন্মোচনে। এটাই ছিল তাঁর জীবনের প্রথম Turning point বা Breakthrough. আমাদের মধ্যে খুব কম জনই আছেন, যাঁরা এটা বারবার পড়েছেন ও গভীরভাবে অনুসন্ধান করেছেন। সমগ্র বিষয়টি ‘প্রবাসী’ (পৌষ ১৩২৩) পত্রিকায় প্রকাশিত হলে আচার্য জগদীশচন্দ্র বসুর নজরে আসে। তিনি বসুবিজ্ঞান মন্দিরে যোগ দেবার আহ্বান পান (১৯২১-৭১)। এটি ছিল তাঁর বৈজ্ঞানিক জীবনকাণ্ডের দ্বিতীয় Turning point বা Breakthrough.

অনেকে বলেন গোপালচন্দ্র ভট্টাচার্য স্বশিক্ষিত বিজ্ঞানী। কথটা কিছুটা ঠিক। সব মানুষই স্বশিক্ষায় কিছু না কিছু শিখে থাকেন চারপাশের পরিবেশ থেকে। কিন্তু কোটিতে গুটি বা এক-আধজনকেই গোপালচন্দ্র ভট্টাচার্য হয়ে উঠতে দেখা যায়। অন্য ধরনের একটা নেশা (passion) তাদেরকে অন্য জগতে নিয়ে যায় সংসারের জাগতিক সুখদুঃখের মধ্যে থেকেও তাদের কল্পনার জগৎ, কাজের ভাবনা, অন্ধেয়ার বিচ্ছিন্ন পসরা তাদেরকে ছুটিয়ে নিয়ে যায় অন্ধকারকে আলোকিত করতে। গোপালচন্দ্রের সমগ্র জীবন এই একই বৃত্তে ব্যস্ত থেকেছে প্রকৃতিজগতের রহস্য উন্মোচনে।

প্রকৃতি বিজ্ঞান সাহিত্যিক গোপালচন্দ্র ভট্টাচার্যের রচনা সংকলন (প্রথম খণ্ড) থেকে—‘প্রতি রবিবার বা ছুটির দিন তিনি নিয়মিতভাবে প্রামে চলে যেতেন। পোকামাকড় তাঁর প্রধান আকর্ষণ হলেও মাছ, পাথি, অন্যান্য জীবজন্তু, প্রকৃতি পরিবেশের নানা খুঁটিনাটি বিষয় তিনি গভীর আগ্রহে পর্যবেক্ষণ করতেন। পকেটে থাকত একাধিক টেস্টটিউব, আতঙ্ক কাঁচ, ব্যাগে কাচের জার এবং অবশ্যই ক্যামেরা। বেশিরভাগ সময়ই পোকামাকড়, জীবজন্তু ধরে এনে বসুবিজ্ঞান মন্দিরে নিজের পরীক্ষা-নিরীক্ষার জন্য উপযুক্ত ব্যবস্থায় রাখতেন। উন্নত করতেন পরীক্ষা-নিরীক্ষার জন্য নানা বিচিত্র কর্মপদ্ধা। ক্রমশ অভিজ্ঞতায় সম্পৃক্ত হতে হতে পিঁপড়ে, মাকড়সা, কুমোরে পোকা, কাঠ কই, নেউলে পোকা—এমন বহু রচনা তাঁর কলম



থেকে বেরিয়েছে, যা বিজ্ঞানী ফেবার, মারে, ফ্রিংস প্রমুখ দিক্পাল পতঙ্গ বিজ্ঞানীদের সঙ্গে তিনি সম-আসনে বসার যোগ্যতা আদায় করে নিয়েছেন।

সব বিখ্যাত মানুষকেই কঠিন পরিশ্রম ও অধ্যবসায়ে নিজেকে তৈরি করতে হয়। চলতি কথায় যাকে বলি, বহু ঘাটের জল থেয়ে। বসুবিজ্ঞান মন্দির থেকে তাঁকে নানা বিষয়ে প্রশিক্ষিত করা হয়—ফটোগ্রাফিচর্চা, ছবি তাঁকা, বৈজ্ঞানিক যন্ত্রপাতি সারানো, ওয়ার্কশপ (লেদ মেশিন ব্যবহার) প্রশিক্ষণ ইত্যাদি। নিঃসন্দেহে এসব কাজ তাঁকে পূর্ণতা প্রাপ্তির পথে গতিবেগ দিয়েছিল। অধ্যাপক মলিশের সাহচর্যে বসুবিজ্ঞান মন্দিরে ‘ঠাণ্ডা আলো’ নিয়ে গুরুত্বপূর্ণ গবেষণা করেছেন। বিজ্ঞানী দেবেন্দ্রমোহন বসুর সাহচর্যেও তিনি অনেক মূল্যবান গবেষণা কাজ করেছেন

(ব্যাঙ্গচির জীবনচক্রে অ্যান্টিবায়োটিকের প্রভাব)।

বিশিষ্ট বিজ্ঞানী অধ্যাপক রতনলাল ব্রহ্মচারী লিখেছেন, ১৯৪৩-এ পিঁপড়ে নিয়ে একটি মৌলিক গবেষণাপত্র প্রকাশিত হল বসুবিজ্ঞান মন্দিরের Transaction-এ। বাঙালির ‘অন্ধস্ত’ ঘূচল। ভারতে কীটপতঙ্গ নিয়ে এই প্রথম এ-ধরনের একটি গবেষণামূলক ‘পেপার আত্মপ্রকাশ করল’।

বসুবিজ্ঞান মন্দিরের বিজ্ঞানীকুল মনে করতেন, গোপালচন্দ্র বড়োজোর একজন ল্যাবরেটরি অ্যাসিস্ট্যান্ট। নিয়মমাফিক পদমর্যাদায় তিনি ছিলেন ঐ গোত্রের। এই জায়গায় তাঁর মানসলোক আহত হয়েছে গোটা কর্মজীবন ব্যাপী। স্বয়ং জগদীশচন্দ্র তাঁর উন্নিদ বিষয়ক গবেষণাতে ‘কিছুই হয়নি’ গোছের মন্তব্যে অগ্রহ্য করেন। সমকাল তাঁর কাজের গুরুত্বকে অনুধাবন করতে ব্যর্থ হয়েছে। তাঁর কাজের যথাযথ মূল্যায়ন না হওয়ায় তাঁর মানসলোক নানাভাবে প্রক্ষিপ্ত হয়েছে। ১৯৩৭ থেকে ১৯৫২-৫৩ অবধি তিনি প্রবাসীতে তাঁর গবেষণা ও পর্যবেক্ষণের অভিজ্ঞতা ও প্রাণীবিজ্ঞানের পড়াশুলির উপর ভিত্তি করে ৫০টির বেশি লোকপ্রিয় জনবিজ্ঞানমূলক রচনা প্রকাশ করেছেন। এক হিসেবে কাজটি অতীব মূল্যবান। অন্যদিকে তাঁর গবেষণাজীবন বিশেষভাবে ক্ষতিগ্রস্ত হয়েছে—একথাটা আজ অবধি কেউ উচ্চারণ করেননি। প্রতিটি নিবন্ধের জন্য তাঁকে বহু মনন ও পরিশ্রম সংবিশে করতে হয়েছে। প্রবাসীর মতো জনপ্রিয় মাসিক পত্রিকা, যা বাঙালি পাঠকের সাহিত্যচিক্ষার সর্বোচ্চ শ্রেষ্ঠত্বের দাবিদার ছিল। সেখানে নিয়মিত লেখার বাকি বড় কম ছিল না। এটা যে তাঁর গবেষণা জীবনকে ব্যাহত করেছিল, তা নিশ্চিতভাবেই বলা যায়।

বিশিষ্ট বিজ্ঞান ইতিহাসের আলোচক অধ্যাপক সুবীরকুমার সেন লিখেছেন, ‘অধ্যাপক সহায়রাম বসুকে গোপালচন্দ্র জৈবদ্যুতির উৎস যোগান দিয়েছিলেন। এই ধরনের জৈবদ্যুতির মূল উৎস বিবিধ জীবাণু, ফাংগাস প্রভৃতি। সহায়রাম বসু উদ্ভিদ বিজ্ঞানী ছিলেন। ছত্রাক, ফাংগাস, মোল্ড তাঁর গবেষণার ক্ষেত্রে ছিল। এদেশে জৈবদ্যুতির বিষয়ে গবেষণার পথিকৃৎ কাগজে কলমে সহায়রাম বসুই। প্রশ্ন থেকে যায় গোপালচন্দ্র ও সহায়রাম পরম্পর সহায়ক গবেষণা কিছু করেননি কেন? কিংবা উভয়ের যৌথ প্রচেষ্টায় রূপ পাবার কোন সন্তানাই কি ছিল না? সহায়রাম কলকাতার আর জি কর মেডিকেল কলেজে বোটানির অধ্যাপক ছিলেন। (জ্ঞানবিচিত্রা, মার্চ, ২০০৬)

গোপালচন্দ্র ভট্টাচার্য ব্যক্তিজীবনে যুক্তিজীবাদী, নিরীক্ষরবাদী মানুষ ছিলেন। পাশাপাশি তাঁর মধ্যে ভারতীয়—ভাবানুতা বা ভাবাবেগ প্রবল ছিল, একথা বলা খুব দোষের নয়। কারণ তাঁর মধ্যে বড় বিজ্ঞানীর যাবতীয় স্বভাবণ্ডণ থাকলেও তা তিনি কাজে লাগাননি, ভাবখানা এই বিজ্ঞানে তো উচ্চ ডিপ্রি নেই, প্রথামাফিক ল্যাবরেটরি সায়েন্সিস্টও নই। নেহাতই এলেবেলে প্রকৃতি প্রেমিক। এই দোলাচলের মনোভাবের কারণে তাঁর বহু গুরুত্বপূর্ণ কাজ তিনি গবেষণাপত্র রচনা করে প্রকাশ করেননি। সামান্য যেটুকু করেছেন, যেমন তাঁর কয়েকটি গবেষণাপত্র ‘Science and Culture’-এ প্রকাশিত। এটা বহুল প্রচারিত বৈজ্ঞানিক জার্নাল নয়। বিজ্ঞানের ক্ষেত্রে এটা ঘোর অমনোযোগিতা?

আলোচনার কেন্দ্রবিন্দু ছিল তাঁর প্রকৃতি পর্যবেক্ষণের অন্তর্নিহিত মানসলোকের সন্ধান। প্রথমেই বলতে হয় পরিবেশের প্রভাব। গ্রামের দরিদ্র অতিসাধারণ পরিবারের ছেলে পারিবারিক-অর্থনৈতিক সঙ্কটেও জেরবার ছিলেন। বিধবা মা ও ছোট ছেট তিনটে ভাই। তাদের ভরণপোষণ ও শিক্ষাদীক্ষা, নিজের পরিবার সহ। কলকাতায় উল্টাডাঙ্গার

কাছে হরিশচন্দ্র নিয়োগী লেনে নিজবাড়িতে খুবই সাধারণ ভাবে থাকতেন। যাকে বলে প্রফেশনাল ক্যারিয়ার তৈরি, সেটার দিকে বাধ্য হয়ে অমনোযোগী থাকতেন। তাঁর নিজের বন্ধুরা ছিলেন সাহিত্যিক গোত্রের। নানা খুচরো কাজে প্রচুর সময় দিতে হয়েছে। ১৯৪৮-এ বঙ্গীয় বিজ্ঞান পরিষদের প্রতিষ্ঠা ও ‘জ্ঞান ও বিজ্ঞান’ মাসিক পত্রিকার শুরু তাঁর মন ও মনোযোগের অনেকটাই আকর্ষণ করেছিল। পত্রিকার সম্পাদক হয়ে তাঁর মূল লেখার স্বোত হারিয়ে গেল। এখানে খুচরো ছেলেখেলো গোছের আলগা লেখা। বিজ্ঞান সাহিত্যের তেমন কোন পরিমণ্ডল গড়ে না ওঠা।

একেবারে ছোটবেলোয় গ্রামের স্কুলের যোগেন মাস্টারের পরীক্ষা-নিরীক্ষা তাঁকে প্রবলভাবে এই কাজে উৎসাহিত করে। ‘লাফানো মটরের’ কাহিনি সকলের জানা। সেইখান থেকে তিনি যে দীর্ঘপথ পরিক্রমা করেছেন তাতে নিশ্চয়ই অনেক সাফল্যের মুকুট আছে। আক্ষেপের এই তাঁকে অনুসরণ করে সেভাবে কেউ এগিয়ে আসেনি। তাঁর নির্ভেজাল বৈজ্ঞানিক সত্তা, কুশলী বৈজ্ঞানিক ত্রিয়াকলাপ নিশ্চয়ই গভীর অভিনিবেশের দাবি রাখে। বিজ্ঞানী দীপক্ষের চট্টোপাধ্যায় (শাস্ত্রিকৃতেন) তাঁর কাজের দীর্ঘ মূল্যায়ণ শেষে লিখেছেন, ‘আর এইসব কারণেই জনশতবর্ষে গোপালচন্দ্র পুরোনো না হয়ে আমাদের কাছে হয়ে উঠেছেন ভালো একজন শিক্ষক। এমন শিক্ষক যাঁর শিক্ষার দাম সময়ের সঙ্গে বাড়ে।’ (শিক্ষা ও সাহিত্য, বৈশাখ ১৪০২)। শেষ পর্যন্ত তিনি একজন ‘শিক্ষক’ মাত্র।

তাহলে কি গোপালচন্দ্র শেষ বিচারে মহাভারতের ট্র্যাজিক নায়ক কর্ণ?

নেখক প্রাক্তন প্রধান শিক্ষক, বিশিষ্ট বিজ্ঞানকর্মী, গোবরডাঙ্গা গবেষণা পরিষদের অধ্যক্ষ ও বিজ্ঞান প্রাবন্ধিক।

*email: dipakdan@gmail.com • M. 9064757684*



ছবি : শ্রীনাথ নারায়ণ


## কৌশিক রায়

# বৃক্ষ সম্মাটের গর্বিত ভূবন

গাছটির বিজ্ঞানসম্মত নামটির মধ্যে দিয়েই বুরাতে পারা যেতে পারে গাছটির বিশালত্বকে “*Sequoiaadendron giganteum*” (সেকুয়াডেন্ড্রন- ড্রোন জাইগান্টিয়াম)। মার্কিন যুক্তরাষ্ট্রের অঙ্গর্গত সিয়েরা নেভাদা পর্বতশ্রেণির পশ্চিম ঢালে, প্রায় আড়ইশো মাইল লম্বা এলাকা জুড়ে, ক্যালিফোর্নিয়া রাজ্যে ইয়োসেমাইট জাতীয় উদ্যানেই একমাত্র একচ্ছত্র রাজপ্রাট, বিশ্বের সবচেয়ে বড় গাছটি। “সেকুয়া” বা “জেনারেল শেরম্যান” (মার্কিনী গৃহযুদ্ধ বা গেটিস-বার্গের যুদ্ধে লড়াই করা অন্যতম সেনাপতির নামানুসারে) নামক এই গাছটির উচ্চতা ২৪৭ ফিট-এ মতো। গাছটির কাছে উচ্চতায় নেহাতই শিশু ওক, পাইন, ফার, জুনিপার, রডোডেন্ড্রন-এর মতো গাছগুলি। সেকুয়া গাছ-এর প্রায় ৩২০০ বছর পর্যন্ত বেঁচে থাকার ক্ষমতা আছে। প্রায় ৫৪ হাজার ঘনফিট-এর মতো কাঠ আছে এই দৈত্যাকার গাছটির মধ্যে। গাছটির গুঁড়ির বেড় প্রায় ২৭ ফিট-এর মতো। পার্বত অঞ্চলের তীর তুষারপাত, বজ্রবিদ্যুৎ, হিমাঙ্কের নিচে শীত এবং অন্যান্য পরিবেশগত প্রতিকূলতাকে অগ্রহ্য করে দীর্ঘকাল ধরে বেঁচে থাকার ক্ষমতা রাখে এই সেকুয়া গাছটি। “সেকুয়া” নামক বৃক্ষ-সম্মাটিকে নিয়ে দীর্ঘদিন ধরে গবেষণা করেছেন হুমবোল্ট রাজ্য বিশ্ববিদ্যালয়ের বিজ্ঞানী স্টিভ সিলেট। তাঁর গবেষণার অন্যতম বিষয় হচ্ছে “প্রেসিডেন্ট” নামে খ্যাত একটি সেকুয়ায় গাছ। বেশ কয়েকবার বাজ পড়েছে এই গাছটির ওপর। এর ফলে গাছটির দৈর্ঘ্য কমে দাঁড়িয়েছে ২৪৭ ফিটের মতো। তবুও প্রায় ২০ কোটি পাতা নিয়ে এই প্রেসিডেন্ট গাছটি, এখনও দৈর্ঘ্যে বেড়ে চলেছে। পুরু ছালের জন্য বিদ্যুতের ছোবল থেকে বেঁচে যায় সেকুয়ায়। সিয়েরা নেভাদা পর্বতাঞ্চলের দীর্ঘ তুষারকাল-কে সহ্য করার ক্ষমতাও আছে এই অতিকায় গাছের। এই গাছগুলির সবচেয়ে লম্বা ডালের দৈর্ঘ্য প্রায় ৬০ ফিটের মতো। এই গাছে প্রায় সাড়ে পাঁচশোর মতো ডাল থাকে। “প্রেসিডেন্ট” এবং “জেনারেল শেরম্যান” গাছদুটিতে, মুরগির ডিমের আকারে প্রায় ৮২০০০টি বীজপত্র আছে। প্রতিটি বীজপত্রে গড়পড়তা ২০০টি বীজ থাকে। তবে মানুষের নিষ্ঠুরতার সামনে দুর্ভেদ্য নয় বিশালাকার সেকুয়ায় গাছ। কুড়ুল-করাতের আঘাত, গত দুই শতকে বেশকিছু সেকুয়ায় গাছের জীবন কেড়ে নিয়েছে। এমনকি, ১৯০০ সাল নাগাদ এই গাছের কেটে ফেলা বিশাল গুঁড়গুলোর সামনে দাঁড়িয়ে ফোটো



সেকুয়ায় আশ্রিত কয়েকটি জীব



সেকুয়ায়াডেনড্রন গাছ

তোলার প্রতিযোগিতাতে নেমে পড়ত অনেক নির্বোধ মানুষ—ঠিক যেমন দেশীয় শিকারিদের দৌলতে বাঘ মেরে তাদের মৃতদেহের সামনে দাঁড়িয়ে “বীরোচিত” ফোটো তুলতেন ভারতের ইংরেজ বড়লাট-ছোটলাটেরা। এই জঘন্য হত্যাকান্ত থেকে সেকুয়ায়া গাছগুলিকে বাঁচানোর জন্য তৈরি করা হয় ইয়োসেমাইট, কিংস ক্যানিয়ন, ক্যালিফোর্নিয়া বিগ ট্রিজ এবং সেকুয়ায়া জাতীয় প্রকৃতি উদ্যানগুলিকে। তবে, শুধুমাত্র সিয়েরা নেভাদা-র একটি নির্দিষ্ট অঞ্চলেই সেকুয়ায়া গাছগুলি জন্মাচ্ছে কেন—এই রহস্যের কিনারা এখনও করতে পারেননি উদ্বিগ্নিজ্ঞানীরা। এছাড়া বছরের পর বছর ধরে প্রবল তুষারপাত সহ্য করার ক্ষমতা দেখিয়েও এই বৃক্ষসম্মাট নিজেই এক বিস্ময়ে পরিণত হয়েছে। সাধারণতঃ বয়স বাড়লে আমাদের হাতে ক্যালসিয়ামের ঘনত্বের মতোই গাছের শরীরেও কাঠের ঘনত্ব কমতে শুরু করে। এক্ষেত্রেও সেকুয়ায়া গাছের ব্যতিক্রম। বয়স বাড়ার সাথে সাথে তাদের শরীরে কাঠের ঘনত্বও বেড়ে গেছে। বিজ্ঞানীরা হিসেব করে দেখেছেন “প্রেসিডেন্ট” গাছটিতে প্রায় ৫৪০০০ ঘনফিট-এর মতো কাঠ এবং ছাল রয়েছে। এই গাছ অনেক বেশি পরিমাণে বাতাস থেকে বিষাক্ত কার্বন-ডাই-অক্সাইড গ্যাস টেনে নিয়ে আমাদের উপকার করে চলেছে। এই কার্বন-ডাই-অক্সাইডের কার্বন, সেকুয়ায়া গাছের শরীরে গিয়ে সেল্যুলোজ, হেমিসেল্যুলোজ এবং লিগনিন তৈরি করছে। এর ফলে আরও মজবুত হচ্ছে সেকুয়ায়ার “শালপ্রাণু মহাভুজ” শরীরটি। এই সেকুয়ায়া গাছগুলির ওপর নির্ভর করে তৈরি হয়েছে এক বৈচিত্রিম প্রাণীজগৎও। সেকুয়ায়া গাছের পাতা, বীজ, ছাল-এর মধ্যে থাকা পোকা খেয়ে বাঁচে রবিন পাথি, “চিপমুক” নামক কাঠবেড়লি জাতীয় প্রাণী, কলস্বিয়ান এমারেল্ড মথ, নর্দান ফ্লাইং স্কুইরেল” জাতীয় কাঠবেড়লি, বিভিন্ন প্রজাতির শামুক, গিরগিটি, বাদুর ও মাছি। এছাড়াও সেকুয়ায়া গাছের স্নেহচ্ছায়াতে বেড়ে ওঠে “পিংক পিগমি রোজ” এবং “লিটল প্রিন্সেস প্রাইম” নামক বুনো ফুলের গাছগুলি। পরিবেশের এই সুউচ্চ, বহুবর্ষজীবী প্রহরীর দিকে তাকিয়ে, যান্ত্রিক, দৃষ্টিক, নাগরিক সভ্যতার দিক থেকে মুখ ফিরিয়ে বলতেই হয় কবিশুর-র সেই অমোঘ আকৃতিকে—

“দাও ফিরে সে অরণ্য, লও এ নগর।”

লেখক বিজ্ঞান প্রাবন্ধিক।

• M. 9547659679

## ওলকপি

**পরিচিতি :** বিজ্ঞানসম্মত নাম : *Brassica oleracea* Var. *gongylodes*, গোত্র : Brassicaceae। ওলকপি দামে সস্তা হওয়ায় স্বল্প আয়ের মানুষের কাছে প্রিয় শীতকালীন সবজি। তবে বাজারে এর চাহিদা তুলনামূলকভাবে কম। অনেকেই বাজারে ওলকপিকে শালগম বলে চেনেন। দোকানদারেরাও অনেকে শালগম বলেন। তবে ওলকপি কিন্তু মোটেই শালগম নয়। শালগম হল রূপান্তরিত মূল যা খাদ্য সংস্থায় করে স্ফীত হয়, আর ওলকপি হল খাদ্য সংস্থায় করে স্ফীত হওয়া রূপান্তরিত কাণ্ড। ওদের দেখতে অনেকটা একই রকম লাগে বলে লোকে গুলিয়ে ফেলে। তাচাড়া ইংরেজিতে ওলকপিকে German Turnip বলে, যার বাংলা করলে দাঁড়ায় জার্মান শালগম। ইংরেজিতে এর আরও একটা নাম আছে---কোলরাবি (Kohlrabi)। যাইহোক, জার্মানরা ওলকপি খেতে খুবই পছন্দ করেন। উত্তর ভিয়েতনামের লোকদেরও খুব পছন্দ ওলকপি। আর ভারতের পূর্বাঞ্চল ও বাংলাদেশের মানুষের অন্যতম শীতকালীন সবজি হল ওলকপি। সম্ভবতঃ ইউরোপ ও উত্তর আফ্রিকার উপকূল অঞ্চলে এর উৎপত্তি হয়। প্রাচীন গ্রিসে এই সবজি খাওয়ার প্রচলন ছিল বলে জানা যায়।

আমাদের দেশে ওলকপির বাণিজ্যিক চাষ খুব বেশি হয় না। পশ্চিমবঙ্গ, আসাম, পাঞ্জাব, উত্তরপ্রদেশ, মহারাষ্ট্র, জন্মু ও কাশ্মীর হল ওলকপি চাষে অগ্রণী রাজ্য। কয়েকটি উল্লেখযোগ্য জাতের ওলকপি হল সাটনস আর্লিয়েস্ট পার্পেল, আর্লি হোয়াইট ভিয়েনা, গোলিথ হোয়াইট, কিং অফ দ্য মার্কেট।



**পুষ্টিশুণ :** কপিদের পরিবারে ওলকপি খুবই ব্রাত্য সবজি। বেশিরভাগ মানুষের একটা নাক সিঁটকানো ভাব রয়েছে এই সবজি সম্পর্কে। মনে হয়, ওলকপি দিয়ে বিভিন্ন স্বাদু পদ রান্নার রেসিপি না জানা থাকাই কারণ। কিন্তু তা বলে এই সবজির গুণ মোটেই হেলাফেলা করার মত নয়। তিন প্রকার কপির মধ্যে ওলকপিতে ছিবড়ে বা ফাইবারের পরিমাণ রয়েছে সবচেয়ে বেশি। ১০০ গ্রাম কপিতে এই ছিবড়ের পরিমাণ ৩.৬ গ্রাম। আর তাই মোটাসোটা এবং কোষ্ঠকাঠিন্যে ভোগা ব্যক্তিদের জন্য ওলকপি খুবই প্রয়োজনীয় সবজি। তিনটি কপির মধ্যে ওলকপিতে ক্যালসিয়াম, ম্যাগনেসিয়াম ও ফসফরাস রয়েছে সবচেয়ে বেশি। এই তিনটি উপাদান হাড় ও দাঁতের অন্যতম উপাদান। দেহে শক্তি উৎপাদনের জন্য ফসফরাস খুব দরকারি মৌল। সোডিয়ামও রয়েছে অনেক বেশি। ওলকপিতে ভিটামিন-সি ও ভিটামিন-ই রয়েছে তিনটি কপির মধ্যে সর্বাধিক। যদিও রান্না করে খাওয়ার জন্য ভিটামিন-সি নষ্ট হয়ে যায়। ওলকপির পাতাও সবজি হিসেবে খুব পুষ্টিকর। এর ভেজ গুণ বিশেষ কিছু জানা যায় না, তবে সাইপ্রাসে ক্ষুধাবর্ধক হিসেবে নুন ও লেবুর রস সহযোগে ওলকপি খাওয়ার প্রচলন রয়েছে।

লেখক বিজ্ঞানের শিক্ষক, বিজ্ঞানকর্মী ও প্রাবন্ধিক

email: janasoumyakanti@gmail.com • M. 9064202882, 9434570130

## পত্রিকা যোগাযোগ ও প্রাপ্তিস্থান

স্টুডিও ইউনিক, কঁচরাপাড়া M. 9332280602 • জলপাইগুড়ি সায়েন্স অ্যান্ড নেচার স্ক্লাব M. 9232387401 • পরিবেশ বান্ধব মধ্ব বারাকপুর M. 8017402774/9331035550 • প্রাতাপদীয় লোকবিজ্ঞান সংস্থা M. 9732681106 • কলকাতা বিজ্ঞান ও সাংস্কৃতিক সংস্থা M. 9477589456 • তপন চন্দ, মাদারীহাট, আলিপুরদুয়ার M. 9733153661 • কোচবিহার বিজ্ঞান চেলনা ফোরাম M. 9434686749 • গোবরডাঙ্গ গবেষণা পরিষৎ M. 9593866569 • জয়ন্ত ঘোষাল, নেহাটি M. 8902163072 • কুনাল দে, বাড়গ্রাম M. 9474306252 • নদগোপাল পাত্র, পূর্ব মেদিনীপুর M. 9434341156 • উৎপল মুখোপাধ্যায়, বারাসাত M. 9830518798 • ভোলানাথ হালদার, বনগাঁও M. 8637847365, অজয় মজুমদার M. 8918824281 • শিয়ালদহ ও যাদবপুর, রানাঘাট, নেহাটি, কল্যাণী, চাকদহ, কৃষ্ণনগর, কঁচরাপাড়া, মদনপুর, বাদুলুমা, চুঁচুড়া, ব্যাডেল স্টেশন, বৈচিত্র্য, পাতিরাম, ধ্যানবিন্দু ও মনীষা (কলেজ স্ট্রিট) • গৌতম শিরোমনি M. 7364874673 • শকুন্তলা মুখার্জী, বনগাঁও M. 8116480129, সৌম্যকান্তি জানা, কাকদীপ, বামা পুস্তকালয়, M. 9434570130 • অনিশ মিত্র, দুর্গাপুর, M. 9093819373 • অরিন্দম রায়, বেলগুড়ি, M. 7001857013 • সারথী চন্দ, শিলিগুড়ি, M. 9674031082 • উত্তম দাস, আলিপুরদুয়ার, M. 9382307460 • সবুজ প্রথিবী প্রয়েন্নে কোডেক্স, ৮এ, টেমার লেন, কলকাতা-৯ • শাস্তিপুর সায়েন্স স্ক্লাব, M. 9609844676/7908341942 • ক্যানিং যুক্তিবন্দী সাংস্কৃতিক সংস্থা, M. 9635995476 • দীপাঞ্জন দে, কৃষ্ণনগর ও চাপড়া, M. 9734067466 • বহরমপুর রেলওয়ে বুক স্টল ও বিশ্বাস বুক স্টল, বহরমপুর বাসট্যান্ড, M. 9474350231 • বাপী বুক স্টল, রামপুরহাট

ত প ন দা স

## ছন্দ পতনেও ছিলেন ছন্দে



পরীক্ষাগারে কর্মরত র্যামস্যায়

স্কটল্যান্ডের এক ব্রিটিশ ইঞ্জিনিয়ারের একমাত্র সন্তান র্যামস্যায় রসায়নবিদ হবে এই স্বপ্ন ছোটবেলাতেই দেখত। তার এই স্বপ্ন শুধুই বাস্তবায়িত হয়েছিল তা নয়। নোবেল কমিটির দেওয়া নোবেল পুরস্কারের শিরোপাও উঠেছিল তার মন্তকে। ১৯০৪ সালে রসায়নে নোবেল পুরস্কার পান, আবিষ্কার করেছিলেন বিভিন্ন নিষ্ঠিয় গ্যাসগুলি। স্কটল্যান্ডের ফ্লাসগো বিশ্ববিদ্যালয়ে প্রাজুরেট হওয়ার পর আরও ১৮ মাস বিজ্ঞান গবেষণার বিশেষ দিকগুলো ভালোভাবে রপ্ত করেন রবার্ট টেটলকের কাছ থেকে। ১৮৭০-এর অক্টোবরে তিনি ফ্লাসগো বিশ্ববিদ্যালয় ছেড়ে জার্মানির হাইডেলবার্গ বিশ্ববিদ্যালয়ের রসায়নের শিক্ষক রবার্ট বুনসেনের ছাত্র হিসাবে যোগ দেন। কিন্তু কোন এক অজ্ঞাত কারণে সেখান থেকে ছয় মাসের মধ্যে বেরিয়ে পড়েন। তারপর ডক্টরেটের ছাত্র হিসাবে যোগ দেন টুবিনজেন বিশ্ববিদ্যালয়ের জৈব রসায়নবিদ রুডলফ ফিটিগের রসায়নাগারে। ১৮৭২-এ ডক্টরেট ডিপ্রি অর্জন করেন।

ফিরে এলেন ফ্লাসগোতে। প্রথমে অধ্যাপনার কাজে যোগ দিলেন অ্যাভারসন কলেজে এবং তারপর ফ্লাসগো বিশ্ববিদ্যালয়ে। সেই সময় তিনি বিভিন্ন উদ্ধিদ থেকে প্রাপ্ত জটিল যোগ যেমন উপক্ষার (অ্যালকালয়েড) নিয়ে গবেষণা করতেন। কিন্তু ১৮৭৯ সালে তিনি আবার তার গবেষণার ক্ষেত্রে পরিবর্তন করলেন। একটি তরলের স্ফুটনাক্ষে পৌছনোর সময় আনব আয়তনের (Molar Volume) কিভাবে পরিবর্তন হয় সেই বিষয়ের উপর শুরু করলেন গবেষণা। ১৮৮০ থেকে ১৮৮৭ পর্যন্ত নিযুক্ত ছিলেন বিস্টলের একটি বিশ্ববিদ্যালয়ে। ব্রিটিশ রসায়নবিদ সিডলি ইয়ং-এর সাথে একত্রে গবেষণার কাজ করে প্রকাশ করলেন ৩০টি পেপার। তরল ও বাস্পের উপর এই চর্চাই তাকে তার জীবনের শ্রেষ্ঠ আবিষ্কারের পথ সুস্থূল করেছিল। তিনি আবিষ্কার করতে পেরেছিলেন বিভিন্ন নোবেল গ্যাসগুলিকে। এরপর ১৮৮৭-তে লন্ডনের ইউনিভার্সিটি কলেজে অধ্যাপনার কাজে যোগ দিলেন এবং সেখানেই ১৯১৩ সাল পর্যন্ত


থেকে কর্মজীবনের সমাপ্তি ঘটালেন। ১৮৯২ সালে তিনি হাস্পেরির পদার্থবিদ ইউটোভসের সামিধে আসেন এবং তার গবেষণার ক্ষেত্রে আরও সমৃদ্ধ করে তোলেন। তিনি হয়ে উঠলেন ব্রিটেনের এক প্রখ্যাত রসায়নবিদ।

অপরদিকে ব্রিটিশ পদার্থবিদ লর্ড রেলি দেখালেন যে কোন যোগ থেকে প্রাপ্ত নাইট্রোজেনের পারমাণবিক ভর বায়ু থেকে প্রাপ্ত নাইট্রোজেনের পারমাণবিক ভর অপেক্ষা কম হয়। এর কারণ অনুসন্ধান করতে গিয়ে র্যামস্যায় দেখালেন যে বায়ু থেকে প্রাপ্ত নাইট্রোজেনে মিশে আছে একপ্রকার মনোএক্টোমিক নিষ্ক্রিয় গ্যাস। এরা দুজনে যৌথভাবে ঘোষণা করলেন বায়ুতে আয়তন হিসাবে প্রায় ১ শতাংশ নিষ্ক্রিয় গ্যাস বর্তমান। এর নাম দিলেন আর্গন। যদিও পরবর্তীকালে রসায়নবিদ মরিসের সঙ্গে কাজ করে দেখালেন এই গ্যাস মিশ্রণে আর্গনের সাথে আছে নিয়ন, ক্রিপটন ও জেনন। ক্লিভেইট নামক একপ্রকার খনিজ থেকে নিষ্কাশন করলেন হিলিয়াম। ১৯০৩-এ ফ্রেডরিক সডির সাথে একত্রে গবেষণায় দেখালেন রেডিয়াম থেকে হিলিয়াম উৎপন্ন হয় তেজস্বিয় ভাঙ্গনের ফলে। ১৯১০-এ তিনিই প্রতিষ্ঠা করলেন ষষ্ঠ নিষ্ক্রিয় মৌলাটি হল রেডেন।



ফ্রেডরিক সডি


বায়ুতে মিশ্রিত নোবেল গ্যাসগুলিকে আলাদা করার জন্য রাসায়নিক ও প্রাকৃতিক দুটো পদ্ধতিই প্রয়োগ করা হয়। প্রথমে কার্বন-ডাই-অক্সাইড, জলীয়বাষ্প ধূলিকণা মুক্ত করে রাসায়নিক পদ্ধতি প্রয়োগের মাধ্যমে নাইট্রোজেন ও অক্সিজেন গ্যাসকে আলাদা করা হয় এবং পরে বিভিন্ন তাপমাত্রায় অধিশোষণের উপর ভিত্তি করে উপাদানগুলিকে আলাদা করা হয়।



লর্ড রেলিং



Chemical method for isolation of noble gases



Separation of noble gases (Dewar's method)


### নোবেল গ্যাস পথকীরণ

**প্রথম ধাপ :** র্যামস্যায়-রেলি প্রথমে ৫০ লিটার আয়তনের একটি কাচের প্লোব বাতাস ও অক্সিজেন দিয়ে পূর্ণ করেন। প্লোবে দুটি প্ল্যাটিনাম তড়িৎদ্বার যুক্ত করে ৬০০০-৮০০০ ভোল্ট-এ তড়িৎ ক্ষরণ করা হয়। ফলে নাইট্রোজেন ও অক্সিজেন যুক্ত হয়ে নাইট্রোজেনের বিভিন্ন অক্সাইড উৎপন্ন হয়। এই অক্সাইডগুলোকে সোডিয়াম হাইড্রোক্সাইড দ্রবণে দ্রব্যভূত করে আলাদা করা হয়। পড়ে থাকে শুধুমাত্র নোবেল গ্যাস মিশ্রণ।

**দ্বিতীয় ধাপ (ডিওয়ার পদ্ধতি) :** নোবেল গ্যাসের উপাদানগুলি উক্তিজ্ঞ অঙ্গরে উষ্ণতার তারতম্যে ভিন্নভাবে অধিশোষিত হয়। দুই দেওয়াল যুক্ত একটি বিশেষ পাত্রে 173K তাপমাত্রায় গ্যাস মিশ্রণকে রাখা হলে আর্গন, ক্রিপ্টন ও জেনন অধিশোষিত হয়। কিন্তু হিলিয়াম ও নিয়ন হয় না। ফলে এই দুই গ্যাসকে পাম্পের মাধ্যমে আলাদা করা হয়। পরে 93K তাপমাত্রায় অঙ্গরের সংস্পর্শে শুধুমাত্র হিলিয়াম অধিশোষিত হয় এবং নিয়নকে সম্পূর্ণরূপে পৃথক করা হয়। 173K তাপমাত্রায় অধিশোষিত মিশ্রণকে তরল বায়ুর তাপমাত্রায় অন্য একটি অঙ্গরের সংস্পর্শে আনলে শুধুমাত্র আর্গন ব্যাপ্তি হয়ে আলাদা হয়।

অবশিষ্ট অংশে থাকে ক্রিপ্টন ও জেনন। 183K তাপমাত্রায় অঙ্গর থেকে ক্রিপ্টন বেরিয়ে আসে এবং আরও তাপমাত্রা বৃদ্ধিতে জেনন নিষ্কাশিত হয়।

এইভাবে প্রাপ্ত নোবেল গ্যাসগুলি দীর্ঘ পর্যায়সারিতে ১৮ নম্বর শ্রেণিতে অবস্থান করে। ১৮৫২ সালের ২ অক্টোবর জন্মগ্রহণ করে শিক্ষাজীবনের শুরুতে যে স্বপ্ন তিনি দেখেছিলেন তাকে বাস্তবায়ন করলেন। ঘটল অনেক ছন্দপতন আবার ফিরলেন ছবে।




র্যামস্যায়

প্রবহমান জীবনে অনেক বাঁক পরিবর্তন করলেন। লক্ষ্য নির্দিষ্ট থাকায় শীর্ষে পৌছলেন সহজেই। ১৯১৬ সালের ২৩ জুলাই চলে গেলেন না ফেরার দেশে। প্রতিটি বাঁকে রেখে গেলেন তার পদচিহ্ন।

লেখক রসায়নের শিক্ষক ও বিজ্ঞান প্রাবন্ধিক।

email: tdcob25@gmail.com • M. 8944996755

## বাট্টা ড. রাসেল এই হল বিজ্ঞান



বিজ্ঞান ডাক্তারীবিদ্যা, জাদুবিদ্যা আর কালাজাদুর বিনাশ ঘটিয়েছে। এই বিজ্ঞানই প্রাচীন বিশ্বাস আর পুরোনো কুসংস্কারগুলোকে বুদ্ধিমান মানবের পক্ষে গ্রহণ করার অযোগ্য করে তুলেছে। পৃথিবীকে মহাবিশ্বের কেন্দ্র বলে মনে করাকে আর মানবজাতিকেই সৃষ্টির মূল উদ্দেশ্য বলে ধরে নেওয়াকে হাস্যাস্পদ করে তুলেছে বিজ্ঞান। এই বিজ্ঞানই আত্মা এবং শরীরের, মন এবং বিষয়ের দৈতবাদের সেইসব প্রাচীন ধারণার অসত্যকে প্রকাশ করে দিয়েছে, যার উৎসস্থল ধর্ম। আমাদের নিজেদের উপলব্ধি করতে শেখাতে শুরু করেছে এই বিজ্ঞানই, আর এই বিজ্ঞানই একটা নির্দিষ্ট জায়গা অবধি আমাদের নিজেদেরকে বাইরে থেকে এক কৌতুহলোদীপক প্রক্রিয়া হিসেবে দেখার দৃষ্টি দিয়েছে। বিজ্ঞানই আমাদের নিশ্চিত মিথ্যের বিকল্প হিসেবে অনিশ্চিত সত্যকে গ্রহণ করতে শিখিয়েছে।

## দি গ স্ট পাল


# ব্রেইন ফ্রীজ



তপ্ত গ্রীষ্মকালে কিছু অনুভূতি সত্যিই আরামপ্রদ—যেমন ঠাণ্ডা আইসক্রীম-এর স্বাদ। কিন্তু লক্ষ করে দেখবে যে, খুব ঠাণ্ডা বরফ বা আইসক্রীম খুব তাড়াতাড়ি মুখে নিলে মাথা বানবান করে ওঠে। স্ন্যায়বিজ্ঞানে আলোচিত এই ঘটনাই সাধারণ মানুষের কাছে ‘ব্রেইন ফ্রীজ’ নামে পরিচিত।


মা-বাবা বা বড়রা আমাদের সব সময়ই ধীরে-সুস্থে ভালভাবে চিবিয়ে খাবার খাওয়ার পরামর্শ দেন কারণ তা আমাদের খাওয়া খাবার হজমে সহায়ক হয়। খুব ঠাণ্ডা খাবার দ্রুত খেতে গেলে মাথা বানবান করে ওঠা হল সেরকমই এক নিয়েধাজ্ঞা যা সরাসরি আসে আমাদের মস্তিষ্কের কাছ থেকে, তবে এই বারণের সাথে হজমের কোন সম্পর্ক নেই। আসলে আমাদের মস্তিষ্ক যে কোন বিষয়ের খুব দ্রুত পরিবর্তন স্বাভাবিকভাবে মেনে নিতে পারে না। খুব ঠাণ্ডা বরফ বা আইসক্রীম তাড়াতাড়ি মুখে নিলে মুখগহুরের উষ্ণতা দ্রুত হারে কমে—যার ফলে আমাদের মস্তিষ্কের প্রতিক্রিয়াও অস্বাভাবিক হয়। মুখে দ্রুত আইসক্রীম নিলে মস্তিষ্কের এই অস্বাভাবিক প্রতিক্রিয়া কিভাবে ঘটে তার বৈজ্ঞানিক ধাপগুলো বুঝতে গেলে আমাদের মানুষের রক্ত-সংবহন তন্ত্র ও স্ন্যায়তন্ত্র সম্পর্কে কিছু বিষয় জেনে রাখতে হবে।

প্রথমে রক্ত-সংবহন তন্ত্রের প্রয়োজনীয় বিষয়গুলো জেনে নিই।



ক্যারোটিড ধমনী

আমাদের ঘাড়ের বামদিকে একটি বাম ক্যারোটিড ধমনী ও ডানদিকে একটি ডান ক্যারোটিড ধমনী থাকে। ভেবে দেখো যে ভ্যাস্পায়ার বা জন্ম সংক্রান্ত আতঙ্কের চলচ্চিত্রে দেখানো হয় যে তারা মানুষের ঘাড় কামড়ে রক্ত শোষণ করে। এর পেছনেও একটা বৈজ্ঞানিক কারণ আছে আর তা হল যে ঘাড় কামড়ে সহজেই অনেক বেশি পরিমাণে অক্সিজেন




মস্তিষ্ক ও অ্যান্টেরিয়ার সেরিব্রাল ধমনী

সমৃদ্ধ রক্ত শোষণ করে নেওয়া যায় যা সম্ভব হয় বাম ও ডান ক্যারোটিড ধমনীর উপস্থিতির জন্যই। আমরা জানি যে ধমনীর প্রতিটিই দুটি করে শাখাধমনীতে বিভক্ত হয়—ইন্টারনাল বা আভ্যন্তরীণ

ক্যারোটিড ধমনী ও এক্সটারনাল বা বাহ্যিক ক্যারোটিড ধমনী। আভ্যন্তরীণ ক্যারোটিড ধমনী মস্তিষ্কে বিশুদ্ধ রক্ত পৌছে দেয় এবং বাহ্যিক ক্যারোটিড ধমনীর মাধ্যমে মুখমণ্ডল ও ঘাড়ে বিশুদ্ধ রক্ত সরবরাহ হয়। আভ্যন্তরীণ ক্যারোটিড ধমনী কিছু শাখা-ধমনীতে বিভক্ত হয়ে সমগ্র মস্তিষ্কে অক্সিজেন সমৃদ্ধ বিশুদ্ধ রক্ত ছড়িয়ে দেয়। এদের মধ্যে একটি গুরুত্বপূর্ণ শাখা ধমনী হল আন্টেরিয়া সেরিব্রাল ধমনী যা মস্তিষ্কের ফ্রন্টাল লোব ও সুপরিয়ার প্যারাইটাল লোবের একদম মধ্যভাগে অক্সিজেন সমৃদ্ধ রক্ত নিয়ে যায়।


সময় এসেছে মানুষের স্নায়ুতন্ত্র সম্পর্কে প্রাসঙ্গিক কয়েকটি দরকারি বিষয় জেনে ফেলার। শুরুটা মস্তিষ্কের এই দুটি অংশ—‘ফ্রন্টাল লোব’ ও ‘সুপরিয়ার প্যারাইটাল লোব’ দিয়েই করা যাক। ফ্রন্টাল লোব হল মস্তিষ্কের অগ্রভাগে অবস্থিত একটি গুরুত্বপূর্ণ অংশ যা মানুষের আবেগপ্রবণ অভিযন্তা, সমস্যার সমাধান, স্মৃতি, ভাষা, বিচার ও



বিবেচনাকে নিয়ন্ত্রণে রাখে। আর সুপরিয়ার প্যারাইটাল লোব অংশটি প্রধানত আমাদের পাঁচটি ইন্দ্রিয়ের সাহায্যে চারপাশের পরিবেশ এবং সেই পরিবেশ সাপেক্ষে আমাদের নিজেদের অবস্থান ও গতির ধারণা রাখতে সাহায্য করে।

মস্তিষ্ক সহ মানুষের সমগ্র স্নায়ুতন্ত্র তৈরি হয় বহু স্নায়ুকোষে বা নিউরোন নিয়ে। স্নায়ুকোষ-এর একটি সরু সুতোর মতো অংশ থাকে যাকে ‘অ্যাক্সন’ বলে ও স্নায়ুকোষের গোলকাকার অংশটি যেখানে নিউক্লিয়াস থাকে তা ‘কোষ-দেহ’ বা ‘সেল বডি’ বা ‘সোমা’ নামে পরিচিত। অনেক ক্ষেত্রে বেশ কিছু স্নায়ুকোষ দল বেঁধে থাকলে তাদের কোষ-দেহগুলি জটলা করে এক-একটি বিশেষ অংশ তৈরি করে যাকে ‘গ্যাংলিয়ন’ বলে। খুব সুস্থানু খাবার দেখে বা গন্ধ শুঁকে জিভে জল চলে এসেছে এমন ঘটনা বোধকরি তোমাদের সাথে বহুবার ঘটেছে। এর জন্য দায়ী এক বিশেষ ধরনের গ্যাংলিয়ন যাদের ‘প্যারাসিম্প্যাথেটিক গ্যাংলিয়ন’

বলে। ‘স্ফেনোপ্যালেটাইন’ হল এমনই একটি প্যারাসিম্প্যাথেটিক গ্যাংলিয়ন যে পূর্বোক্ত বাহ্যিক ক্যারোটিড ধমনীর মধ্যে রক্ত প্রবাহের হারকে বাড়িয়ে বা কমিয়ে মুখমণ্ডল (অর্থাৎ নাসাগহুরের আভ্যন্তরীণ



মাথায় প্যারাসিম্প্যাথেটিক গ্যাংলিয়ন

পাচীর, মুখগহুরের ছাদ, নাসাগহুরকে ঘিরে থাকা চার জোড়া সাইনাস ইত্যাদি) ও ঘাড়ের তাপমাত্রাকে নিয়ন্ত্রণে রাখে।

খুব ঠাণ্ডা আইসক্রীম তাড়াতড়োয়ে খেলে, মস্তিষ্ক কিভাবে আমাদের থামাতে তৎপর হয় তার ব্যাখ্যা এখন আমাদের বুবাতে সুবিধা হবে। আইসক্রীম বা কুল্পির মতো ঠাণ্ডা খাদ্য রয়েসয়ে না খেলে, স্ফেনোপ্যালেটাইন গ্যাংলিয়ন মুখগহুরের ছাদের তাপমাত্রা দ্রুত কমানোর জন্য সেখানে রক্তপ্রবাহের হার খুব দ্রুত কমিয়ে দেয়। ফলে বাহ্যিক ক্যারোটিড ধমনীর মধ্যে রক্তপ্রবাহের হার খুব দ্রুত কমে। হৎগিন্দ থেকে বাম বা ডান ক্যারোটিড ধমনীর মধ্য দিয়ে বয়ে আসা রক্তপ্রবাহই বাহ্যিক ও আভ্যন্তরীণ ক্যারোটিড ধমনীতে বিভক্ত হয়, তাই বাম বা ডান ক্যারোটিড ধমনীর মধ্যে রক্তপ্রবাহের হার খুব দ্রুত কমে, তখন আভ্যন্তরীণ ক্যারোটিড ধমনীতে বিশেষত তার শাখা অ্যান্টেরিয়া সেরিব্রাল ধমনীর মধ্যে রক্তপ্রবাহ খুব তাড়াতাড়ি বেড়ে চলে। ফলস্বরূপ, মস্তিষ্কের ফ্রন্টাল লোব ও সুপরিয়ার প্যারাইটাল লোবের মধ্যভাগে রক্ত সরবরাহের হার হঠাতে খুব বেড়ে যায় যা মুহূর্তের জন্য মাথায় তীব্র ব্যথার কারণ।

স্নায়ুপথের যেকোন ব্যথাকে স্নায়ুবিজ্ঞানের ভাষায় ‘নিউরালজিয়া’ বলা হয়। আমাদের আলোচিত ব্যথা অর্থাৎ ‘ব্রেইন ফ্রীজ’-এর কারণ হিসাবে স্ফেনোপ্যালেটাইন গ্যাংলিয়ন-র গুরুত্বপূর্ণ ভূমিকার জন্য এই ব্যথার অপর নাম ‘স্ফেনোপ্যালেটাইন গ্যাংলিওনিউরালজিয়া’।

একইরকম ভাবে খুব গরম হাওয়া ঘাড় বা মুখমণ্ডলে স্পর্শ করে গেলে বা ঘরের স্বাভাবিক তাপমাত্রায় অনেকক্ষণ থাকার পর খুব শীঘ্র বাইরে কাঠ ফাটা রোদুরে বেরিয়ে গেলে মুহূর্তের জন্য মাথা ধরে যায় কারণ স্ফেনোপ্যালেটাইন গ্যাংলিয়ন ঘাড় বা মুখমণ্ডলে রক্তপ্রবাহের হার খুব দ্রুত বাড়িয়ে দেয়। গরমে মাথা ধরে যাওয়ার বাকি ব্যাখ্যাটা এখন নিজেই করার চেষ্টা করুন।


লেখক তথ্যপ্রযুক্তি পেশাদার ও বিজ্ঞান প্রাবন্ধিক।

*email:diganitapaul5@gmail.com. • 9874556152*

অসি ত ঘোষ

## নিকোলা টেসলা : বিজ্ঞানী ও প্রযুক্তিবিদ যিনি একক মহিমায় মডেল


সে এক বজ্রবিদ্যুৎ সহ বৃষ্টির রাত। ১৮৫৬ খ্রিস্টাব্দ, ১০ জুলাই; অন্যমতে ৯ জুলাই। ক্রোয়েশিয়ার স্লিজান শহরে জন্ম হয়েছিল মানুষটির, যে তার জীবনভর অধ্যবসায় আর বিজ্ঞান গবেষণার চৌহদিতে আত্মনির্যোগ করে আবিষ্কারে যা উপহার দিয়ে গেছেন, বর্তমান যুগে হয়তো-বা, আবহমান কাল ধরে সেগুলি একইভাবে সমাদৃত থাকবে। নামের মাহায়ে নয়, তিনি বিজ্ঞানের ইতিহাসে পরিচিত এক নাম, নিকোলা টেসলা। উনবিংশ শতাব্দিব্যাপী নিরলস প্রচেষ্টায় তাঁর প্রতিভার সফল বিকাশ ঘটে এবং একজন বিজ্ঞানসাধক, উদ্ভাবক, বিজ্ঞানী ও প্রযুক্তিবিদ হিসাবে সমাজের সমস্তক্ষেত্রে, এমনকি নিন্দুকদেরও নজর কাঢ়তে থাকেন। বলা চলে, তাঁর আবিষ্কারগুলি আজকে একবিংশ শতকের এক-চতুর্থাংশের দোরগোড়ায় এসে, নানা অবিস্মরণীয় উদ্ভাবকের খেতাব জয়ে, প্রথম সারির বরেণ্য বিজ্ঞানীদের তালিকায় জায়গা করে নিয়েছেন। তবুও নোবেল পুরস্কার তাঁর ভাগ্যে শিকে ছেড়েনি। যেমনটা আমাদের দেশে বিজ্ঞানী—প্রফুল্লচন্দ্র রায়, সত্যেন্দ্রনাথ বসু, মেঘনাদ সাহা এবং অমলকুমার রায়চৌধুরি কেউই নোবেলজয়ী বিজ্ঞানী হননি। অথচ বিশ্বজোড়া এন্ডের প্রতিভা সর্বজনস্বীকৃত স্মরণ করছি সঙ্গত কারণেই, বাঙালি হিসাবে কিছু আত্মশাস্ত্র বোধ করছিল, পাঠক দোষ ধরে বসবেন না। যাই হোক ফিরে আসি, বিজ্ঞানী টেসলা প্রসঙ্গে। বিজ্ঞানী কেবল নয়, একাধারে ভাষাবিদ। ১৮৭৩ ভাষ্য জানতেন আর তাঁর নামে পেটেন্টের ছড়াচড়ি, কমবেশি ৭০০টি হবে। আর পেটেন্ট নেই এমন উদ্ভাবনও কম নয়। কয়েকটির নাম অবশ্যই উল্লেখ করতে হয়। বিপরীতমুখী প্রবাহ (A.C.), মুক্ত শক্তি (Free Energy) আধান, তারবিহীন বিদ্যুৎ সংগ্রালন ব্যবসা, রাডার প্রযুক্তি ছাড়া যোগাযোগ প্রযুক্তির প্রকৌশল সজ্জা ইত্যাদি তাঁর উল্লেখ্য প্রতিভার ও পারদর্শিতার অংশবিশেষ। তবুও তিনি ছিলেন একজন অবহেলিত বিজ্ঞানী। ১৮৮০ সালে পকেটে মাত্র চার পেনি নিয়ে আমেরিকায় চলে আসেন। ১৮৯১-তে এই মহান বিজ্ঞানী আমেরিকার নাগরিকত্ব পাওয়ার জন্য আবেদন করেন। সেখানে দীর্ঘ এগার বছরে নিরলস কাজে একের পর এক উল্লেখযোগ্য আবিষ্কারের মধ্য দিয়ে বিজ্ঞানের ভিত শক্তিপোক্তি করে এক অনন্য উচ্চতায় বিজ্ঞানকে তিনি নিয়ে ফেলেছিলেন যার কয়েকটি বিষয়ে ধীরে ধীরে সংক্ষিপ্ত আলোচনায় আসব। তিনি গবেষণা করেছেন নোবেল পদার্থবিজ্ঞানী আলভা এডিসনের সাথে। তাঁর আবিস্তৃত এ.সি. মেশিন বনাম এডিসনের ডি.সি. মেশিন সেইসময় ‘ইলেক্ট্রিক যুদ্ধ’ নামে চলতিভাষায় পরিচিত ছিল। টেসলা কেবল বিজ্ঞানী না, একজন সংস্কারকও বটে— উচ্চমাপের বিরল ব্যক্তিত্ব বলা চলে। এককথায় তিনি ছিলেন সময়ের দৃত। একশো বছর আগে বলেছিলেন, ‘এমন এক সময় আসবে যখন সংবাদ, মাঠের খেলা, সাংস্কৃতিক অনুষ্ঠান ও চলচিত্র তারবিহীন পদ্ধতিতে ঘরে বসেই দেখা



যাবে। বিদ্যুৎ পরিবহন ব্যবসার (Electricity Supplying System) জনক তাই তাঁকে বলা হত। আপাত একটা বিষয় উল্লেখ করছি, নিকোলা টেসলার নামানুসারে চুম্বক প্রাবল্যের ঘনত্ব (magnetic flux density)-কে নতুনভাবে সংজ্ঞায়িত করা হয়েছিল। একটু বিস্তারিত ব্যাখ্যা প্রয়োজন যা একটু পরে আসছি। ইঞ্জিনিয়ারিং বা প্রযুক্তি বিদ্যায় উচ্চতর পড়াশুনার সাথে কিন্তু দিন উন্নতমানের প্রশিক্ষণ নিয়ে তিনি ইতিমধ্যে অস্ট্রেলিয়ার প্রাজ (Graz) শহরে গামা রশ্মির ব্যবহারে জেনারেটর চলছে দেখেন। সহজলভ্য ‘ইলেক্ট্রিক মোটর’ আবিষ্কারের চিন্তা তাঁর মাথায় আসে। তখনকার দিনে বিপরীতমুখী চলতড়িৎ প্রবাহের তখনই প্রচলন সমাজের ব্যাপক অংশের উদ্দেশ্য ছিল। তাঁর এ.সি.মোটর আবিষ্কার প্রসঙ্গে আলোচনার আগে চৌম্বকীয় ঘটনা ও চৌম্বক পদার্থের ধর্ম সম্পর্কে প্রাচীন ধারণা তাঁর সময়ের আগের বিজ্ঞানীদের এই বিষয়ে গবেষণার অগ্রগতির কথা সংক্ষেপে আলোচনা প্রয়োজন।

ডেনমার্কের বিজ্ঞানী অধ্যাপক হানস ক্রিশিয়ান ওরসেট ১৮২০ সালে, ‘পরিবাহী তারের মধ্য দিয়ে তড়িৎ প্রবাহিত হলে চৌম্বকক্ষেত্র সৃষ্টি হয় যা একটি চৌম্বক শলাকাকে বিক্ষেপ করতে পারে’, ইতিমধ্যে আবিষ্কার করেছেন। এই ঘটনার ঠিক বারো বছর পর, ১৮৩২ সালে মাইকেল ফ্যারাডে (Michael Faraday) দেখান, ‘কোন তড়িৎ বর্তনীতে চৌম্বকক্ষেত্রের পরিবর্তন ঘটালে ক্ষণস্থায়ী প্রবাহমাত্রায় আবিষ্ট হয়’। এই ঘটনা দুটির পরম্পরা থেকে বিজ্ঞানী টেসলার কাছে স্পষ্ট হয় ‘তড়িৎপ্রবাহ’ এবং ‘তড়িৎচৌম্বকত্ব’ (Electro-magnetism) কোন বিচ্ছিন্ন ঘটনা নয়, যা বুদাপেস্টে গিয়ে চৌম্বকক্ষেত্রের এক ঘূর্ণনের ঘটনায় ইলেক্ট্রিক মোটরের ক্ষেত্রে তড়িৎচৌম্বকীয় আবেশের ব্যবহারিক প্রয়োগ পর্যবেক্ষণ করেন। পরিবাহী তারের ভেতর দিয়ে তড়িৎপ্রবাহ বা গতিশীল আধানের দরজন এক চৌম্বকক্ষেত্র সৃষ্টি হয় এই ঘটনা চাক্ষুষ করে বিজ্ঞানী বায়ো ও স্যাভার্ট (Biot and Savart) তাঁদের পরীক্ষায় ক্ষুদ্র প্রবাহ উপাদানের কোন বিন্দুতে চৌম্বকবল সৃষ্টির একটি সূত্র প্রস্তাব করেন যা বিজ্ঞানী টেসলা ভিলাকারে প্রকাশ করেন। সেটি হল— পরীক্ষণীয় আধান (এক্ষেত্রে ধরি ধনাত্মক আধান) একটি জড়ত্বায়ী ক্ষেমের সাপেক্ষে গতিশীল হলে একপ্রকার বল অনুভব হয়, উহা আধানের গতিবেগের সমান্তরাল হলে কেবল চৌম্বকক্ষেত্র সৃষ্টি হয়, চুম্বকবল আর থাকবে না। এই ধারণা বিজ্ঞানসমাজে তিনি প্রথম হাজির করেন। ‘জড়ত্বায়ী ক্ষেম সাপেক্ষে গতিশীল আধান সমান্তরাল সরলরেখা বরাবর থাকলে চুম্বক বিক্ষেপ সৃষ্টির ঘটনা তিনিই প্রথম বলেন। বিজ্ঞানী টেসলার এই অবদানের জন্য চৌম্বকক্ষেত্রের আন্তর্জাতিক একক (SI unit)-কে টেসলা (T) নামকরণ করা হয়েছে। অন্যদিকে, উল্লেখ

## টেসলার ও তার অসংখ্য আবিষ্কারের মধ্যে কয়েকটির সংকলিত চিত্র




পরিবেশে নাইট্রোজেনের তপ্ত দীপ্তি। ১৮৯৯।



উচ্চ ভোল্টেজ ও স্পন্দনে পরীক্ষা




টেসলার আবিস্থত কৃতিম আলোয় তার হাতের ছবি




টেসলার ও উচ্চ স্পন্দনে পেঁচানো তারের ট্রান্সফর্মার



টেসলার ও তাঁর আবিস্থত টেসলার কুণ্ডলী। ১৮৯৬




তারবিহীন ক্ষমতা প্রবাহে



পরীক্ষারত টেসলার



টেসলারের পরীক্ষাগর



১৫০০ ক্যাডেল ক্ষমতার বায়ু শূন্য বাষ্প দিয়ে আলোকিত করা




অন্য সাথীদের সাথে তাঁর আবিষ্কারের সামনে



চেকজ্বেভাকিয়া প্রদত্ত পুরস্কার গ্রহণ



দপ্তরে কর্মরত টেসলার



তারবিহীন আলোকিত বাষ্প

ঘটনার প্রয়োগে সেইসময়ে আধুনিক মোটরের উদ্ভাবন সমগ্র ইউরোপীয় ইউনিয়নের দেশগুলিতে বিজ্ঞান ও প্রযুক্তিমহলে ব্যাপক সাড়া ফেলে দেয়। ১৮৮২-তে কন্টিনেন্টাল এডিশন কোম্পানির সহায়তায় প্যারিস থেকে ‘সেসবার্গে’ গিয়ে ‘ইন্ডাকশান মোটর’ তৈরি করেন। বিশেষত হল— মোটরে যে পরিবাহী কুণ্ডলীর ব্যবহার হচ্ছে সেটির কৌশলগত অভিনবত্ব ও কার্যক্ষমতা অনেক বেশি। ফলে বাজারে এর চাহিদা বেড়ে যায় আপরদিকে কালবিলস্ব না করে পেটেন্ট পেতে দরখাস্ত পেশ করেন। বলা বাহুল্য আজকের দুনিয়ায় রেডিও, টিভি সেট এবং অন্যান্য আনুসঙ্গিক ব্যবহারিক যন্ত্রগুলিতে টেসলা কুণ্ডলী ব্যবহার হচ্ছে। যাইহোক, ১৮৯৬ খ্রিস্টাব্দে তাঁর কপাল খুলে যায়। আমেরিকায় নাগরিকত্ব এবং ‘টেসলা কুণ্ডলী (Tesla Coil) পেটেন্ট লাভ একইসঙ্গে ঘটে। বিশেষভাবে বলতেই হবে তাঁর এই উদ্ভাবনের বিশেষত্ব ছিল, তড়িৎশক্তির অপচয় রোধ, ও স্থান সংকুলান (Space Economy) ব্যবসা। এই রকম অমিত পরিশ্রমে ৭০০-র মত কমবেশি পেটেন্ট তাঁর বিস্ময়কর আবিষ্কারের জন্য রয়েছে। আর পেটেন্ট নেই এমন উদ্ভাবনও কম নয়। উল্লেখিত হলেও তবে তা হোল এক অন্য গল্প। আসলে বিজ্ঞানীকে যত কঠিনতর জীবনের মুখোমুখি হতে হয়েছিল ততই পরীক্ষা, গুপ্ত শক্তি, অবজ্ঞা, পাহাড়সম বাধা ও অকুলপাথার অনেকানেক অতিক্রম করেই উন্নতির শিখরে উঠতে হয়েছিল, যা উপকথা মত বললেও বেশি হবে। বিজ্ঞানে, ব্যক্তিগত ভাবনার আলোকময় পরিসর সমাজকে দিতে পারেন যিনি, তিনিই বিজ্ঞানী, যাঁর মেধা ও সাহসের অগ্নিস্ফুলিঙ্গ নিশির ডাকে গলে না। আবার বললে দোষের হবে না সমস্যার তো শেষ নেই, প্রশ্ন হলো তার সমাধান আসবে কোনপথে? মাথা খাটিয়ে একাগ্রতায় অবশেষে আবিষ্কার করেন টেসলার মতো বিজ্ঞানী ব্যক্তিরা, সমাধানের আশ্চর্য জাদুকাঠি তাই-ই। এদিকে, ১৮৮৮-র মে—পিটসবার্গের ওয়েস্টিং হাউস কোম্পানিতে চাকরিসহ গবেষণার কাজে থাকাকালীন টেসলা বহুমুখী এসি ডায়নামোর, ট্রান্সফর্মার এবং মোটর উদ্ভাবনের জন্য পেটেন্ট পায়। চলতি সময়ে বিজ্ঞানী এডিসনের একমুখী ডায়নামো বহুল ব্যবহার ছিল। বহুমুখী ডায়নামো ক্ষেত্রে উচ্চস্তরের কার্যকারিতা ও গুণগত মান উত্তম; ফলে তাঁর দেখানো নতুন আলোকময় পরিসর সমাজকে প্রভাবিত করলেও তুলনায় অপেক্ষাকৃত প্রাচীন ও সভাবানাহীন বস্তুর আবিষ্কারকের সংঘাতের মুখোমুখি হয়ে অনিয়ন্ত্রিত অস্থিরতায় ভুগতে হয়েছিল; এভাবে দিন যায়, বছর ফুরায়। একদিন টেসলাকে এডিসনের ল্যাবরেটরি থেকে পত্রপাঠ বিদায় নিতে হোল এবং দ্রুত নিজস্ব ল্যাবরেটরি প্রতিষ্ঠা করতে হয়েছিল যেখানে গবেষণার ক্ষেত্রে স্বাধীন সত্ত্বা বিকাশের সুযোগ পান। টেসলার অন্তর্ভুক্ত পরীক্ষার মধ্যে একটি carbon button lamp যেখানে বৈদ্যুতিক শক্তির অনুরঞ্জনের ফলে নানা বর্ণে আলোকসজ্জা প্রতিভাত হওয়ার ঘটনা যা ১৮৯৩ সালে চিকাগো শহরে অনুষ্ঠিত বিশ্ববাণিজ্য মেলায় প্রদর্শিত হয়েছিল। ওয়েস্টিং হাউস কোম্পানি এই আবিষ্কারকে ব্যবহার করে নাইজিরিয়া জলপ্রপাতারে জন্য বিদ্যুৎচালিত যন্ত্র বসানোর ব্যবসাপত্র পেয়েছিল। তারবিহীন ব্যবসায় ২০০টি ল্যাম্প পরগুলো সাজিয়ে ৪০ কিমি. দূরত্বে ৪১মি. (১৩৫ ফুট) উচ্চতায় আলোরমালা সৃষ্টি করা যায় দেখিয়ে, এধরণের প্রকল্প নির্মাণের জন্যে অনন্য নজির সৃষ্টি হয় এবং ১৮৯৬-তে আরো একটি

পেটেন্ট পান। একে একে রিমোট কন্ট্রোল টেলি স্বয়ংক্রিয় বেট (১৮৯৮), terrestrial stationery wave (১৮৯৯-১৯০০) আবিষ্কার করে পৃথিবী একটি চুম্বক কেবলই নয়, উত্তম তড়িৎধারক বটে যা স্থায়ী দশা অন্তর একটি নির্দিষ্ট কম্পাক্ষে পুনরায় ফিরে ফিরে আসে প্রমাণ করেন। একসময়ে সিগনালিং ব্যবসার উপর গবেষণা চালিয়ে অন্য প্রাহ থেকে সংকেত সংগ্রহ ও শব্দের ব্যৃৎপত্তি নির্ণয় করে বিবর্ধন সঞ্চালন মিটার আবিষ্কারের পদ্ধতি নামী জার্নালে প্রকাশিত হলে বিজ্ঞানী মহলে ব্যাপক সাড়া পড়ে যায়। ১৯০০ সালে নিউইয়র্কে ফিরে এক বেতার সম্প্রচার কেন্দ্র নির্মাণ করেন যা বিশ্বের অন্যতম নজির হয়ে ওঠে। এরপর আবহাওয়া তথ্যসম্পর্কিত বার্তা, কোন ছবি আদানপ্রদান ও স্টক এক্সচেঞ্জের রিপোর্ট প্রত্বতি রেডিও সিগনালিং ব্যবসায় আনতে গিয়ে সমূহ বিপদের সম্মুখীন হতে হয়েছিল, ফলে সেই যাত্রায় ইতি টেনে টারবাইন নির্মাণে মনোযোগ দেন। ১৯১৫তে বিজ্ঞানী এডিসন নোবেল পেলেন কিন্তু তিনি নোবেল থেকে শতকে যোজন পিছিয়ে পড়েন। যাইহোক, অবশেষে ১৯১৭-য় আমেরিকান ইন্সটিউট অব ইঞ্জিনিয়ারস থেকে ‘এডিসন মেডেল’ লাভ করেন। পরে আরও একাধিক পুরস্কার পেয়ে তিনি সম্মানিত হয়েছিলেন। বিশেষত মহাকাশের সঙ্গে সংযোগ ভাবনায় তাঁকে আবিশ্ব অভিনন্দিত করেছিল। এরই হাত ধরে, এরোস্পেস ইঞ্জিনিয়ারিং, ন্যানো এবং নিউক্লিয়ার প্রযুক্তির পরবর্তীকালে প্রসার ঘটে।

তাঁর বিজ্ঞান ও প্রযুক্তির দীর্ঘ গবেষণায় আগেই বলেছি ৭০০টির মতো পেটেন্ট পাওয়া; আবিষ্কারের মৌলিকত্ব প্রমাণ করলেও নোবেল পুরস্কার একাধিকবার না পাওয়ার ঘটনায় আঘানির্ভরতা আঘান্নাঘায় পরিণত হয়ে হতাশা ক্রমে গ্রাস করে ফেলে। যেন সত্যিই একপ্রকার সবকিছু হারানোর লজ্জায় দ্রুত গৃহবন্দী হয়ে পড়েন। মুষ্টিমেয় কয়েকজন, যাঁদের মধ্যে রবার্ট আন্ডারউড জনসন, মার্ক টয়েন্ট, ফ্রান্সিস ম্যারিয়ন ক্রেফোর্ড প্রমুখ গুটিকয়েক লেখকবন্ধু ছাড়া আর কারও সঙ্গে আর যোগাযোগ ছিল না। ১৯৪৩ সালে ৭ জানুয়ারি সম্পূর্ণ নিঃস্ব অবস্থায় নিউইয়র্কের একটি হোটেল কক্ষে এই মহান মানুষটি মারা যান।

টেসলার মৃত্যুর অনতিবিলম্বে তাঁর যাবতীয় স্থাবর ও অস্থাবর সম্পদ ট্রাক্ষে ভর্তি করে রাখা হয়েছিল। তাঁর গবেষণাপ্রত্নাদি, ডিপ্লোমা সমূহ, সম্মান শংসাপ্রত্নাদি, চিঠিপত্র এবং ল্যাব নেটওর্ক ঘটনাক্রমে তাঁর ভাইপো, সেবা কোসানোভিচ এর হাতে তুলে দেওয়া হয়েছিল। পরবর্তীকালে ঐগুলি বেলগ্রেডে ‘টেসলা সংগ্রহশালায়’ সংরক্ষিত করা হয়েছে। তাঁর মৃত্যুর পর অন্ত্যেষ্টিক্রিয়ার দিন শতশত বিজ্ঞানী, বিজ্ঞান মনস্ক মানুষ সেন্ট জন ক্যাথিড্রাল চার্চ প্রাঙ্গনে সমবেত হয়েছিলেন এই বিশ্ববরেণ্য বিজ্ঞানী ও প্রযুক্তিবিদকে শেষ দেখা এবং অন্ত্যেষ্টিক্রিয়ায় হাজির থেকে সাক্ষী থাকার জন্য। সেদিনটির এক সংক্ষিপ্ত অনুষ্ঠানে তিনজন নোবেল পুরস্কারপ্রাপ্ত বিজ্ঞানী এমন প্রতিভাধর, বিশ্বখ্যাত ব্যক্তিত্বকে স্মরণ করেছিলেন; এই বলে তাঁর প্রযুক্তিগত উন্নয়ন ও উদ্ভাবন যা আধুনিককালেও স্মরণীয় থাকবে।

লেখক অবসরপ্রাপ্ত কলেজ শিক্ষক, বিজ্ঞান গবেষক ও প্রাবন্ধিক।

email:a.ghosh1@yahoo.co.in • M. 8961228439


## প্র বী র ব সু

# কিউবার স্বাস্থ্য ব্যবস্থা

১৯৫৯ সাল পর্যন্ত কিউবার স্বাস্থ্য ব্যবস্থা ছিল ব্যক্তিগু়জি নির্ভর এবং স্বাস্থ্য এখানে ছিল পণ্য। সুতরাং স্বাস্থ্য পরিষেবা ছিল গরিব মানুষের নাগালের বাইরে। তাই কিউবার স্বাস্থ্য ব্যবস্থাকে ঢেলে সাজানো নতুন সরকারের সামনে ছিল এক বড় চ্যালেঞ্জ। কিউবার স্বাস্থ্য পরিষেবার দিকনির্দেশ ছিল চেগুয়াভারার একটি ভাষণে, যা তিনি দিয়েছিলেন গণমালিশিয়ার সামনে। চে নিজে ছিলেন একজন ডাক্তার। তাই তিনি বুঝেছিলেন রোগ সারানোর থেকেও রোগ প্রতিরোধ দেশের মানুষের স্বাস্থ্যের সামগ্রিক অবস্থা ভাল করবার পক্ষে অত্যন্ত জরুরি। কাজেই প্রতিরোধ রোগমুক্তির চেয়ে ভাল এই নীতির উপরেই গড়ে ওঠে কিউবার স্বাস্থ্যনীতি।

কিউবার শতকরা ৮০ ভাগ মানুষ সরকারি কাজের সঙ্গে যুক্ত। যে দেশের আর একটি বৈশিষ্ট্য হল একজন প্রযুক্তিবিদ, একজন ডাক্তার, একজন দর্জি বা একজন ড্রাইভার চাকরি জীবনের শুরুতে সবাই সমান মাটিনে পান। কিউবার জাতীয় বাজেটের ১০ শতাংশ ব্যয় হয় স্বাস্থ্য খাতে। যেখানে ভারতে ১.৫ শতাংশ। কিউবায় চিকিৎসা শিক্ষা সম্পূর্ণ আবৈতনিক। টিকা বা প্রতিযেদকের ব্যবহারের নিরিখে কিউবা পৃথিবীতে সর্বোচ্চ। কিউবানদের গড় আয়ু ৭৮ বছর এবং গড় কর্মক্ষমতা ৭০ বছর। কিউবায় হাদরোগের মৃত্যুর সংখ্যা ৪৫ ভাগ কমিয়ে এনেছে। কিউবার শিশু মৃত্যুর হার প্রতি হাজারে মাত্র ৫ জন। কিউবা ১৯৬২ সালে পোলিওকে নির্মূল করেছে ১৯৬৭-তে ম্যালেরিয়া, ৭২-এ নবজাতকের ধনুষ্টংকার, ১৯৭৯-তে ডিপথেরিয়া, ১৯৮৯-এ মামস, পরবর্তী ১৯৯৩-তে হাম, ১৯৯৫-এ রংবেলা এবং ১৯৯৭-এ টিউবারকুলাস ম্যানেনজাইটিসকে নির্মূল করেছে। কিউবা একমাত্র দেশ যেখানে ম্যানেনজাইটিস-এর টিকা তৈরি হল। কিউবাতে প্রতি ১৪৮ জনে ১ জন চিকিৎসক।

ঘরের পাশেই ডাক্তার এই নীতির উপর প্রতিষ্ঠিত কিউবার স্বাস্থ্য পরিষেবায় প্রত্যেক জনপদেই আছে একটি করে কনসালটেরি বা চিকিৎসালয়। চিকিৎসকেরা চিকিৎসালয়ের কাছাকাছিই থাকেন। পাশাপাশি কোনও প্রাইভেট ব্যবস্থা না থাকায় সকলেই ওই নিকটস্থ চিকিৎসালয়ের উপর নির্ভরশীল। চিকিৎসক ও সেবিকারা অঞ্চলের অধিবাসী হওয়ায় রোগীদের জীবনযাত্রা ও সমস্যা সম্বন্ধে অনেক বেশি ওয়াকিবহাল। চিকিৎসা কেন্দ্রগুলিতে সহায়তা করার জন্য থাকে পলিক্লিনিক। এগুলি ওয়ার্কিং আওয়ারের পরেও রোগীদের পরিষেবা প্রদান করে। প্রতিটি প্রাথমিক স্তরের চিকিৎসালয়ের সঙ্গে রয়েছে এক্সেরে, সিটি স্ক্যান, প্যাথলজির বিভিন্নরকম আধুনিক ব্যবস্থা।



কিউবার রোগ প্রতিরোধ ব্যবস্থার কারণে হাসপাতালগুলিতে চাপ কম

কিউবাতে মাঝে মাঝেই আছড়ে পড়ে হ্যারিকেন বাড়। আর এই অভিজ্ঞতা থেকেই কিউবানরা গড়ে তুলেছে একটি শক্তিশালী বিপর্যয় মোকাবিলা দল। বিপর্যয়ের সময় খোলা আকাশের নিচেই হাতের কাছে পাওয়া সামান্য সরঞ্জাম দিয়ে চিকিৎসায় পারদর্শী এই দল। কিউবার স্কুলের পাঠক্রমেই রয়েছে বিপর্যয় মোকাবিলার পাঠ। মানুষের মধ্যে বিপদগ্রস্তদের প্রতি সেবার মানসিকতা এবং বিশ্বাসৃত্ব বোধের শিক্ষা তারা রাষ্ট্রীয় কার্যক্রম থেকে পান, তাই তাদের এই কষ্টকর পথই এনেছে সাফল্যের চাবিকাঠি। তার উপর অর্ধশতাব্দীর মার্কিন অর্থনৈতিক অবরোধ সত্ত্বেও সমাজতাত্ত্বিক নীতির জোরে একটি দেশ যে স্বাস্থ্য ক্ষেত্রে সর্বোচ্চ শিখরে উঠতে পারে তার উজ্জ্বল উদাহরণ কিউবা।

কিউবা একটি দরিদ্র দেশ হওয়া সত্ত্বেও সারা বিশ্বে বাড়িয়ে দিয়েছে তাদের সহমর্মিতার হাত। প্রায় ১৫৪টি দেশে ১,২৪,০০০ চিকিৎসক ও স্বাস্থ্যকর্মী সারা পৃথিবীতে মানবিকতার স্বার্থে কাজ করে চলেছেন।

কিউবান স্বেচ্ছাসেবীরা সারা পৃথিবী ব্যাপী সেবাকার্যে অংশগ্রহণ করছেন। হন্দুরাসে শিশু মৃত্যু প্রতিরোধে, পাকিস্তানে ভয়াবহ ভূমিকম্পে, জান্মিয়ার ম্যালেরিয়া প্রতিরোধে, পশ্চিম আফ্রিকায় ইবোলা ভাইরাস আক্রমণ প্রতিরোধে—সর্বত্রই তারা অগ্রগণ্য। সারা পৃথিবীতে দুর্গত অঞ্চলে তারা যান সবচেয়ে আগে আর ফেরেন সবার পরে।

বিশ্বের সবচেয়ে অগ্রগতি চিকিৎসা বিদ্যালয় ইলামে, ১২টি দেশের ২০,০০০ জনকে চিকিৎসাশাস্ত্রের স্নাতক তৈরি করছেন। রাষ্ট্রপুঁজি এই শিক্ষা প্রতিষ্ঠানকে বিশ্বের সবচেয়ে অগ্রগতি চিকিৎসা বিদ্যালয় বলে বর্ণনা করেছেন।

কিউবার সাক্ষরতার হার শতকরা ৯৯ ভাগ, আর স্কুলে স্বাস্থ্য শিক্ষা আবশ্যিক। গত চার দশকে রোগ প্রতিরোধ ও প্রাথমিক স্বাস্থ্য পরিষেবার উপর গুরুত্ব দেওয়া হয়েছে। তার ফলেই দেশের স্বাস্থ্য সূচকগুলির ব্যাপক উন্নতি হয়েছে। কিউবা পশ্চিম ভারতীয় দ্বীপরাষ্ট্রের একটি ছোট দ্বীপ যা আমাদের পশ্চিমবঙ্গের থেকে সামান্য বড়। সেই ছোট অনুন্নত অর্থনীতির দেশ কিউবার অগ্রগতি স্বাস্থ্য পরিষেবার নেপথ্যে রয়েছে সাতটি নীতি—

সমতা, বিনামূল্যে চিকিৎসা, সহমর্মিতা, সহজলভ্যতা, আন্তর্জাতিকতা, দায়বদ্ধতা এবং ন্যায্য পরিষেবা।


নেখক জনস্বাস্থ্য ও পরিবেশকর্মী, অংগ বিষয়ক পত্রিকার সম্পাদক।

email:prabirchandrabasu54@gmail.com • M. 9830676330

## কবিতা

### সু ব্রত রু দ্র আশ্রয়

পৃথিবী থেকে নিরাপদ আশ্রয়গুলো হারিয়ে যাচ্ছে  
 আমি জড়ো করে রাখতে চাই  
 পাথির কাছে গাছ  
 গাছের কাছে মাটি  
 পাহাড়ের কাছে নদী  
 নদীর কাছে তীর  
 তীরে দাঁড়িয়ে পৃথিবীতে ফিরিয়ে আনি নিরাপদ আশ্রয়



### নি র্মা ল্য দা শ গু প্র ওরা সবাই

আমার ডানপাশ দিয়ে অরণ্য হাঁটছিল,  
 হাঁটতে হাঁটতেই সে কথা বলছিল,  
 হঠাত তার আওয়াজ বন্ধ হয়ে যেতেই  
 আমি পাশ ফিরলাম—  
 দেখলাম অরণ্য মিলিয়ে গেছে  
 দূরে, বহুদূরে—

পিছনে সরিং আর ঝর্ণা  
 নিজেদের মধ্যে কলকল করছিল,  
 খুনসুটি করছিল,  
 বকবক থেমে যেতে  
 পিছনে ফিরলাম,  
 দেখলাম হাঁটু না ডোবা উচ্ছ্঵াস  
 আর ক্ষীণঙ্গী ঝর্ণা  
 কোথায় মিশে গেছে।

আমার চারপাশটা হঠাত থমকে গেছে,  
 একা আমি, একদম একা—

### দ্বি জে ন আ চা ঘ নদী এখন

অরণ্যের আর্তনাদ শুনে থমকে দাঁড়ালো নদী  
 নদীর অন্তরে তখন চোরাশ্রোত—

সমুদ্রের আহান  
 চরাচরে, কালো মেঘের ঘনঘটা বাড়ের ইঙ্গিত

থমকে দাঁড়ালো নদী  
 সামনে কংক্রিটের বাঁধ  
 এ বাঁধা অতিক্রম করা সহজ নয়

তবু তাকে যেতে হবে  
 মুক্তমুক্ত ভেসে আসছে অরণ্যের আর্তনাদ—

বাঁধা অতিক্রম করে নদী এখন অরণ্যের দিকে



## জ গ ঞ্চ ম জু ম দা র পিংড়ে ও গোপালবাবু (বিজ্ঞান গোপালচন্দ্ৰ ভট্টাচার্যকে নিৰ্বেদিত)

তীর্থযাত্রীৰ মতো পিংড়েৰ সার এগিয়ে চলেছে।  
হঠাতে আক্ৰমণে ছত্ৰখন। ডিম ছিনতাই কৰে পালাচ্ছে  
আৱেকঠি পিংড়ে।


আমি ধৰতে যেতে দ্রুত কামড়ে দেয়। পিংড়ে কি চায় না  
তার ডিম ফেৰৎ আসুক?

সহসা উদয় হলেন আমাদেৱ ভট্চায় মশাই। তার  
পায়ে কাদা, গা থেকে বেৰোচ্ছে গাছগাছালিৰ গন্ধ—কাঁধে এক  
ৰোলা—ৰোলাৰ ভিতৰ থেকে উঁকি মারছে—পিংড়ে নয়,  
পিংড়েৰ মুখোশ পৱা একটি মাকড়সা।

কে কামড়ালো?  
পিংড়ে না ডিমচোৱ মাকড়সা—আমাৰ  
ধন্দ কাটে না।  
ততক্ষণে গোপালবাবু কোথায় উধাও। আমাৰ ঘোৱ কেটে গেলে দেখি  
ভুল কৰে তিনি ফেলে গেছেন জংলি বোলাটুকু তাৱ।

## চ ন্দ শে খ র ঘো ষ ৱঙ বদল

ক্ষাৰ ও অ্যাসিডেৰ প্ৰভাৱে  
লিটগাস ৱঙ বদল কৰে  
আমাৰ বুকেৰ জমি অনুৰ্বৰ রক্ষ  
কোন রসায়নে বদলে দিলে তুমি?  
আমাৰ আকাশে এখন পাখিদেৱ গান ভাসে...




## অ ম র ঘো ষ অপেক্ষা




ক্ষেপণাস্ত্ৰ কঁটাতাৱেৰ সীমানা মানে না  
আঘাতে আঘাতে জজৱিত কৰে তোলো  
ভালবাসতে  
অথচ, কথা রাখলে না  
আকাশ রাঙিয়ে ভুবে গেল সূৰ্য  
নতুন দিশা কোথায়?  
আগামী সূৰ্য কোন দেশে দেখা দেবে—


## মিউটেশনের নেপথ্যে কী কোয়ান্টাম বলবিদ্যা?




ডি এন এ-র রাসায়নিক গঠন



হাইড্রোজেন বন্ড বিন্দুস্থৃত রেখাগুলি সহ ডি এন



যখন জেনেটিক মিউটেশন ঘটে



ডি এন এ মিউটেশন


প্রোটিন জীবদেহের অত্যন্ত গুরুত্বপূর্ণ উপাদান। হরমোন, হিমোগ্লোবিন, ভিটামিন থেকে শুরু করে আমাদের দেহের বিভিন্ন টিস্যু ও অঙ্গগুলির গঠনে প্রধান ভূমিকা রাখে প্রোটিন। প্রোটিন তৈরিতে সক্রিয় ভূমিকা হল রাইবোজেম নামক একটি কোষিয় অঙ্গগুরু। আমাদের দেহে নির্দিষ্ট প্রোটিন তৈরির জন্য প্রয়োজনীয় তথ্যস্থৃত অগুণগুলিকে বিজ্ঞানীরা একটি ক্রমে চিহ্নিত করে থাকেন। DNA-তে সেই চিহ্নকে ATGC এই অক্ষরগুলির মাধ্যমে প্রকাশ করা হয়। এই কোডটি অত্যন্ত স্থিতিশীল এবং দেহের টিস্যু এবং অঙ্গগুলির গঠনে কার্যকরী ভূমিকা রাখে। তবে পরিবর্তন বা মিউটেশন ক্রমাগত ঘটতে থাকে। এই পরিবর্তনের ফলে কোডের প্রতিলিপি পড়ার সময় কখনো হয়ত ভুল হয়ে যায়, যা শেষে পর্যন্ত চূড়ান্ত প্রোটিনটিকে প্রভাবিত করে ফেলে। অথচ কোষটি মূল তথ্য থেকে তৈরি করার কথা ছিল। মিউটেশনের ফলে উৎপন্ন প্রোটিন জীবদেহে যে ভূমিকা পালন করে তার উপর নির্ভর করে দেহে খুব মারাত্মক কোনো প্রভাব পড়তে পারে।

মিউটাজেনিক এজেন্ট (মিউটেশনের জন্য দায়ী), যেমন- প্রাকৃতিক বা কৃত্রিম উৎস (যেমন সূর্য বা এক্স-রে ডিভাইস) অথবা কোনো রাসায়নিক পদার্থ থেকে উৎপন্ন বিকিরণ, ইত্যাদির মাধ্যমে এই ধরনের মিউটেশনগুলি ঘটতে পারে। আবার অনেক ক্ষেত্রেই মিউটেশনের জন্য কোনো মিউটাজেনিক এজেন্ট আছে বলে মনে হয় না— এরা ‘স্বতঃস্ফূর্ত’। এখন প্রশ্ন হল, এই স্বতঃস্ফূর্ত মিউটেশন কীভাবে ঘটে? ইংল্যান্ডে সারে বিশ্ববিদ্যালয়ের এক গবেষকদলের সিদ্ধান্ত অনুযায়ী ‘সুড়ঙ্গ প্রভাব’ বা ‘টানেলিং এফেক্ট’ নামে একটি কোয়ান্টাম বলবিদ্যার প্রভাব এই ধরনের মিউটেশনে গুরুত্বপূর্ণ ভূমিকা পালন করে।


ওঁদের ব্যাখ্যা অনুযায়ী এখানে টানেলিং ঘটে যখন একটি সাব-অ্যাটমিক কণা (এই ক্ষেত্রে একটি প্রোটিন) শক্তি বাধা (energy barrier)-এর মধ্য দিয়ে যায়; একটি শক্তি বাধায় প্রবেশ করে অন্য

দিকে নির্গত হয়। অর্থাৎ এমন এক পরিস্থিতি, যা সনাতন বলবিদ্যার নিরিখে বা ক্লাসিক্যালভাবে অসম্ভব। ঘটনাটি অনেকটা একটি টেনিস বলের কোনো কংক্রিটের প্রাচীর অতিক্রম করার মতো, যেখানে বলটি না লাফিয়ে প্রাচীর অতিক্রম করতে সক্ষম হয়েছে। অত্যন্ত সূক্ষ্ম সাবঅ্যাটমিক ক্ষেলে এমন কাণ্ড ঘটতেই পারে। কারণ সাবঅ্যাটমিক কণাগুলির তরঙ্গ ধর্ম প্রকট এবং তরঙ্গগুলি একটি বাধা থেকে যেমন প্রতিফলিত হতে পারে তেমনি আংশিকভাবে একটি বাধাকে অতিক্রম করে অন্য দিকে যেতেও পারে।

একটি DNA দ্বি-তন্ত্র (ডবল-স্ট্র্যান্ড) হাইড্রোজেন বন্ধনীর উপর নির্মিত হয় (বিন্দুস্থৃত লাইন দিয়ে চিত্রে দেখানো হয়েছে), যা জৈব অণুতে একটি সাধারণ সময়োজী রাসায়নিক বন্ধনের চেয়ে অনেক কম শক্তিশালী। হাইড্রোজেন বন্ধন নির্দিষ্ট ‘অক্ষরগুলি’ (আদতে DNA-তে উপস্থিতি নাইড্রোজেন ঘটিত ক্ষার)-র মধ্যে গঠিত হয়। আমরা সবাই জানি G (গুয়ানিন) সর্বীয়া C (সাইটোসিন)-এর সঙ্গে এবং A (অ্যাডেনিন) আবদ্ধ থাকে T (থাইমিন)-এর সঙ্গে। যতক্ষণ এরা এইভাবে জুড়ে থাকে ততক্ষণ কোডটি প্রতিলিপিকরণ এবং নির্ভুলভাবে নির্দেশ প্রেরণ করার সুযোগ থাকে। তবে কখনও কখনও হাইড্রোজেন বন্ধনগুলির মধ্যে একটিতে হাইড্রোজেন থেকে প্রোটনটি খুলে সুড়ঙ্গ প্রভাবের মাধ্যমে এক অণু থেকে অন্য অণুতে চলে যায়; অর্থাৎ, G থেকে C পর্যন্ত একটি হাইড্রোজেন এবং C থেকে G পর্যন্ত একটি হাইড্রোজেন। এই ক্ষেত্রে, G পরিণত হয় G\*-এ এবং C রূপান্তরিত হয় C\*-এ। G\* এবং C\* হল মূল G এবং C এর ‘টটোমার’ সংক্রণ (নিম্নলিখিত চিত্রে দেখানো হয়েছে)। যখন প্রতিলিপিকরনের জন্য DNA দ্বিতন্ত্র খুলে যায়, আর তখন যদি কোনও জোড়া G-C, G\*-C\* এ পরিবর্তিত হয়, তবে অন্যান্য অগুণগুলির এদেরকে চিনতে ভুল হতে পারে। অনেকক্ষেত্রেই T মনে করে G\* একটি A এবং A মনে করে



প্রক্রিয়াগুলিতে কোয়ান্টাম বলবিদ্যার অবদান উদ্ঘাটন করা প্রায়শই খুব কঠিন হয়ে দাঁড়ায়। তাই মিউটেশনের উৎস হিসাবে জেনেটিক কোডের মধ্যে টাটোমারগুলির ভূমিকা নিয়েও বিজ্ঞানীদের মধ্যে বিতর্ক রয়েছে। এর কারণ হল DNA-তে ‘tautomerization’ প্রক্রিয়া, যেখানে একটি ডবল হাইড্রোজেন স্থানান্তরের মতো গুরুত্বপূর্ণ প্রক্রিয়াটি এখনও অস্পষ্ট।



কমিউনিকেশনস ফিজিক্স জার্নালে সদ্য প্রকাশিত এক গবেষণা প্রবন্ধে জিম আল-খলিলির নেতৃত্বাধীন গবেষক দলটি যুক্তি দিয়েছেন, ডাবল টানেলিং প্রক্রিয়াটি এত দ্রুত সঞ্চালিত হয় যে ডাবল হাইড্রোজেন স্থানান্তরের প্রক্রিয়াটি কোথের কার্যকলাপের সময়স্কেলে প্রাসঙ্গিক নয়। তাছাড়াও ওরা দেখতে পেয়েছেন হাইড্রোজেন বন্ধনের প্রোটনগুলি DNA-র অণুগুলির মধ্যে এত উচ্চ হারে বিনিয় হচ্ছে যে ডবল-স্ট্রান্ড বিচ্ছেদের উপর টাটোমারগুলি থেকে আসা প্রতিলিপি কোডের ক্রিটিগুলি হওয়ার সম্ভাবনা থেকেই যায়।

মিউটেশন শুধুমাত্র রোগের জন্য নয়, বৈচিত্র্য এবং বিবর্তনের জন্যও দায়ি। ফলে মিউটেশনের পদার্থবিজ্ঞান সম্পর্কিত জানা-বোঝা আমাদের উৎপত্তি বুঝতেও সাহায্য করতে পারে।


লেখক বিজ্ঞানের শিক্ষক ও বিজ্ঞান প্রাবন্ধিক।

email:acnbu13@gmail.com • M. 8967965340

## দৈনন্দিন জীবনে বিজ্ঞান

অনিন্দ্য দে

### পুরনো বই রঙে বাঢ়ে



এই সেলুলোজের সাথেই কাগজে আরেকটা জৈব পদার্থ থাকে, যার নাম লিগনিন। আলো আর পারিপার্শ্বিক বায়ুর সংস্পর্শে এই লিগনিনের আগবিক গঠন পাল্টাতে শুরু করে। অণুর মধ্যে ক্রোমোফোরস্ নামের একটা অংশ তৈরি হয়। এই ক্রোমোফোরস্ নির্দিষ্ট কিছু তরঙ্গদৈর্ঘ্যের আলোকে প্রতিফলিত করতে পারে। লিগনিনের মধ্যে তৈরি ক্রোমোফোরস্ হলুদ বা বাদামী বর্ণের আলো প্রতিফলিত করে। আর তাতেই বই পুরনো হয়ে গেলে হলদে দেখায়।

লেখক বিজ্ঞানের শিক্ষক ও বিজ্ঞান প্রাবন্ধিক।

email:anindya05@gmail.com • M. 9432220412

## ভ বা নী প্র সাদ সাহ ছেলের জন্য শিশুবলি


এখনো আমাদের দেশে কল্পিত অলৌকিক শক্তি তথা দেবদেবীকে সম্প্রস্ত করে নিজের কোন উদ্দেশ্য পূরণ করার জন্য নরবলি বা শিশুবলি দেওয়া হয়, এমন কথা শুনে পৃথিবীর সভ্যদেশের মানুষেরা অঁতকে উঠবেন। আমাদের দেশেও অনেকে হয়ত অবিশ্বাসের চোখে তাকাবেন। কিন্তু বাস্তব সত্য। সংবাদপত্রের পাতা খুললে বছরে দু-চারটে এমন ঘটনার উল্লেখ ছোট আকারে প্রকাশিত হতে দেখা যাবে।

এই তো কিছুদিন আগে, বিহারের একটি গ্রামে প্রতিবেশীর চার বছরের শিশুকে বলি দিয়েছিল শৈলদেবী (৬০) ও তার স্বামী কৈলাশ সাহনি। (দি টাইমস অব ইন্ডিয়া; ০৩.১২.১৬)

উদ্দেশ্য ছিল একটি নাতি পাওয়া। এদের ছেলে ধর্মেন্দ্র সাহনি (৪২)-র প্রথম পক্ষের স্ত্রী-র তিনটে মেয়ে জন্মেছিল। ছেলের আশায় আবার বিয়ে করলে তারও হয় দুটি মেয়ে। ধর্মেন্দ্র মা শৈলদেবী যাদুবিদ্যা নাকি জানত। এই ‘বিদ্যা’ প্রয়োগ করে, সে ঠিক করল অন্য একটি বাচ্চা ছেলেকে যদি বলি দেওয়া হয়, তবে ধর্মেন্দ্র ছেলে হবে, হবেই হবে। আর তার জন্য প্রতিবেশীর ঐ চার বছর বয়সী শিশুপুত্রকে সাথে নিয়ে গিয়ে বলি দিল। ঘটনাটি ঘটেছিল ২২ নভেম্বর, ২০১৬ তারিখে। শেষ রক্ষা আর হয়নি। শৈলদেবী-কৈলাশ সাহনি গ্রেপ্তার হয়েছে। সংবাদ প্রকাশের সময় ধর্মেন্দ্র ছিল পলাতক। অঙ্গ কুসংস্কারের কি ভয়াবহ পরিণতি।


অর্থাত এখন বিদ্যালয়ের জীবনবিজ্ঞানের ছাত্র-ছাত্রীরাও জানে পুত্র বা কন্যা জন্মানোর জন্য বিশেষ ক্রোমোজোম দায়ি। কোন অলৌকিক শক্তি বলে কিছু যেমন নেই, তাই তাকে সম্প্রস্ত করে কোন মহিলা পুত্রের জন্ম দেবে এটি যেমন অসম্ভব, তেমনি বারবার মেয়ের জন্মের জন্য মায়েরও কোন ভূমিকা নেই।

আমাদের শরীরের কোষে যে ২০ জোড়া ক্রোমোজোম থাকে, তার মধ্যে একজোড়া হচ্ছে সেক্স-ক্রোমোজোম অর্থাৎ যেটি লিঙ্গনির্ধারণ করে। পুত্রসন্তান তথা পুরুষের থাকে এক্স ও ওয়াই নামের দুটি ক্রোমোজোম। কন্যাসন্তান তথা নারীর দুটিই এক্স। সন্তান জন্মের আগে, যৌনমিলনে পুরুষের শরীর থেকে নারীর জরায়ুতে যায়, হয় এক্স বা ওয়াই যুক্ত পুঁজনন কোষ বা শুক্রাণু কিন্তু নারীর শরীরে ডিম্বাশয় বা ওভারি থেকে বেরোনো স্ত্রী-জননকোষে বা ডিম্বানুতে থাকে শুধুমাত্র এক্স সেক্স-ক্রোমোজোম। জরায়ুতে উভয়ে মিলিত হয়। পুরুষের থেকে আসা লক্ষ লক্ষ পুঁজনকোষের মধ্যে সাধারণভাবে মাত্র একটির সঙ্গে, নারীর পুরো ২৮ দিনের ঝাঁঁচক্রে ওভারি থেকে বেরোনো মাত্র একটি স্ত্রীজননকোষ মিলিত হয়। ঘটনাক্রমে যদি শুক্রাণুতে এক্স সেক্স-ক্রোমোজোম থাকে তবে শিশুর জন্মের




সেক্স-ক্রোমোজোমের দুটিই হবে এক্স অর্থাৎ সেটি হবে মেয়ে। অন্যদিকে ওয়াই সেক্স-ক্রোমোজোম যুক্ত শুক্রাণুর সঙ্গে মিলনে জন্মের দুটি সেক্স-ক্রোমোজোমের একটি হবে এক্স, অন্যটি ওয়াই অর্থাৎ ছেলে। লক্ষ লক্ষ শুক্রাণুর কোনটি ডিম্বাণুর সাথে মিলিত হবে, তা কেউ ইচ্ছা করে প্রভাবিত করতে পারে না, কোন পুজা-আচ্চা শাস্তিস্বস্ত্যয়ন বা নরবলি-শিশুবলি দিয়ে তো নয়ই। যদিও পুত্রের জন্মের জন্য অন্য নানাবিধি টেক্টিকা বা পদ্ধতির

কথা অনেকে বলে, এগুলির কোনটিই আদৌ নির্ভরযোগ্য বা সুনিশ্চিত নয়।



শুক্রাণু ও ডিম্বাণুর মিলন



লিঙ্গ নির্ধারণ পত্রিয়া


তাই বারবার মেয়ে হওয়ার জন্য এখনো অনেকে যে মা-কেই দায়ি করে, তা সম্পূর্ণ মিথ্যা ও ভিত্তিহীন। যদি আদৌ কোন ভূমিকা থাকে, তবে তা বরং বাবার কারণ তার থেকেই আসবে ওয়াই সেক্স-ক্রোমোজোম। অবশ্য এক্ষেত্রে বাবারও কোন ‘দোষ’ নেই। তবু আমরা দেখি অনেক পরিবারে বাবার মেয়ের জন্ম দেওয়ার জন্য বধূটির উপর নানারকম অত্যাচার চালানো হয়, গঙ্গা দেওয়া হয়, বিবাহবিচ্ছেদ থেকে বধূর আত্মহত্যার ঘটনাও ঘটে। যেহেতু সরাসরি মায়ের শরীর থেকে সন্তান জন্মাচ্ছে, তাই পুত্র বা কন্যাসন্তানের জন্য সেই-ই দায়ি, এমন একটি কুসংস্কার আর তার মর্মান্তিক পরিণাম এখনো আমাদের দেশে এই একবিংশ শতাব্দীতে বর্তমান।

এবং আরো ভয়ংকর হল অলৌকিক শক্তিকে সম্প্রস্ত করার জন্য নিরীহ নির্দোষ সুন্দর একটি শিশুকে তার উদ্দেশ্যে বলি দিয়ে, পুত্রসন্তান পাওয়ার প্রচেষ্টা।

লেখক চিকিৎসক ও বিজ্ঞান প্রাবন্ধিক।

email: sahoo2331953@gmail.com • M. 8777598939

## ছাগলের কানের তরুণাস্থি ব্যবহার করে রাইনোপ্লাস্টি ও মাইক্রোশিয়া



নাক ও কানের সুন্দর গড়ন মুখশীকে এক অন্যমাত্রা প্রদান করে। অন্যদিকে জন্মগত ভাবে বা দুর্ঘটনা জনিত কারণে নাক ও কানের আকৃতি অসুন্দর বা বিকৃত হলে অনেকেই হীনমন্ত্যতায় ভোগেন। এর সমাধানে সাহায্য নেওয়া হয় প্লাস্টিক সার্জারির। বেশীর ভাগ সময়ে ইমপ্ল্যান্টের খরচের কথা ভেবে তা আর হয়ে ওঠে না। এই সমস্যার সমাধানে এগিয়ে এলেন কয়েকজন প্রাণী ও মানুষের চিকিৎসক-গবেষক। ছাগলের কানের তরুণাস্থি ব্যবহার করে যৌথ ভাবে এঁরা তৈরী করেছেন এমন ইমপ্ল্যান্ট যা একাধারে হবে সস্তা ও সুলভ। রাইনোপ্লাস্টি ও মাইক্রোশিয়া অপারেশনে এই ইমপ্ল্যান্ট আজ দারুণ সফল। ভারত সরকারের জৈব প্রযুক্তি বিভাগের আর্থিক সহায়তায় করা এই গবেষনা প্রকল্পে যুক্ত ছিলেন পশ্চিমবঙ্গ প্রাণী ও মৎস বিজ্ঞান বিশ্ববিদ্যালয় ও আর জি কর মেডিক্যাল কলেজের সাতজন গবেষকের একটি দল।


ইমপ্ল্যান্ট তৈরীতে হঠাতে ছাগলের কান কেন? এই গবেষণা প্রকল্পে মুখ্য গবেষক অধ্যাপক সমিত কুমার নন্দী এই অভিনব উদ্যোগের কারণ বুঝিয়ে বলেন- আমাদের লক্ষ্যই ছিল এমন জৈব সামগ্রী যা একদিকে হবে সস্তা ও সুলভ, অন্যদিকে শরীরের পক্ষে গ্রহণযোগ্য ও পার্শ্বপ্রতিক্রিয়ারহিত। ছাগলের কান যেহেতু মাংস বিক্রিয় পর ফেলে দেওয়া হয়, তার বাজার মূল্য কম ও এটিকে সুলভ মূল্যে পাওয়া যায়। অথচ এর তরুণাস্থি কলাকে ব্যবহার করে বায়ো ইমপ্ল্যান্ট বানানো সম্ভব। কিন্তু ছাগলের কানের তরুণাস্থি মানুষের শরীর নেবে তো? এর উত্তরে এই প্রকল্পের অন্যতম গবেষক অধ্যাপক সিদ্ধার্থ জোয়ারদার

এর বিজ্ঞান ভিত্তিক কারণ ব্যাখ্যা করেন। যেহেতু এই ধরনের ট্রান্সপ্লাটেশনকে 'জেনোজেনিক' বলা হয়, তাই শরীরে তার গ্রহণযোগ্যতা কম হতে পারে। সেজন্য বিশেষ শোধনব্যবস্থা প্রয়োগ করে আমরা এর বিক্রিয়াশীল অংশকে বাদ দিয়ে নিয়েছিলাম। এরপর গবেষণাগারে সেল কালচার পদ্ধতি ব্যবহার করে এদের গ্রহণযোগ্যতা যাচাই করা হয়। পরে খরগোস-এ কোনো বিক্রিয়া না হওয়ায় মানুষে ব্যবহার করা হয়। গবেষকদলের প্লাস্টিক সার্জন অধ্যাপক রঞ্জনারায়ণ ভট্টাচার্য মানুষের শরীরে সফলভাবে প্রয়োগ করতে পেরে যাবরণনাই খুশী। এই প্রকল্পের সাফল্যে স্বভাবতই খুশী বিশ্ববিদ্যালয়ের উপাচার্য অধ্যাপক চঞ্চল গুহ। তাঁর কথায়, এই গবেষণা ভবিষ্যতে এই ধরনের যৌথ উদ্যোগকে আরও উৎসাহিত করবে। এই কাজটির জন্য পেটেটের আবেদন করা হয়েছিল এবং তা সম্প্রতি পাওয়া গেছে, জানালেন অধ্যাপক নন্দী। এই গবেষণার দলে যুক্ত ছিলেন ডঃ বিকাশ কাস্তি বিশ্বাস, অধ্যাপক সুভাশিস বটব্যাল, অধ্যাপক প্রদীপ কুমার দাস ও শ্রীমতি (ড.) পিয়ালি দাস। গবেষণা, খামার ও সম্প্রসারণ অধিকরণের অধিকর্তা অধ্যাপক তপন কুমার মঙ্গল, ভেটেরিনারি অনুষদের অধ্যক্ষ অধ্যাপক নীলোৎপল ঘোষ এবং বিশ্ববিদ্যালয়ের নিবন্ধক অধ্যাপক পার্থ দাস এই কাজের ভূয়সী প্রশংসা করেন এবং মানবকল্যাণে এই কাজ ভবিষ্যতে বাস্তবতা পাবে, এই আশা ব্যক্ত করেন।

—নিজস্ব প্রতিবেদক

## সৌ ম্য কান্তি জা না অ্যালিগেটর গার ও পরিবেশের বিপদ

গত ২৯ অক্টোবর সকালে জনপ্রিয় বাংলা দৈনিকের একটা খবরে গেল চোখ আটকে—‘ডায়মন্ড হারবারে মিলল মৎস্য অবতার, ‘জীবন্ত জীবাশ্ম’ ঘিরে চাপ্থল্য’। খবরটা পড়ে বছর দশকে আগের একটা ঘটনার কথা মনে পড়ে গেল। আমার সহকর্মী একদিন বলল, ‘আমার পুরুরে একটা অদ্ভুত



কুমির মাছ (অ্যালিগেটর গার)

মাছ পাওয়া গেছে। জালে উঠেছে। লোকজন দেখে বলছে এটা নাকি ক্রোকোডাইল ফিস। অ্যাকোয়ারিয়ামে পোষে। কেউ নিশ্চয়ই আমার পুরুরে কখনও ছেড়ে দিয়েছিল। তুমি চেনে? এই বলে তিনি আমাকে মোবাইল ফোনে তোলা মাছটার ছবি দেখালেন। ক্রোকোডাইল ফিসের ছবি আগে কোথাও দেখেছিলাম। হয়ত কোনও পত্রিকায় বা টিভিতে। ঠিক মনে নেই। সবজান্তা গুগলের শরণাপন্ন হলাম। দেখলাম, হ্যাঁ ওটা ক্রোকোডাইল ফিসই। সহকর্মীটি জানতে চাইলেন, ‘এই মাছ কি খাওয়া যায়?’ বললাম, ‘আমাদের দেশে যে খাওয়া হয় না তা নিশ্চিত। তবে আজকাল মানুষে কী না খায়।’ উনি বলছিলেন, ওর পুরুরের প্রায় সব মাছই নাকি সাবাড় করে দিয়েছে ওই ক্রোকোডাইল ফিস। আমি বললাম, ‘মাছটা আমাকে দাও। আমি স্কুলের ল্যাবরেটরিতে সংরক্ষণ করে রাখবে।’ সেই থেকে সাত-আট ইঞ্চি লম্বা ক্রোকোডাইল ফিসটি আমার ল্যাবে জারিবন্দী। আর তাই সংবাদপত্রের খবরটি পড়ে আমার আদৌ বিস্ময় জাগেনি, বরং চিন্তার ভাঁজ পড়ল কপালে।


চিন্তার কারণটা পরে বলছি। আগে ক্রোকোডাইল ফিসের পরিচয় পর্বতা সেরে ফেলি। ক্রোকোডাইল ফিস হল এর সাধারণ নাম। কুমিরের সাথে এর আদৌ কোনও সম্পর্ক নেই। আসলে এর লম্বাটে

চোয়াল আর তাতে তীক্ষ্ণ দাঁতের দুটি সারি এবং দেহ জুড়ে শক্ত ও ধারালো আঁশের উপস্থিতির জন্য সাধারণ লোক এর সাথে কুমিরের মিল খুঁজে পেয়েছে।


ক্রোকোডাইল ফিসের বিজ্ঞানসম্মত নাম অ্যালিগেটর গার (*Alligator gar*)। উন্নর আমেরিকার মেছো কুমির অ্যালিগেটরের সাথে এদের

লম্বাটে চোয়ালের সাদৃশ্য থাকায় এমন নাম। এই মাছ আদতে উন্নর আমেরিকার আদি বাসিন্দা। এরা উন্নর আমেরিকায় মিষ্টি জলে বসবাসকারী মাছদের মধ্যে আকারে সবচেয়ে বড় হয়। এরা গড়ে লম্বায় ছ ফুট আর ওজন ৪৫ কেজি। তবে ১০ ফুট পর্যন্ত লম্বা ও ১৫৯ কেজি ওজনের অ্যালিগেটর গার পাওয়া গেছে।


মাছটার নানারকম বিশেষত্ব আছে। এদের পটকা অন্য মাছেদের থেকে ভিন্ন। এদের পটকার সাথে ফুলকার সংযোগ আছে। ফলে পটকা যে এদের শুধু জলের মধ্যে তাসতে বা ডুবতে সাহায্য করে তাই-ই নয়, শ্বাসকার্যেও সাহায্য করে। আর তার ফলে কম অঙ্গিজেনযুক্ত যে জলে অন্য মাছের পক্ষে বাঁচা কষ্টকর সেখানে এরা দিব্য বৈঁচে থাকতে পারে। এদের আঁশও অন্য মাছেদের থেকে ভিন্ন প্রকৃতির। অত্যন্ত ধারালো, করাতের মতো খন্ডিত কিনারাযুক্ত, রম্পসাকৃতি ও খুব শক্ত এই আঁশ গ্যানয়েড প্রকৃতির। এইরকম আঁশের জন্য অন্য কোনও জলজ প্রাণী এদের খাদ্য হিসেবে শিকার করতে পারে না। এদের পৃষ্ঠ পাখনা আর পায়ু পাখনা দেহের অনেকটা পেছনের দিকে থাকে যা সচরাচর অন্য মাছের ক্ষেত্রে দেখা যায় না। আর পুচ্ছ পাখনা হাঙ্গরের পুচ্ছ পাখনার মতো অসম-বিভক্ত অর্থাৎ হেটেরোসারকাল।



অ্যালিগেটরের দেহ ও খুলির দৈর্ঘ্য



অ্যালিগেটরের প্রতিরোধী আঁশগুলির গঠন



অ্যালিগেটরের পটকা ও তার অন্তর্গর্থন


আবার হাঙরের সাথে আরও একটা মিল আছে। হাঙরের মতো এদের অন্ত্রে সর্পিলাকার কপাটিকা (Spiral Valve) উপস্থিতি। এইসব বৈশিষ্ট্য দশ কোটি বছর আগেকার অ্যালিগেটর গারের জীবাশ্মেও দেখা গিয়েছে। অর্থাৎ এরা কমপক্ষে দশ কোটি বছর ধরে প্রায় কোনও পরিবর্তন ছাড়াই বহাল তবিয়তে টিকে রয়েছে। তাই অ্যালিগেটর গারকে ‘জীবস্ত জীবাশ্ম’ বা ‘Living Fossil’ বলা যায়। প্রাগৈতিহাসিক অ্যালিগেটর গারের জীবাশ্ম পাওয়া গেছে উত্তর আমেরিকা, ইউরোপ, আফ্রিকা ও ভারত থেকে। এ থেকে বোঝা যায় প্রাচীনকালে মাছটির বিস্তার ছিল প্রায় সমগ্র পৃথিবী জুড়ে।

অ্যালিগেটর গার খাদ্য হিসেবে প্রধানতঃ মাছ শিকার করে। এছাড়া কাঁকড়া, কচ্ছপ এমনকি জলজ পাখিও খায়। এরা রাত্রিবেলায় খাবার শিকার করতে অভ্যন্ত। এরা বাঁচে দীর্ঘদিন। স্তৰ মাছ ডিম পাড়ার উপযুক্ত হয় প্রায় দশ বছর পর। যখন জলের উষ্ণতা ২০-২৮ ডিগ্রি সেন্টিগ্রেডে পৌঁছোয় এবং জলে জৈব পদার্থের পরিমাণ বেড়ে যায় তখন ঘাস ও আগাছাপূর্ণ জলাশয়কে ডিম পাড়ার উপযুক্ত স্থান হিসেবে বেছে নেয়। এক একবারে এরা প্রায় দেড় লক্ষ ডিম পাড়ে। ডিমের রঙ উজ্জ্বল লাল। আর এই ডিম বিষাক্ত। মানুষ যদি ভুল করে খেয়ে নেয় বিষক্রিয়াজনিত কারণে মৃত্যুও হতে পারে। খাদ্য হিসেবে মাছটি মানুষের গ্রহণযোগ্য না হলেও উত্তর আমেরিকা ও ক্যারিবিয় দ্বীপপুঞ্জের আদি অধিবাসীরা এই মাছের অঁশ দিয়ে তীরের ফলা বানানোর কৌশল আয়ত্ত করেছে বহুকাল আগে থেকে। তাছাড়া এই মাছের চামড়া দিয়ে প্রাচীনকালে মানুষ কাঠের লাঙলের আবরণ তৈরি করত।

বর্তমানকালে কেবল অ্যাকোয়ারিয়ামে পালন করা ছাড়া অন্য কোনও কাজে এই মাছ ব্যবহার করা হয় না বললেই চলে। আর এটাই পরিবেশের জন্য হয়ে উঠেছে বিপজ্জনক। মাছের আকার যখন অ্যাকোয়ারিয়ামে পালনের পক্ষে বড় হয়ে যায় তখন অনেকেই এই মাছকে অ্যাকোয়ারিয়াম থেকে বের করে স্থানীয় জলাশয়ে ছেড়ে দেয়। যেহেতু এরা প্রতিকূল পরিবেশে দারুণ অভিযোজিত হতে পারে তাই এরা জলাশয়ে দিবি বেঁচে থাকে। পুরুর, খাল-বিল, হুদ বা নদীর

স্বাভাবিক মাছ ও অন্যান্য জলজ প্রাণীদের নির্বিচারে খেয়ে ফেলে জলজ বাস্তুতন্ত্রে দফারফা করে দেয়। অ্যাকোয়ারিয়ামে চাষের জন্য যেসব প্রজননকেন্দ্রের জলাশয়ে এই মাছের বাচ্চা চাষ করা হয় সেখানে যদি বন্যা হয়ে যায় তবে সহজেই এই মাছ বিপুল পরিমাণে জলজ পরিবেশে ছড়িয়ে পড়ার সম্ভাবনা। কিছুদিন আগে কেরালায় ভয়াবহ বন্যার সময় এই ঘটনা ঘটেছে।

শুধু অ্যালিগেটর গার নয়, একই দোষে দুষ্ট আরও কিছু বিদেশি মাছ, যেমন তেলাপিয়া, রূপচাঁদা, আফ্রিকান মাণ্ডর ইত্যাদি। আফ্রিকার স্বাভাবিক মাছ তেলাপিয়া, দক্ষিণ আমেরিকায় স্বাভাবিক মাছ রূপচাঁদা (Red bellied pacu) বা আফ্রিকান মাণ্ডর যদিও খাদ্য হিসেবে বর্তমানে আমাদের দেশে চাষ হচ্ছে কিন্তু এগুলো বন্যার সময় চাষের পুরুর থেকে নদী-খাল-হুদ ইত্যাদিতে সহজেই চলে যাচ্ছে এবং তারপর ওইসব জলাশয়ের স্বাভাবিক বাস্তুতন্ত্রকে ধ্বংস করে দিচ্ছে। এর প্রমাণও আমরা পাচ্ছি। আগে গঙ্গায় যে পরিমাণ স্বাভাবিক মাছ



আফ্রিকান মাণ্ডর

পাওয়া যেত এখন তার অধিকাংশই পাওয়া যায় না। বরং পাওয়া যায় ওইসব বহিরাগত মাছের প্রজাতি।

তাহলে এই বিপদ থেকে রক্ষা পাওয়ার উপায় কী? উপায় তো আইনেই বলা আছে। জীববৈচিত্র্য আইন (২০০২) অনুসারে পরিবেশের পক্ষে বিপজ্জনক কোনও বিদেশি প্রজাতিকে দেশের মধ্যে আনা বা প্রতিপালন করা দণ্ডনীয় অপরাধ। কিন্তু আইনের রক্ষকরা যদি চোখ বুজে থাকেন তবে পরিবেশ রক্ষা পাবে কী করে? শুধু অ্যালিগেটর গার নয়, পরিবেশের পক্ষে ক্ষতিকর সমস্ত বিদেশি প্রজাতির মাছের চাষ দ্রুত বন্ধ করার জন্য সরকারকে জরুরী ভিত্তিতে পদক্ষেপ গ্রহণ করতে হবে। পাশাপাশি পরিবেশে বিদেশি প্রজাতির মাছের ক্ষতিকর প্রভাব নিয়ে মানুষের মধ্যে সচেতনতাও গড়ে তুলতে হবে। পরিবেশ রক্ষা পেলে তবেই না আমরা বেঁচে থাকব।

লেখক বিজ্ঞানের শিক্ষক, বিজ্ঞানকর্মী ও প্রাবন্ধিক  
email: janasoumyakanti@gmail.com • M. 9064202882, 9434570130

## পল্ল ব রায় গুপ্ত

# সৃষ্টি ও ধর্মসের নেপথ্যে

যে মহাবিশ্বের আমরা একটা ছোট অংশ, তার সৃষ্টি সম্পর্কে আমাদের কৌতুহল অনন্ত। সৃষ্টি থাকলে তার অন্ত থাকবে এই অমোঝ সত্যকে আমরা অনেক সময়েই ভুলে যাই বা আগ্রহ প্রকাশ করিন। হয়তো শেষের দিনের চিন্তা আমাদের আতঙ্কিত করে তোলে আর তাই আমরা সেই চিন্তা থেকেই নিজেদের সরিয়ে নিই। বিজ্ঞান কিন্তু সৃষ্টি ও ধর্মসের দুটির ব্যাপারেই সমান আগ্রহী। সন্তান্য যেকোনো বিপর্যয়ের সাথে যুক্তিবাবুর জন্য বিজ্ঞানীরা নিজেদের প্রস্তুত করে চলেছেন অনবরত।

এমন একটা দিন আসতেই পারে, যেদিন সমগ্র পৃথিবী বেশ কিছু সময়ের জন্য আদিম হয়ে পড়বে। ইলেক্ট্রনিস্টি বঞ্চ, ইন্টারনেট কাজ করবেনা, সমস্ত অর্থনৈতিক লেনদেন বিপর্যস্ত হবে। শুনে কিছুটা কল্পবিজ্ঞানের গল্প মনে হলেও বাস্তবে এই পরিস্থিতি আসতেই পারে। আর এই রকমটা হতে পারে শুধু মাত্র সূর্যে কিছু ঘটনা ঘটার জন্য। পৃথিবীর সৃষ্টি ও ধর্মসের চাবিকাঠি নিহিত আছে সূর্যের মধ্যে। সূর্য তার সৌর পরিবারের প্রধান কর্তা। এটি একটি গ্যাসের বিশাল একটি গোলা। তার মধ্যে অনবরত চলছে এক পরিবর্তনের খেলা। দুটি হাইড্রোজেন পরমাণু মিশে গিয়ে তৈরী হচ্ছে এক নতুন পরমাণু হিলিয়াম আর তার সাথে প্রচুর এনার্জি যা ছড়িয়ে পড়ছে চারিদিকে। বিজ্ঞানের ভাষায় যাকে বলে ফিউশন। পৃথিবীতে প্রাণ সৃষ্টির মূল হলো সূর্য থেকে উদ্ভৃত সেই এনার্জি। শুধুই কি এনার্জি যথেষ্ট নাকি দরকার সঠিক পরিবেশ? এই সব প্রশ্নের উত্তর লুকিয়ে আছে আমাদের অতি পরিচিত নক্ষত্রের কাছে।

এক ভয়ঙ্কর তাপমাত্রায় সূর্যের মধ্যের পদার্থ প্লাজমা অবস্থায় থাকে। এই প্লাজমা কখনো কখনো দুর্বার গতিতে এক ঘূর্ণি ঝড়ের সৃষ্টি করে। পৃথিবীতে বসে টেলিস্কোপ এ চোখ রেখে বিজ্ঞানীরা এই সৌর ঝড়ের ছবি তুলতে সক্ষম হন। সূর্যের গায়ে এই ঝড় কালো কালো গর্তের মতো দেখায়। প্রতিবেশী রাষ্ট্র বা রাজ্যের কোনো ঘটনা যেমন তার আশপাশের রাষ্ট্রে বা রাজ্যে প্রভাব ফেলে তেমনি সৌর ঝড়ের প্রভাব পৃথিবীতে ডেকে আনতে পারে এক তাণ্ডব লীলা।

গত মাসের এক ঘটনা সেই তাণ্ডবের এক ছোট নির্দশন মাত্র। প্রথ্যাত উদ্যোগ্তা এলোন মাস্ক-এর স্বপ্নের মহাকাশ গবেষণা সংস্থা স্পেসএক্স এর প্রায় পঞ্চাশটি উপগ্রহ উৎক্ষেপণের কিছুক্ষণের মধ্যেই ধর্মস হয়ে যায়। ঠিক কি ঘটে এই সৌর ঝড় হলে? সূর্যের দেহ থেকে ফোয়ারার মতো ছুটে আসে রাশি রাশি চার্জড পার্টিকেল বা তড়িতাহিত কগা। সেই সব কগার সংস্পর্শে মহাকাশ স্থিত কোনো ধাতব বস্তুর বিভব যায় বেড়ে। এই ভয়ঙ্কর বিভবের জন্যে ধাতব উপগ্রহগুলিতে বিস্তর গোলোযোগ বাধে। তাহলে এ সমস্ত চার্জড পার্টিকেল যখন পৃথিবীর বুকে আছড়ে পড়ে, তার আগে পৃথিবী তার নিজস্ব সুরক্ষা বলয় অর্থাৎ চুম্বক ক্ষেত্রের সাহায্যে এই আক্রমণকে কিছুটা আটকাতে সক্ষম হয়। কিন্তু যদি সৌর ঝড়ের তীব্রতা অনেক

বেশি থাকে তাহলে সেটি ডেকে আনতে পারে ঘোর বিপর্যয়। এই সমস্ত চার্জড পার্টিকেল পৃথিবীতে থাকা ইলেক্ট্রিক গ্রিড গুলির বিভব সাংঘাতিক রকম বাড়িয়ে দেয়।

ফলস্বরূপ যেকোনো ইলেক্ট্রিক্যাল সামগ্রী তৎক্ষণাত পড়ে ছাই হয়। মহাকাশে ঘূর্ণিয়মান উপগ্রহগুলি যদি বিকল হয়ে পড়ে তাহলে পৃথিবীর সমস্ত বৈদ্যুতিন যোগাযোগ মাধ্যমও বিকল হয়ে পড়ে। বর্তমান সভ্যতার একটি বড় অংশীদার হল ইন্টারনেট, টিভি ও রেডিও। এগুলির সাথে অঙ্গস্থিতাবে জুড়ে আছে দেশের ব্যাকিং, গবেষণা, সরকারি ও বেসরকারি কাজ এবং বিনোদন। একটি বড়ো সৌর ঝড় যদি আছড়ে পড়ে তাহলে তা কোনো একটি দেশের আর্থ সামাজিক ব্যবস্থা তচ্ছন্দ করে দেওয়ার জন্যে যথেষ্ট। হিসেব করে দেখা গেছে এই আর্থিক ক্ষয়ক্ষতির পরিমাণ ট্রিলিয়ন ডলার ও ছাড়িয়ে যেতে পারে। সৌর ঝড়ের সরাসরি প্রভাব এসে পড়ে প্রত্যেক দিনের আবহাওয়াতেও। তাপমাত্রা বৃদ্ধির সাথে খরা ও বন্যার প্রবণতা বেড়ে যায়। দীর্ঘস্থায়ী অনাবৃষ্টি ও অতিবৃষ্টি পৃথিবীকে দাঁড় করাতে পারে ধর্মসের মুখোমুখি।

আমরা কি এতটাই অসহায়? বিজ্ঞান কি আমাদের কোনো পথ দেখাতে পারে? কলকাতার ইন্ডিয়ান ইনসিটিউট অফ সায়েন্স এডুকেশন এন্ড রিসার্চ-এ গড়ে উঠেছে মহাকাশ সংক্রান্ত গবেষণার একটি বিশেষ কেন্দ্র। স্থানকার বিজ্ঞানী ডঃ দিব্যেন্দু নন্দী একজন সৌর বিজ্ঞান বিশেষজ্ঞ। তার আবিস্কৃত মডেল ভারতবর্ষের মহাকাশীয় আবহাওয়া সংক্রান্ত গবেষণাকে এক নতুন পথ দেখাচ্ছে। সেই মডেলের সাহায্যে আগামী এক দশক ধরে সূর্যের প্লাজমার গতিবিধির পূর্বাভাস ও পর্যালোচনা করা সম্ভব। যেকোনো রকমের সৌর ঝড়ের আগাম আভাস পেলে তার জন্যে তৈরী থাকা সম্ভব হয় এবং সে ক্ষেত্রে ক্ষয় ক্ষতির পরিমাণ অনেকাংশে কম করা সম্ভব। মূলত তাঁরই প্রচেষ্টাতে আমাদের দেশ আরেকটি মহাকাশ অভিযানের জন্যে প্রস্তুত হচ্ছে।

আদিত্য এল-১ নামের এই মহাকাশ অভিযানের মূল উদ্দেশ্য হল সূর্য মামার ঘরের হাঁড়ির খবর নেওয়া এবং সে সব তথ্য সৌর বিজ্ঞান গবেষণার অন্তর্মুল সম্পদ হয়ে উঠবে। এতদিন পর্যন্ত আমাদের দেশকে এইসব তথ্যের জন্য নাসা-র কাছে হাত পাততে হত। এই অভিযান আমাদের দেশকে সৌর গবেষণায় স্বয়ংসম্পূর্ণ করে তুলবে।

কয়েক কোটি বছর আগে যেমন সূর্য ও বিভিন্ন নক্ষত্রের দেহাবশেষ থেকে পৃথিবীতে প্রাণের স্পন্দন জেগেছিলো ঠিক তেমনি ভাবে একটি সৌর ঝড় পৃথিবীতে কোনো একটি সভ্যতা মুছে দিতে পারে। এই প্রাণের সৃষ্টি ও ধর্মসের লীলা খেলায় আমরা এখনো সূর্যের কাছে বন্দি।

লেখক বিজ্ঞান লেখক, আই আই টি, মাদ্রাজ।

email: physics.pallab@gmail.com • M. 9681021007



## জুন বিভিন্ন অনুষ্ঠান

বিশ্ব  
পরিবেশ  
দিবস



আয়োজক : রেড এস এন সি, জলপরিষিক্তি  
অনুষ্ঠান : আমোচনা, পৃষ্ঠায়র বিতরণ, প্রযোজন, গাহ বিতরণ



আয়োজক : বিজ্ঞান মন্দির ও জ্ঞান প্লাটফর্ম ও গাইডস বৈজ্ঞানিক  
অনুষ্ঠান : সাইকেল রাজি, চিয়ে প্রক্রিয়া ও মৎসভা



আয়োজক : খেলবাজার পরিষেবা পরিষদ  
অনুষ্ঠান : পদবারী



আয়োজক : ফি ই সি ও, বেজপিয়ার  
অনুষ্ঠান : পদবারী



আয়োজক : এস সি এফ, কলকাতা  
অনুষ্ঠান : চিকিৎসা, পুরোগতি, গাহ বিতরণ



আয়োজক : নদীয়া পরিবেশ মন্ড ও শান্তিপুর সামুদ্র কাব  
অনুষ্ঠান : আমোচনা, প্রক্রিয়া ও পদবী পরিচয়



আয়োজক : পি এ এস ই, কলকাতা  
অনুষ্ঠান : মুকুটোপাথ, সামোন, চমুরী



আয়োজক : পেশোব্ধু, মুকুটোপাথ  
অনুষ্ঠান : বৃক্ষোপন, সামুষ্টিক কর্মসূত্র



আয়োজক : নেডাট কার্পেট, গুগাটুট  
অনুষ্ঠান : প্রকৃতি, আলোচনা, পরিকল্পনা



আয়োজক : পি এস মার্কিনেশন, পুর মেলিলুপ  
অনুষ্ঠান : মুকুটোপাথ



আয়োজক : নেডাট নামানিক উদ্যোগ  
অনুষ্ঠান : পুর মেলিলুপ



আয়োজক : সহকর, মালুল  
অনুষ্ঠান : পুর মেলিলুপ, আলোচনা



আয়োজক : সন্তুষ্ট অভিযান, চেমনামো  
অনুষ্ঠান : আলোচনা ও প্রশ্নোত্ত্র



আয়োজক : পরিশেষ বাস্তব মুক্ত, নেওয়াকপুর  
অনুষ্ঠান : আলোচনা



আয়োজক : বিজ্ঞান কলেজ, মুরিদবাস  
অনুষ্ঠান : পাহা বিত্তবাল, পখসাড়া



আয়োজক : নিশাচৰি সংবেদ ও উভান, দাঃ সিনাতপুর  
অনুষ্ঠান : পুরুষা, সাটোকেল গাঁও, খোস্টির পুনৰ্জনী



আয়োজক : মৌখ পরিবেশ মক, ঢাকড়া  
অনুষ্ঠান : পুরুষা, আয়োজনা



আয়োজক : ভোগকল পিলান পত্রিকা, মুরিদবাস  
অনুষ্ঠান : পখসাড়া, কম্পোনী

## ଯାରା ହାରିଯେ ଯାଛେ

### ତନ୍ତ୍ରପାତ୍ରୀ

ସାଧାରଣ ଇଂରେଜି ନାମ : Snow Leopard  
ବିଜ୍ଞାନସମ୍ମାନ ନାମ : *Panthera uncia*



ଏହା ଏ ମହିଳା ଏଥିରାର ମୂଳ୍ୟ ପାହାଡ଼ି ଅକ୍ଷଳେ ଅଭିଭାବ ଏହି ତନ୍ତ୍ରପାତ୍ରୀ ପାଦରେ ଥାଏ । ଏଟି ଏଠାଟିଟି ମୂର୍ଗର ଯେ ଶୀର୍ଷବିଦ୍ସର ଏକେ 'ପାହାଡ଼ି ମୂର୍ଗ'—ଆଖ୍ୟ ନିରୋହିନୀ । ନାରୀ ଥିଲେ ଆହୁମିଳିତ ମଧ୍ୟ ଦ୍ୱାରାରେ ଥାଏ ମନ୍ଦ ନାମେ କରା ଥାଏ । ୨୦୧୬ ମାର୍ଚ୍ଚ ଏକ ଶୂନ୍ୟାଙ୍କ ଅଭିଭାବ ଦ୍ୱାରାରେ ଥାଏ ମନ୍ଦ ନାମେ କରା ଥାଏ । ୨୦୧୬ ମାର୍ଚ୍ଚ ଏକ ଶୂନ୍ୟାଙ୍କ ଅଭିଭାବ ଦ୍ୱାରାରେ ଥାଏ ମନ୍ଦ ନାମେ କରା ଥାଏ । ୨୦୧୬-୨୭୪୩ ମଧ୍ୟରେ ଏଠାଟିଟି ମନ୍ଦ ନାମେ କରା ଥାଏ । ଭାବାରେ ଖେଳାତ ହେଲିଲ ତାତୀରୀ ଉଦ୍‌ଘାଟନ, କିମ୍ବାର ତାତୀରୀ ଉଦ୍‌ଘାଟନ ପରିଵାର ବନାକରେ ଦେବ ଥାଏ ।

### ପଞ୍ଚି

ସାଧାରଣ ଇଂରେଜି ନାମ : Himalayan Quail  
ବିଜ୍ଞାନସମ୍ମାନ ନାମ : *Ophrysia superciliosa*



ଏଟି ହିମ୍ବାର ଫିଙ୍ଗାଟ ତାତୀରୀ ପାହାଡ଼ି ପାଦରେ ଥାଏ । ୧୮୪୫ ମାର୍ଚ୍ଚ ଆବିଭୃତ ଥାଏ ଏବଂ, ୧୮୭୬ ମାର୍ଚ୍ଚ ପର ଆର ଫେରର୍ତ୍ତ କରା ଥାଏନି । ଉତ୍ତରାଖଣ୍ଡର ପଞ୍ଚିମ ହିମାଲ୍ୟର ମୂଳ୍ୟ ମୂର୍ଗ ଅଭିଭାବ ପାଦରେ ଥାଏନାହାନ୍ତି । ଶେଷ ଦେଖ ଗୋହେ ଘୋରି ଲିକଟିନାଟି ଅଭିଭାବ ପାଦରେ ଥାଏନାହାନ୍ତି ଏବଂ ବିଜ୍ଞାନୀଙ୍କ ପାଦରେ ଥାଏନାହାନ୍ତି ଏବଂ ବିଜ୍ଞାନୀଙ୍କ ପାଦରେ ଥାଏନାହାନ୍ତି ଏବଂ ବିଜ୍ଞାନୀଙ୍କ ପାଦରେ ଥାଏନାହାନ୍ତି । ଏକମାତ୍ର ନାମେ କରା ଥାଏ ଏଟା ଶୂନ୍ୟ ମୂର୍ଗି । କିନ୍ତୁ ୨୦୧୫ ମାର୍ଚ୍ଚ ସେବକରେ କୋନ କୋନ ଏକାକୀର୍ଥ ଏବଂ ଦେବକର ନାମି କରା ଥାଏ । ତାହିଁ ଏହିର ଶୂନ୍ୟ ନା କାହିଁ ହିନ୍ଦି ନାମେ କରା ଥାଏ ।

### ଲାଗିନ୍ଦିପ

ସାଧାରଣ ଇଂରେଜି ନାମ : Mugger Crocodile/Mars Crocodile  
ବିଜ୍ଞାନସମ୍ମାନ ନାମ : *Crocodylus palustris*



ଏହି ମହିମା ଆକାଶରେ ଝୁମ୍ପାର ଜାତରେ ଭାଟୀନ କୁଦିର । ମହିଲ ଦ୍ୱାରା ସେବକ କରି କାରେ ଭାଟୀରେ ଉପରେବାରେ ଏହିର ଦେଖିବା ଅଭିଭାବ କରିବାର ପରିବାର । ଏହି ଶୂନ୍ୟାଙ୍କ ଆହୁମିଳିତ ନାମେ କରା ଥାଏ । ଏହି ଶୂନ୍ୟାଙ୍କ ଆହୁମିଳିତ ନାମେ କରା ଥାଏ । IUCN ଏହି ମହିଲ ଭାଟୀମୁକ୍ତ ଆହୁମିଳିତ ଏହା ବିପରୀତର ଭାଟୀଟି । ମୂଳ୍ୟ ଭାଟୀକୁ କାହିଁ କାହିଁ ବନାନ୍ତି ଆବଶ୍ୟକ କରାଯାଇଛି । ଏହି ମହିଲ ଭାଟୀରେ କାହିଁ କାହିଁ କରିବାର ପରିବାର ।

### ଆମ୍ରେକ୍ଷଣତା

ସାଧାରଣ ଇଂରେଜି ନାମ : Horseshoe Crab/King Crab  
ବିଜ୍ଞାନସମ୍ମାନ ନାମ : *Limulus sp.*



ଅଭିଭାବ କାତେର ଏହି ରାଜକୀୟଭାବ ଅଭିଭାବ ନାମେ ବାଲି ହିନ୍ଦା କରିବାକୁ ଆବଶ୍ୟକ ଅଭିଭାବ ଦେବ ଥାଏ । ଏହି ଶୀର୍ଷବିଦ୍ସର ପରିଭାବର ଶୀର୍ଷବିଦ୍ସର ଜୀବିତ କାହିଁ ଥାଏ । ଏହା ଟିକିଲାବିଜାନେ ଅଭିଭାବ କରିବାର ପୂର୍ବ—ବିଶେଷ କାହିଁ ଏହିର ଉପରିଭିତ୍ତି ବିଶେଷ କାହିଁ ବିଶେଷବାଦୀର ଉପରୁଳବାଦୀ ଅଭିଭାବ ଦେବ ଥାଏ । ଆଜି ଏହା ବିପରୀତର ଭାଟୀଟି ଜାପେ ଥିଲିପିତ ।